

# Mataio

## Yesuhât Den Pat Âlepŋe Mataioŋe kulemguop.

---

Yesuhât tâmbâliphŋe yeŋgât kutyeŋe  
(Luka 3:23-28)

**1** <sup>1</sup>Yura lohimbi nengât tâmbânenŋe, yamâ kutŋe Awaraham sâŋ, yâkât senâmbâ gâtŋe Dawiti. Otmu yâk yetgât sen âlâ yâkâlembâ Yesu teteop yamâ Anitâŋe hâŋgângumu giop. Otmu Awarahamgât senâmbâ tetem gawi ya yeŋgât kutyeŋe yuwu.

<sup>2</sup>Topŋe katmâ Awarahamgât nanŋe, kutŋe Isaka sâŋ ya teteop. Isakahât nanŋe Yakop sâŋ ya teteop. Yakopgât nanŋe Yura sâŋ, ya teteop. Otmu imiliphŋe dondâ meyeŋop. <sup>3</sup>Yuraŋe imbi âlâ, kutŋe Tama sâŋ, ya miop. Yaŋeâmâ naom yâhâp meyeleŋop, yâk yetgât kutyetŋe, Peresi yet Sera. Otmu Peresihât nanŋe Hesoron teteop. Hesorongât nanŋe Lam teteop. <sup>4</sup>Lamgât nanŋe Aminarap teteop. Aminarapgât nanŋe Nason teteop. Nasongât nanŋe Salamon teteop. <sup>5</sup>Salamonŋe imbi miop yamâ kutŋe Lahap, yaŋeâmâ nanyetŋe Boasi miop. Boasiŋe imbi, kutŋe Lut sâŋ, ya memu yâkŋe nanyetŋe Owet sâŋ ya miop. Owetgât nanŋe Yese teteop. <sup>6</sup>Yesehât nanŋe Dawiti teteop.

Dawitiŋeâmâ lok kutdâ otmâ manmâ bukuŋe, kutŋe Uria sâŋ, yâkât imbi hârem mewâŋgiop. Imbi yaŋe nanyetŋe Solomon ya miop. <sup>7</sup>Solomongât nanŋe Lehowoam teteop. Lehowoamgât nanŋe Awia teteop. Awiahât nanŋe Asa teteop. <sup>8</sup>Asahât nanŋe Yosapata teteop. Yosapatahât nanŋe Yoram teteop. Yoramgât nanŋe Usia teteop. <sup>9</sup>Usiahât nanŋe Yotam teteop. Yotamgât nanŋe Ahasi teteop. Ahasihât nanŋe Hisikia teteop. <sup>10</sup>Hisikiahât nanŋe Manase teteop. Manasehât nanŋe Amon teteop. Amongât nanŋe Yosia teteop. <sup>11</sup>Yosiahât nanŋe Yekonia teteop. Otmu imiliphŋe nombotŋe meyeŋop.

Otmu sâp yanâmâ kapi pato âlâ, kutŋe Bawilonia sâŋ, yan tâmbâliphnenŋe yeŋgât kasalipyeŋeŋe taka yongom kiom tuhuyiŋgiwi.

Kiom tuhuyingim meyekmâ ari Bawilonia yan katyeknetâ yâk yengât hoŋ bawa otmâ manbi. <sup>12</sup>Bawilonia kapi manbi yakât kakŋan Yekoniahât nanŋe, kutŋe Salatîe sâŋ ya teteop. Salatîehât nanŋe Seruwawe teteop. <sup>13</sup>Seruwawehât nanŋe Awiuru teteop. Awiuruhât nanŋe Eliakim teteop. Eliakimgât nanŋe Asoro teteop. <sup>14</sup>Asorohât nanŋe Sarok teteop. Sarokgât nanŋe Akim teteop. Akimgât nanŋe Eliut teteop. <sup>15</sup>Eliutgât nanŋe Eliasa teteop. Eliasahât nanŋe Matan teteop. Matangât nanŋe Yakop teteop. <sup>16</sup>Yakopgât nanŋe Yosep teteop. Yosepgât imbi sâŋetâ manop yamâ Maria. Yâhâ Mariaŋeâmâ Yesu miop yamâ Anitâŋe hâŋgângumu yâkâlen gemu miop ya nâŋgâmain.

<sup>17</sup>Otmu Awarahamgât senâmbâ tetem gaŋetâ gaŋetâ tânâmyeŋambâ Dawiti ya teteop. Yâhâ Awaraham yâkâlembâ lok komotŋe komotŋe tetem gaŋetâ ya yengât sen yaŋe menduhuakmâ 14 olop. Otmu Dawitihât sen yapâ tetem gaŋetâ gaŋetâ Bawilonia hânân ari manbi sen yaŋe menduhuakmâ yawuâk 14 olop. Otmu Bawilonia hânân manbi yaŋak manmâ gaŋetâ gaŋetâ Anitâŋe nanŋe tihitnenŋe olâk sâŋ hâŋgângumu yuân giop sen yaŋe menduhuakmâ yawuâk 14 olop. Otmu Yesuŋe giop sâp yanâmâ sen ya pesuk sâop.

**Yesu teteop**  
(Luka 2:1-7)

<sup>18</sup>Anitâŋe Yesu hâŋgângumu gemu Mariaŋe miop yakât topŋe yuwu tap. Mâmâŋe Maria yamâ Yosepgât pat kuwaŋgiwi. Yâhâmâ sihan ikŋiâk ikŋiâk manmâ gamutâ Anitâhât Wâtgât mâmâŋahât Heakŋe Maria mâmâŋe otbaŋgimu, lokŋe orop, konohân ki manowot yan, imbiâk ya tepŋe olop. <sup>19</sup>Sâp yan Yosepŋe Anitâhât den tâŋ tâŋâk lâum manop. Yakât otmâmâ biwiŋaŋe yuwu nâŋgâop. “Âo, yuâmâ nâhât pat kunihîwi. Yamâ benŋe lok nombotŋe orop mon manmai. Yawu gârâmâ nâŋe lok sen senân watmune aŋulakmap,” yawu sâŋ biwiŋanâk nâŋgâm manop. <sup>20</sup>Yawu nâŋgâm manmâ yâhâm yâhâm yan awun ehop. Awun ekmu Anitâhât aŋelo âlâŋe yuwu sâŋ ekuop. “Yosep gâ Dawitihât sen, yakât yuwu sâŋ ekgohomune nâŋgâ. Anitâhât Wâtgât mâmâŋahât Heakŋe Maria mâmâŋe otbaŋgimu tepŋe oap. Yawu gârâmâ gâŋe ki nâŋgârâ bâlewuap. <sup>21</sup>Yâkŋe nanŋe membuap. Nanŋe memu kutŋe Yesu kunbuat. Yâhâ kutŋe yakât topŋe yuwu. Yen yâkât komot manmâ otmâ hilipgum gai yen kerehâk meyekbuap. Meyekmu Anitâŋe yekmu ârândâŋ otbuap.” Aŋeloŋe yawu sâŋ Yosep ekum ariop.

<sup>22-25</sup>Yawu sâŋ Yosep ekuop ya nâŋgâmu ârândâŋ otmu imbiŋe memu orowâk manowot. Yawu manmâ yâhâm naom ya miop. Otmu Yosepŋe naom ya kutŋe Yesu sâŋ kunop. Yakât topŋe teteâkgât Anitâŋe emet inânŋan yuwu sâmu poropete âlâŋe kulemguoŋ.

“Imbi sihan âlâŋe naom membuap. Yâhâ kutŋe âlâmâ Imanue sâŋ kunbuat.”

Yawu sâmu kulemguop. Kut kunop yakât topņeâmâ yuwu tap. Anitâņe nen orop sâp ârândânġak tatmap. Yawu.

**Pitu ekmâ takawiņe Yesu mepaewi.**

**2** <sup>1</sup>Yuraia hânân lok kutdâ pato âlâ, kutņe Herot sâam, ya manop. Sâp yanâmâ Maria yet Yosep yâhâmâ Yuraia hânân kapi âlâ Betelem sâam yan manowot. Kapi yan Mariaņe Yesu miop. Memu yakât kakņan lok nombotņe nâņgân nâņgânyeņe papato yaņe pitu âlâ tetemu ekmâ yakât topņe nâņgâne sâam emetsenņe ga takamawângembâ takawi. Taka Yerusalem kapiân yâhâm kapi ambolipņe yuwu sâam âiyongowi. <sup>2</sup>“Yuân naom âlâ teteop yaņeâmâ hâmbâi yengât lok kutdâ otmâ manbuap yakât towat pitu tetemu ekbin. Naom ya mepaene sâam kapi kâlepņehembâ takain.” Yâhâmâ wosapâ tap?” Yawu sâam âiyongowi.

<sup>3</sup>Yakât den pat ya nâņgâm lok kutdâ Herotņe nâņgâm yâkņe pato otmâ watnekmâ kawenan kinmap nâņgâm gorâwâņgiop. Otmu bukulpņeņe gurâ yawuâk nâņgâm gorâyiņgiop. <sup>4</sup>Herotņe den pat ya nâņgâm hotom uminiwi ya yengât kunlipyene otmu Mosehât girem den kâsikum ningiminiwi ya kerek menduhuyekmâ yuwu sâam âiyongop. “Anitâņe hâmbâi hâņgângumu gewuap sâmai yamâ kapi wosan tetewuap yakât topņe eknohoņetâ nâņgâwe.” Yawu sâop.

<sup>5-6</sup>Sâmu sâwi. “Anitâņe propete âlâ den ekumu kulemguop ya yawu tap.

“Lok kutdâ âlâ tetem galem otbuap yâkât topņe yuwu. Yâhâmâ Betelem kapi Yuraia hânân yan tetewuap. Yan tetem manmâ Isirae yengât kunyene otmâ galemयोगowuap. Yakât otmâmâ kapi yakât nâņgâņetâ yahatbuap.” Yawu kulemguop tap.” Yawu sâwi.

<sup>7</sup>Yawu sâņetâ Herotņe naom ya tetemu sâp kâlep me tâlâwâk oap, yakât topņe nâņgâwe sâam pitu watmâ takawi ya yohâk mem dâiyekmâ yuwu sâam âiyongop. “Pitu ekmâ takawi ya sâp girawuân tetemu ekbi?” Sâmu yakât topņe ekuwi. <sup>8</sup>Ya sâņetâ yuwu sâam ekyongop. “Bâiņ, âlepņe yen Betelem kapiân ariņet. Ari naom ya ekmâ taka eknohoņetâ nâku yawuâk ari ekmâ heroņe otbaņgim mepaewom.” Yawu sâam kâityongop.

<sup>9</sup>Yawu sâam kâityongomu ba ariwi. Mâtâwân ari endakembâ pitu yaņe kulet sâam dâiyekmu ari emet mâpuņan laņinņe hâumu siliņ siliņ sâmu ekbi. Yaņe yâhâpņe torokatmâ yawu hâumu siliņ siliņ sâmu ari naom tipiņe emelan talowân yâhâwi. <sup>10</sup>Emet kâlehen yâhâ naom ya Mariahât tamboņan tatmu yelekâm heroņe nâņgâm mepaewi. <sup>11</sup>Otmu goli, iri sikum, to kukņe suksuk âlepņe nanņe âlâ memâk takawi ya aksihâk gotyetņan kutakum hâwuruwi. Hâwurum âwurem ariwi. <sup>12</sup>Yawu otmâ im yan awun yuwu ekbi. Herotgâlen purik sâam ari den pat yu ki ekumai sâam Anitâņe ekyongop. Yawu ekmâ yok pilâm mâtâp âlâengembâ ba kapiyenehen ariwi.

**Yosepŋe Yesu māmāŋeit meyelekmu Aihita hânân ariwi.**

<sup>13</sup>Purik sām âwurem ariŋetâ Yosepŋe aman im, awun ehop. Awun ekmu Anitâhât aŋelo âlâŋe yuwu sām ekuop. “Sâmune nâŋgâ. Herotŋe Maria nanŋahât hâkâŋ otmâ hilipguwom sām nâŋgâm mansap. Yawu gârâmâ gâ yahatmâ imbihe naomge meyelekdâ Aihita hânân ari mannomai. Yan ari manŋetâ nâŋe den girawu sâwom yakât mambotmâ mannomai.” Yawu sâop. <sup>14-15</sup>Otmu emet inânŋan Anitâŋe poropete âlâ den ekumu kulemguop ya yuwu tap.

“Nannâŋe Aihita hânân manbuap ya kunmune âwurem takawuap.”  
Yawu tap.

Aŋeloŋe Yosep ekuop yanâk imbiŋe naomŋe meyelekmu Aihita hânân ariwi. Yakât otmâ den, ya bonŋe teteop.

**Herotgât tembe lâulipŋaŋe Betelem yeŋgât nanlipyeŋe yongowi.**

<sup>16</sup>Otmu pitu ekmâ takawi yaŋe Herot kâimboŋmâ ariwi yakât nâŋgâmu bâleop. Nâŋgâmu bâlemu yaŋak Yesu ki manâkgât nâŋgâop. Yawu gârâmâ māmâŋaŋe memu manmu yambu yâhâp pesuk sâop. Yambu yâhâp yakât kâlehen naom tipipâ nombotŋe tetewi. Yakât otmâ Herotŋe tembe lâulipŋe hâŋgânyongomu Betelem kapi otmu kapi tipi tapi ya hâlânŋmâ tai yan nimnaom tipipâ teteŋetâ yambu yâhâp ki olop ya gurâ kerehâk yongoŋetâ muwi. <sup>17</sup>Otmu emet inânŋan umatŋe ya tetewuap ya ekmâ poropete âlâ, kutŋe Yeremia sâm, yâkŋe yuwu sâm kulemguop yakât bonŋe teteop.

<sup>18</sup>“Imbi âlâ, kutŋe Lahe sâm, yâkât komot yamâ Lama kapiân tetem mannomai ya yeŋgât nanlipyeŋe yongoŋetâ munomai yakât isem tep bâle otnomai. Otmu sâp yanâmâ lohimbi nombotŋaŋe ya ekmâ biwi nâŋgân nâŋgânyeŋe ki sânduk sâwuap, yawu.”

Yâhâ Herotŋe sâmu nanlipyeŋe kerehâk yongoŋetâ muwi yan bonŋe teteop.

**Yosepŋe Yesu māmâŋeit meyelekmu Aihita hân pilâm âwurem ariwi.**

<sup>19</sup>Otmu Herotŋe mumu yanâmâ Yosepŋe Aihita hânân manmâ awun ehop. Ekmu yan Anitâhât aŋelo âlâŋe yuwu sâm ekuop. <sup>20</sup>“Mariahât nanŋe hilipguwe sâm kasa otminiop ya emelâk muop. Yakât otmâ imbihe naomge meyelekdâ âwurem Yuraia hânân ariŋet,” Yawu sâm ekuop. <sup>21</sup>Yawu sâm ekumu hân ya pilâm Yosepŋe imbiŋe naomŋe dâiyelekmâ Yuraia hânân âwurewi. Yakât otmâ Anitâŋe poropete âlâ ekumu kulemguop ya bonŋe teteop.

<sup>22</sup>Yâhâ Yosepŋe âwurem ari den pat yuwu nâŋgâop. “Herotŋe mumu yaŋak nanŋe kutŋe Akelao sâm, yâkŋe âwâŋahât welâmŋan kinmâ Yuraia yeŋgât lok kutdâ mansap.” Yawu sâŋetâ nâŋgâop. Den ya nâŋgâm

nanne hilipgumap sâm gorâwanġimu Yuraia hân pilâm ariwe sâm biwi yâhâp olop. Yawu otmâ im awun ekmu Anitânje yuwu sâm ekuop. “Gâ Yuraia hân pilâm âlâengen meyelekdâ arinomai.” Yawu sâop. <sup>23</sup>Yawu sâmu yapâ pilâm Galilaia hânân ari, kapi âlâ, kutġe Nasaret sâm, yan manbi. Otmu emelâk emet inânġan poropete âlânje den yuwu kulemguoop ya bonġe yan teteop.

“Yâhâmâ Nasaret kapi amboġe.”

Yawu kulemguoop. Yosepġe imbiġe naomġe meyelekmu Nasaret kapiân ari manbi yakât den ya bonġe teteop. Otmu yan manġetâ naom ya lok olop.

### Yoaneġe âi topġe kalop.

(Mareko 1:2-8; Luka 3:1-18; Yoane 1:19-28)

**3** <sup>1</sup>Yesu lok otmu yanâmâ bukuġe Yoane Baptis yâkġe âi topġe katbe sâm Yuraia hân lok ki manmaiânġen ari manop. Ari manmu lohimbî dondânje ari ekne sâm ariġetâ yuwu sâm ekyongop. <sup>2</sup>“Anitânje tihityeġe otbe sâm oap yakât orotmemeyeġe kiġoġ ya kerek betbaġim yâkâlen torokatmâ manġet.” Yawu sâm ekyongop. <sup>3</sup>Otmu den ya ekyongom gaop yakât emet inânġan poropete âlâ, kutġe Yesaia sâm, yâkġe Yoanehât nânġâm lohimbî biwiyeġe pâroġ sâm kuwihaknomai yakât kulemguoop. Den yakât bulânje ya yâkâlen teteop. Den ya yuwu.

“Lok ki manmaiânġen, lok âlâ yan ari manbuap. Lohimbî yâkâlen arinomai ya yuwu sâm ekyongowuap. “Lok kutdânje tohowuap yakât kaweġe mem pitim mâtâp mewaġġiġet. Otmu pumġe lauġe uk sâm huruġ sâm, otbuap yamâ kum kilikmâ mem ârândânġ merândânġ tuhuġetâ talâk.”

Yawu sâm ekyongop. Den yawu kulemguoop yakât bulânje ya Yoane yâkâlen teteop.

<sup>4</sup>Otmu Yoaneġe poropete âi ya topġe katmâ tuhuwe sâm lok ki manmaiânġen ari manop. Otmu senġe âlâlâ, hâk katipġe, me petġe, yamâ soġo âlâ, kutġe kamele sâm, yakât somotġaġe mendenġmâ mem kepeiakmâ manminiop. Otmu pet âlâ topġe yaġe mem sâhâm kuratguakminiop. Yâhâ sot yamâ nenġopdâ, goġgaraġ, otmu dopon yawuya neminiop. <sup>5</sup>Otmu lok ki manmaiânġen ari manmu nengât kapi kunġe Yerusalem ya ambolipġe otmu kapi tipi tapi Yerusalem hâlânġmâ manbi, otmu Yoran to nombot nombot manbi ya ambolipġe nombotġaġe yâkâlen ariwi. <sup>6</sup>Yâkâlen ari orotmemeyeġe bâleġe otmâ gawi ya kerehâk sâm teteakġetâ Yoran toen mem katyehop.

<sup>7-8</sup>Yawu otġetâ Parisaio otmu Sarukaio lok nombotġaġe yâkġe toen mem katnenehâk sâm yâkâlen ariwi. Ariġetâ yekmâ yuwu sâm ekyongop. “Yenâmâ lok perâkġe. Otġetâ bâlem gamap yakât matġe Anitânje meġet sâmu yakât yeġeâmâ kiġityeġahât otmâ bâleġe ya pilai

mâne âlepŋe otbâp. Yawu gârâmâ den yan yu nânġânġetâ ki ârândânġ oap. <sup>9</sup>Yawu otmâmâ yuwu mon nânġânġomai, “Nenâmâ Awarahamġât komot bulâŋe mansain. Yakât otmâ Anitâŋe nengât ki nânġâm bâlenġimap.” Yawu ki nânġânġomai. Yakât yuwu sâmunġe nânġânġet. Anitâŋe sâmu kât yuŋe Awarahamġât komot tetenomaihât dop tap. Yawu gârâmâ yenâmâ ya imbiâk sâmai. Yakât matŋe hâmbâi menomai. <sup>10</sup>Yakât den âlâen hâum sâmunġe nânġânġet. Emelâk unam sâtŋe katmu tap. Yâhâ nak âlâhât bonŋe ki kinbuap yamâ kârâm panmu ge mum hâlâlânġ sâmu kâlâpŋe sewuap. Yenâmâ nak yakât dop otmâ mansai.

<sup>11</sup>Yakât otmâ yeŋe orotmemeyeŋe bâleŋe ya sâm tetem Anitâhâlen biwiyenġe kepeġetâ toen mem katyekbom. Lok âlâ irak betnehembâ âi topŋe katbuap yâhâmâ wâtŋe pato tatbaŋġiap. Yakât otmâ nânġe yâkât itâkat ya gurâ mem kâpekâmâ golewanġiwomġât dop ki tap. Otmu tânguwomġât dop gurâ ki tap. Nânġeâmâ yâkât amutgen manmâ yâhâwom. Yâkŋeâmâ Wâtġât mâmânġahât Heak hânġânġumu ge mem ketetyekbuap. Nombotŋe manman âilonġoân mem katyekbuap. Yâhâ nombotŋeâmâ hâhiwin kakŋan katyekmu mannomai. <sup>12</sup>Otmu den âlâen hâum sâwe. Yeŋeâmâ sot ekmâ mem kiwilim komot ikŋiâk ikŋiâk katmai. Neneġahât pat otmap ya konohân mem hâwuruġetâ tatmap. Yâhâ ki neneġahât pat otmap yamâ mem pilâmai. Yakât dopŋeâk yâkŋe taka biwinenġahât topŋe ekmâ mem kâsipnongowuap yakât topŋe yuwu. Yâkât tem lâum manmâ yâhânġom yamâ ikŋan mem torokatnġekbuap. Yâhâ nombotŋeŋe yâkât hâkânġ otmâ betbaŋġim manmai yamâ watyekmu kâlâwân kioŋmâ hâhiwin nânġâmbisâi.” Yawu sâop.

### **Yoaneŋe Yesu mem toen kalop.**

*(Mareko 1:9-11; Luka 3:21-22)*

<sup>13</sup>Sâp yanâmâ Yesuŋe Galilâia hân pilâm Yoaneŋe toen mem katnehâk sâm yâkâlen ariop. <sup>14</sup>Arimu Yoaneŋe ekmu umatŋe otmu yuwu sâm ekuop. “Gâŋe nâ toen mem katnekdâ ârândânġ otbâp. Yamâ gâŋe nâhâlen takarâ nânġâmune umatŋe oap.” Yawu sâop.

<sup>15</sup>Sâmu sâop. “Anitâŋe sâm kalop ya otmutŋe nânġâmġu ârândânġ otbuap. Yakât gâ biwi yâhâp ki ot.” Yawu sâop. Yawu sâmu Yoaneŋe nânġâmġu ârândânġ olop. <sup>16</sup>Nânġâmġu ârândânġ otmu toen mem katmu ġinŋan yâhâ kinmutâ yanâk himbim pâroŋ sâmu Anitâhât Wâtġât mâmânġahât Heakŋe kembâ hâtġum ge Yesu mâmânġe otbaŋġiop. <sup>17</sup>Gemu yanâk himbimâmbâ Anitâŋe yuwu sâm ekyongop. “Ya ekŋet. Yamâ nine nanne ombe bisine. Nâ biwinaŋe yâkâlâk nânġâman.” Yawu sâop.

### **Satanŋe Yesuhât biwiġahât topŋe ekbe sâm olop.**

*(Mareko 1:12-13; Luka 4:1-13)*

**4** <sup>1</sup>Otmu weke bâleŋe ya yeŋġât kunyeŋe, kutŋe Satan sâm, yâkŋe Yesuhât wâtŋe tatbaŋġiap me bia ya ekmâ biwiġahât topŋe nânġâwe

sâm olop. Yakât otmâmâ Anitâhât Wâtgât mâmâjahât Heakŋe Yesu dâim lok ki manmaiângen ariop. <sup>2-3</sup>Yan ari manmâ gamu, hilâm 40 pesuk sâop. Sotgât po waŋgimu wâtŋe houŋ sâop. Yawu otmu yanâk lohotŋe olâk sâm Satanŋe yâkâlen ari yuwu sâm ekuop. “Gâ bonŋanâk Anitâhât nanŋe mansat otmuâmâ kât yu sârâ sot otmu nendâ gekbe. Yawu otdâ yanâmâ gâ bonŋanâk Anitâhât nanŋe bulâŋe mansat sâwom.” Yawu sâm ekuop.

<sup>4</sup>Ekumu sâop. “Âlepŋe yarâke yamâ benŋe Anitâhât den âlâ yuwu tap.

“Anitâŋe haonŋmâ ârândâŋ tihitnenŋe otmap. Yawu gârâmâ sotŋak konok wâtnenŋe miangim manmâ yâhânongât dop ki tap. Yamâ wongât? Anitâŋe den sâm ningimap ya gurâ lâum yâhânôm. Yawu otmunŋe ârândâŋ otbuap yakâ.”

Den yawu tap yakât otmâ gâŋe den eknohoat ya ki nâŋgâwom.” Yawu sâop.

<sup>5</sup>Yawu sâmu yanâk Satanŋe dâimu Yerusalem kapi pato yakât opon kâmbukŋahât gimbâŋan yâhâowot. <sup>6</sup>Yâhâm Satanŋe yuwu sâm ekuop. “Anitâŋe sâmu den âlâ kulemgowi ya yuwu tap.

“Kâlân kâihan teŋ sâmapgât Anitâŋeâmâ aŋelolipŋe hâŋgânyongomu ge tihitge otŋetâ ki hiliwahowuat.”

Den yawu tap. Yawu gârâmâ gâmâ bulâŋanâk Anitâhât nanŋe mansat otmuâmâ yupâ soŋ pilâm kioŋ. Kioŋdâ ki gohowuap. Yâhâ gekmâ yuwu nâŋgâwom. “O, bulâŋanâk lok yuâmâ Anitâhât nanŋe mansap.” Yawu sâwom.

<sup>7</sup>Sâmu sâop. “Bâiŋ, den âlâ yuwu tap.

“Anitâŋe tihitnenŋe otmap. Yakât otmâ “Ihilâk otbe,” ki sânom.”

Den yawu tap yakât otmâ gâŋe den eknohoat ya nâŋgâmune tâŋât oap.” Yawu sâop.

<sup>8</sup>Yawu sâmu pumŋe gip gipŋan dâim yâhâop. Yâhâm yanâmâ hânŋe hânŋe lok kutyeŋe pato ya yeŋgât senŋe âlâlâ dondâ tatyŋgiop ya tiripgum yuwu sâop. <sup>9</sup>“Senŋe âlâlâ tatmâ arap enda eksat? Nâŋe yukât kunyeŋe manman. Gâŋe mepaenekbuat yanâmâ senŋe âlâlâ yu gâhâlâk hârok otbuap.” Yawu sâop.

<sup>10</sup>Sâmu sâop. “Main, Anitâŋe den âlâ sâop ya yuwu tap.

“Anitâ pato konohâk tap. Yâk konok mepaenom. Otmu yâkât den konohâk tem lâum hoŋ bawaŋgim mannom.”

Den yawu tap. Yakât otmâ gâŋe den eknohoat ya lâuwomgât dop âlâ ki tap. Gâ pilânekmâ ari.” Yawu sâop.

<sup>11</sup>Yawu sâmu pilâm ariop. Pilâm arimu yanâk himbimâmbâ aŋelo nombotŋaŋe ge tihitŋe otmâ tâŋguwi.

### Yesuŋe topŋe katmâ den kâsikum yŋgiop.

(Mareko 1:14-15; Luka 4:14-15)

<sup>12</sup>Ya pesuk sâmu yakât kakŋan lok kutdâ âlâ, kutŋe Herot Antipa sâm, yâkŋe Galilaia yeŋgât galem manop. Yâkŋe sâmu Yoane mem pâi

emetjan katjetâ talop. Pat ya nângâm Yesuje yahatmâ Galilaia hânân ariop. <sup>13</sup>Yan ari Nasaret kapi ya wangim kapi âlâ, kutje Kapanaum sâm, kapi yan hân âlâ kutje, Sewulun yet Naptali sâm, yan ari manop. Otmu Kapanaum kapi yamâ dengân âlâ, kutje Galilaia sâm, yakât ginjan tap. <sup>14</sup>Yesuje kapi yan ariop yakât emet inânjan Anitâje poropete âlâ, kutje Yesaia sâm, den ekumu kulenguop yakât bonje teteop. Den yamâ yuwu tap.

<sup>15</sup>“Sewulun otmu Naptali ambolipje yamâ Galilaia dengân otmu Yoran to nombotgen tai. <sup>16</sup>Yan taije biwiyenje mangrakmâ kopa olop. Otmu omoŋ bâleŋan manmâ mumuhât pat otmâ manmâ gawi. Yawuhât otmâ laŋinŋaje siliŋ siliŋ sâm biwiyenjan hâumu haŋ sâm keterakyiŋgiwuap. Yawu otmu topje ekmâ nângâjetâ biwiyenjan hâuwuap.”

<sup>17</sup>Den yawu tap. Yesuje kapi yan ari manop yan den yakât bulâje teteop. Otmu yan ari manmâ yuwu sâm ekyongop. “Anitâje tihityenje otbe sâm oap. Yakât otmâ otjetâ bâlemap ya kerek pilâm biwiyenje yâkâlen katjetâ kinbuap.” Yawu sâm ekyongop.

#### **Yesuje hoŋ bawalipje imbât meyhop.**

*(Mareko 1:16-20; Luka 5:1-11)*

<sup>18</sup>Sâp yan lok yâhâp imi ata manowot kutyetje Simon yet Anderea. Atajahât kutjeâmâ Simon otmu yâkâlâk kutje âlâ Petoro sâmai. Yâhâ imiŋeâmâ kutje Anderea sâm, yâhâmâ dengân tânâmŋan ba iŋan itâje toen pilâm kinowot. <sup>19</sup>Yawu otmutâ Yesuje yelemâ yuwu sâm ekyotgop. “Yerâmâ nâhâlen torokatmutâ orowâk manmâ yâhânom. Sâp yiwereŋe yuâmâ iŋan dâim mansawot. Yâhâ nâje meyeleksan yanâmâ nâhât wâtŋan kinmâ lok meyekmutâ nâhât komolân torokatnomai.” Yawu sâop. <sup>20</sup>Yawu sâmu yanâk iŋangât senje âlâlâ mem manowot ya aksihâk pilâm Yesu walowot. Watmutâ orowâk manbi.

<sup>21</sup>Yapâ arain mâne imi ata âlâ mem teteyelekbi, kutyetje Yakowo yet Yoane sâm, Yeweri nanyâhâtje. Yâhâmâ âwâyetje orowâk iŋan itâje gârem kinbi. <sup>22</sup>Yawu otmutâ Yesuje yotgonmu in yawu âwâyetje pilâm yâkâlen torokatmutâ ariwi.

#### **Yesuje lohimbi dondâ mem hengemyongop.**

*(Luka 6:17-19)*

<sup>23</sup>Yesuje Galilaia hânân miti emetje tatmâ arap yan yâhâm gem Anitâje tihitnenŋe oap yakât den pat âlepje ekyongop. Otmu lohimbi mesek otmâ umatje topje topje yaje mem bâleyekmu manbi ya hengemyongop. <sup>24</sup>Yawu otmâ manop yakât den pat ya hân âlâ, kutje Siria sâm, yan pen pen sâm ariop. Pen pen sâm arimu nângâjetâ yanak kapi ambolipŋaje yawuâk kundat mesek topje topje otbi ya meyekmâ



yâkâlen takawi. Weke bâlenjaŋe mângâeyehop. Me kopa otbi. Me sen birik yongom manop. Lok yawuya ya ŋerehâk meyekmâ yâkâlen tohoŋetâ heŋgemyongop. <sup>25</sup>Heŋgemyongop yakât den pat sâm haŋ tuhuŋetâ Galilaia ambolipŋe, otmu ya hâlâŋmâ kapi bâlâk ŋerek tatmâ arap, ya yeŋgât kutyeŋe pato âlâmâ Dekopoli sâm, ya ambolipŋe yâkâlen tohowi. Otmu âlâmâ Yuraia, ya ambolipŋe. Otmu kapi pato Yerusalem ya ambolipŋe. Otmu kapi tipi tapi Yoran to nombot nombot tatbi ya ambolipŋe menduhuakmâ Yesuhâlen ariwi.

### Yesuŋe hoŋ bawalipŋe den ekyongop.

**5** <sup>1</sup>Otmu lohimbî dondâŋe menduhuakmâ tatŋetâ Yesu ikŋiâk pumŋan yâhâop. Yâhâ tatmu hoŋ bawalipŋe yâhâŋetâ yuwu sâm ekyongop. <sup>2</sup>“Den bonŋe sâmunne nâŋgâŋet.

### Tepnenŋe heronŋe otmu mannom.

*(Luka 6:20-23)*

<sup>3</sup>Biwi nâŋgân nâŋgânyeŋe yeŋahât nâŋgâŋetâ gemap. Yeŋeâmâ yuwu nâŋgânmai. “Nenâmâ emelâk Anitâŋe himbimŋât pat kuningiop. Yakât otmâ yâk orowâk mannom.” Yawu nâŋgâm we âlep nâŋgâŋet.

<sup>4</sup>Yâhâ we bâle nâŋgâm isem manmai yenâmâ hâmbâi Anitâŋe mem biwi sânduhân katyekbuap. Yakât otmâ tepyeŋe heronŋe otmu mannomai.

<sup>5</sup>Meŋetâ huruŋ huruŋ otmap ya yen hâmbâi Anitâŋe meyekmu yâk orop manmâ yâhâmbisâi yakât we âlep nâŋgâm manŋet.

<sup>6</sup>Otmu Anitâhât den ya girawu otmâ lâune sâm yakât nâŋgâm manmai. Yâhâmâ hâmbâi Anitâŋe mâmâŋe otyiŋgimu manmâ yâhânomai. Yakât otmâ biwiyenŋe heronŋe olâk.

<sup>7</sup>Buku nombotŋeŋe kasa otyiŋgiŋetâ umam sâyiŋgimai ya gurâ hâmbâi yawuâk Anitâŋe meyekmâ umam sâyiŋgiwuapŋât biwiyenŋe heronŋe olâk.

<sup>8</sup>Otmu Anitâhâlen biwi nâŋgân nâŋgânyeŋe kepeim denŋe tiŋâk lâum manmâ gamai yamâ hâmbâi Anitâŋe meyekmu orowâk mannomai yakât biwiyenŋe heronŋe olâk.

<sup>9</sup>Otmu bukulipyenŋe orop biwi nâŋgân nâŋgânyeŋe kepeiakmâ konohâk otmu manmai. Yawu manŋetâ buku nombotŋeŋe hionjakmâ ahone sâm otŋetâ yan mem lohotŋe tuhuyekmai yamâ hâmbâi Anitâŋe meyekmâ “Nine nanne baratne bulâŋe,” yawu sâwuap. Yakât biwiyenŋe heronŋe olâk.

<sup>10</sup>Otmu Anitâhât den lâum manŋetâ torehenlipyenŋe nâŋgâm bâleyiŋgim mem ge katyekne sâm mem âlâlâ tuhuyekmai. Yawu otyiŋgiŋetâ ki lohotŋe otmai. Yamâ Anitâŋe himbimŋât pat kuyiŋgiop. Yakât biwiyenŋe heronŋe olâk.

<sup>11</sup>Otmu nâhâlen biwiyenŋe kepeim manŋetâ lohimbî nombotŋeŋe hakyenjan sâm mem bâleyeknomai yanâmâ yuwu nâŋgânmai. <sup>12</sup>“Âo,

bonjanâk. Anjoân emelâk Anitâhât poropete yawuâk otyinginetâ bâleop. Yawuâk sâp yiwerenje gurâ otningimai. Yawu gârâmâ yakât hâmeje hâmbâi himbimân manman kârikje menom.” Yawu nânġânomai. Yakât otmâmâ biwiyenaje heronje olâk.

**Kâtembe otmu lambe yakât dop**

*(Mareko 9:50; Luka 14:34-35)*

<sup>13</sup>Yenġât topyeje teteâkgât den âlâen hâum sâmune nânġânjet. Kâtembe ihim solân hoġmunje yanâmâ sot ya nemunje launenġan memap. Dop yawuâk yenâmâ lohimbi hohetyenjan manġetâ yan yekmâ Anitâ heronje nânġâwanġinomai. Yâhâ kâtembe heleġân ki hikum ikainom yanâmâ pâlâmje otbuap. Yawu otmu girawu tuhumunġeâmâ âlâkuâk ukenje otbuap? Yamâ ki orotje. Pâlâmje oap yaġe âlâ yu me ya tuhumunje ukenje âlâ tetewuapġât dop bia. Yawu otmâ pâlâmje oap sâm pilâmunje arimap.

<sup>14</sup>Otmu yakât topje tetem heġġenġuâkgât den âlâen hâum sâmune nânġânjet. Lohimbi hânġan kulemġan mansai ya yenġât laġinje otmâ mannomai. Otmu kapi pato âlâ pumje sok sohân tatbuap. Yâhâ ambolipġaje kasa yenġât senyenjan âlâ ari misiġguraknomaihât dop ki tap. Yawu. <sup>15</sup>Otmu âlâen hâum sâwe. Lambe âlâ saum emet kâlêhen katmunje kâtâpġan tatbuapġât dop ya gurâ ki orotje. Lambe saum heleġân gâitmunje kinmâ sem laġinje yanâmâ ekmâ gem yâhâmain. <sup>16</sup>Yakât otmuâmâ lambe ya laġinje pilâmap, me kapi pato tetekġan tatmap yakât dopġeâk yeje Anitâhât den lâum manġetâ manmanyenje ekġetâ ârândâġ otmu awoġnenje himbimân tatmap ya mepaenomai. Yawu.

**Anitâġe girem den Mose ekumu kulemġuop yakât topje**

<sup>17</sup>Otmu âlâ sâmune nânġânjet. Yeġeâmâ nâhât yuwu mon nânġâm mansai. “Anitâġe girem den âlâlâ Mose ekumu kulemġuop. Otmu poropeteliġe den ekyongomu kulemġuwi yamâ mem ge katbe sâm oap.” Nâhât yawu mon nânġâm mansai. Nâ ya otbehât bia. Nâġe ya mem ge katbomġât dop ki tap. Nâġe sâwi ya lâum manmune bonje teteâkgât otman. <sup>18</sup>Yakât yuwu sâwe. Hân himbim tatmâ yâhâwuap. Yâhâ girem den yamâ yawuâk tat tat kârikje tatmâ yâhâwuap. Tatmâ yâhâwuap yakât bulâġe tetewuap yanâmâ, hân himbim otmu senje âlâlâ kerek biatmâ metewuap. <sup>19</sup>Yakât otmâ lok âlâ me âlâġe girem den konohâk loġġaenomai yakât bulâġe ki menomai. Otmâmâ buku nombotġaje yawuâk otmâ manġet sâm meme sâsâ tuhuyekmâ mannomai yaġe hâmbâi yakât matje himbimân yâhâ lok geheje otnomai. Yawu gârâmâ lok âlâ me âlâġe girem den ya biwiyenaje tiġâk lâum manġetġât tânyongom mannomai yaġe himbimân yâhâ lok yâhâ yâhâġe otnomai. <sup>20</sup>Yakât

topŋe yuwu sâmunne nâŋgâm heŋgeŋguŋet. Yeŋe Anitâhât den lâune sâm Mosehât girem den kâsikum ningimai otmu Parisaioŋe otmai yan ki torokatnoma. Yâkŋe den perâkŋe sâmai. Yenâmâ Anitâhât den bulâŋe ya lâum manmâ yaŋak himbim manman yakât bulâŋe menoma. Yawu.

**Buku oraŋim mannom.**

*(Luka 12:57-59)*

<sup>21</sup>Otmu Moseŋe girem den kulemguoŋ yakât topŋe ekyongomune nâŋgâŋet. Girem den âlâ kulemguoŋ ya yuwu tap. “Lohimbi âlâ me âlâŋe buku âlâ kuŋetâ mumbuap. Yamâ papatolipyenâŋe meyekmâ den âiân katyekŋetâ tosa pato menoma. Yawu.” <sup>22</sup>Yawu gârâmâ yuwu sâmunne nâŋgâŋet. Lok âlâ me âlâŋe buku âlâhât nâŋgâm bâlenoma yamâ Anitâŋe yawuâk nâŋgâm bâleyiŋgiwuap. Otmu lok âlâ me âlâŋe buku âlâhât nâŋgâŋetâ gemu mem ge katmai yamâ papatolipyenâŋe mem den âiân katyekmâ den yinginomai. Otmu lok âlâ me âlâŋe buku âlâhât kuk otmâ mem ge katnoma yamâ kâlâpŋât pat otnoma. <sup>23-24</sup>Yakât topŋe yuwu sâmunne nâŋgâŋet. Yeŋgâlen gâtŋe âlâ me âlâŋe Anitâ hoŋ bawaŋgine sâm otnoma yan buku âlâŋe lok âlâhât nâŋgâm bâlem manbuap ya nâŋgâmu tetemu aŋgoân buku ya orop biwi konohâk otmâ yakât kakŋan hoŋ bawaŋginoma. Yawu.

<sup>25</sup>Yakât âlâ yuwu sâwe. Yeŋgât buku âlâ me âlâŋe kuk otyiŋgim den âiân katyekne sâm kiapgâlen arinoma. Yamâ in yawu ari mâtâwân yekmâ sâm teteŋetâ kaok naŋgaŋginoma. Yâhâ yawu ki otnoma yamâ kiapgâlen den sâm tetemu mem pâi emetŋan katyekbuap. <sup>26</sup>Pâi emetŋan tatmâ yeŋe ombeân kiâk kârik kârikŋe genomai. Kiapŋe pâi emetŋan tatnoma sâm sâp katiŋgiwuap ya pesuk sâmu yanâmâ genomai.

**Ekŋâle ekŋâle yakât topŋe**

<sup>27</sup>Otmu den âlâ sâwe. Moseŋe girem den âlâ kulemguwân yuwu tap. “Lok âlâ me âlâŋe bukulipyenâŋe yeŋgât imbilipyenâŋe ki yekmâ otnoma.” Yawu tap. <sup>28</sup>Yakât otmâ nâŋe yuwu sâmunne nâŋgâŋet. Yeŋgâlen gâtŋe âlâ me âlâŋe biwiyeŋan imbi âlâhât naŋgai yamâ emelâk biwiyeŋenâŋe otmâ tâpikguai lok yaŋe tosa miai. <sup>29</sup>Yakât otmâ nâŋe den mâmâŋe âlâ yuwu sâwe. Bulâŋe hâum gusuhutmâ pilânoma ki sâwe. Lok âlâ me âlâŋe hemgât pat otmai hât senŋe nombolâk bâlewuaŋ. Yakât otmâ senŋe bâlewuaŋ yaok hâum gusuhutmâ pilânoma. Wongât? Matŋe umatŋe memai hât. Yawu otmâmâ senŋe âlâ âlepŋe oap yaŋahâk mâtâp tâŋ tâŋâk watmâ manman kârikŋan arinoma. <sup>30</sup>Otmu hiliwahom hemgât pat otmai hât yawuâk bâtŋe nombot yaŋe otmâ bâlewuaŋ yamâ hârem pilânoma. Wongât? Bâleŋan yan kioŋmai hât. Yawu otmâmâ bâtyeŋe nombotŋe âlepŋeâk tatbuap yaŋe âi tâŋ tâŋâk tuhuma manman âiloŋgoân arinoma. Yawu.” Yesuŋe den yan hâum sâop.

**Lokŋe imbiŋe ki pilaknomai.**

*(Mataio 19:9; Mareko 10:11-12; Luka 16:18)*

<sup>31</sup>Otmu den yuwu torokalop. “Nombotŋaŋe yuwu sâmai. “Lok âlâŋe imbiŋâit manmâ yâhâromawot yamâ nâŋgâmu umatŋe otmu imbiŋe ya imbiâk pilâwuap. Pilâwuap yakât topŋe kulemgum bâtŋan katmu ariwuap.” Yeŋeâmâ yawu sâmai. <sup>32</sup>Yakât otmâ nâŋe yuwu ekyongomune nâŋgâŋet. Lok âlâ me âlâhât imbiŋaŋe âlepŋe nanŋe manmap. Ki otmâ tâpikgumap ya imbiâk watmu arimu lok âlâŋe imbi ya hârem membuap yamâ lohimbi ya orowâk tosa mendomawot.” Yawu sâop.

**Sâm kârikŋe ki tuhunomai.**

<sup>33</sup>Otmu den âlâ torokatmâ yuwu sâop. “Emelâk tâmbâlipnenŋaŋe yuwu sâm alahuminiwi. “Nen Anitâhât senŋan wuân me wuân otne sâm, sâm kârikŋe tuhunom yakât otmâ yawuâhâk otnom.” Yawu sâminiwi. <sup>34</sup>Yakât nâŋgâmune bâleap. Yawu gârâmâ yiwereŋe yeŋe Anitâhât senŋan wuân me wuân otne sâm, den sâm kârikŋe tuhunomai yan wahap âlâ me âlâhâlen ki gâitmâ sâm kârikŋe tuhunomai. Yâhâ yakât topŋe yuwu tap. Himbimân Anitâhât manman tap. Yawu gârâmâ yeŋe yan ki gâitmâ sâm kârikŋe tuhunomai. <sup>35</sup>Otmu Anitâŋe hânân tatmap. Yakât otmâ hânân ki gâitmâ sâm kârikŋe tuhunomai. Yerusalem kapi ya gurâ Anitâŋe tatmawâk. Yakât otmâ Yerusalem kapi pato ewan gurâ ki gâitmâ sâm kârikŋe tuhunomai. <sup>36</sup>Yakât yuwu sâmune nâŋgâŋet. Yenâmâ Anitâ bia, yenâmâ lok. Yakât otmâ somotyene iwit kaok ya sâŋetâ heleŋ gâwu gâwu otbuapgât dop ki tap. Me somotyene heleŋ gâwu gâwu ya sâŋetâ iwit kaok tetewuapgât dop gurâ ki tap. <sup>37</sup>Yawu gârâmâ yeŋe wonân me wonân gâitmâ sâm kârikŋe tuhunomaihât dop ki tap. Anitâ konok manmanyeŋahât amboŋe tatmap. Yawu gârâmâ denyene bonŋanâk sânomai. Yawu sâŋetâ nâŋgâŋetâ ârândâŋ otmu pesuk sâwuap. Yawu.

**Mem âlâlâ tuhunenekŋetâ yakât matŋe ki kâpekyiŋinom.**

*(Luka 6:29-30)*

<sup>38</sup>Otmu den âlâ kulemguiwi ya yuwu tap. “Lok âlâ me âlâhât kasaŋaŋe senŋe nombot ya hâum gusuhutmâ pilâmu yâku yawuâk matŋe senŋe nombolâk hâum gusuhutbaŋgiwuap. Me lok âlâŋe buku âlâhât sâtŋe ya kum parandaŋ pilâmu yâku yawuâk matŋe kum parandaŋ pilâwuap.” <sup>39</sup>Yawu tap. Yakârâmâ nâŋe yuwu sâmune nâŋgâŋet. Lok âlâ me âlâŋe buku âlâ mem yawu mâŋgâeŋetâ yakât matŋe ki kâpekuap. <sup>40</sup>Otmu âlâ sâwe. Lok âlâ me âlâŋe amboŋahât bâleŋe hân meyiŋgim yanjak kiapgâlen meyekmâ arinomai. Meyekmâ ariŋetâ mâtâwânâk yeŋe hân âlâkuâk yiŋiŋetâ pesuk sâwuap. <sup>41</sup>Otmu den âlâen hâum sâmune nâŋgâŋet. Lok âlâ me âlâŋe yeŋe itâ pare miakmâ umat karat otnomai

yan yuwu mon sânomai. “Tânnongom itâ pare mem ari ninginet.” Yawu sâm ekyongonetâ ihilâk denyene nângâm hewewenâk mem ari katyeknomai. <sup>42</sup>Otmu lok âlâ me âlâne yu me ya ninginet sâm ulityongonomai yamâ in yawu yinginomai. Me lok âlâ me âlâne senje âlâlâ ekmâ kandi mene sâm âiyongonomai yamâ ihilâk yinginomai. Yawu otmâ manjetâ ârândâj otbuap.

**Kasalipnenje yengât nângâm buku otyinginom.**  
(Luka 6:27-28,32-36)

<sup>43</sup>Otmu den âlâ yuwu sânetâ nângâmain. “Lok âlâ me âlâne buku otyinginomai yamâ yengu tep herone nângâm buku otyinginomai. Yâhâ lok âlâ me âlâne kasa otyinginetâ yengu yawuâk kasa otyinginomai.” Yawu sâmai. <sup>44-45</sup>Yakât nângâmune ki ârândâj oap. Yakât otmâ yuwu sâwe. Anitâne lohimbi âlepne otmâ manmai ya tânyongomap. Otmu lohimbi bâlene ya gurâ yawuâk tânyongomap. Yakât otmâmâ yeje kasalipyene ihilâk buku otyinginomai. Otmu lok âlâ me âlâne Anitâne mem bâleyehâkgât sait kakyejan pilânomai yamâ Anitâne lukuleyehâkgât ulitgunomai. Otmu lok âlâ me âlâne Anitâne mem bâleyehâkgât sait lohimbi kakyejan Anitâne pilânomai yamâ lukuleyehâkgât ulitgunomai. Otmu lok âlâ me âlâne mem âlâlâ tuhuyeknomai yamâ yeje ya yengât umam sâyinginomai. Umam sâyingim hibim awojnenje ulitgunetâ herone nângâyingim nine nanne baratne bulâne mansai sâm meyekbuap. <sup>46</sup>Otmu yakât âlâ sâwe. Takesi meme lok nombotjane perâk sâm lohimbi kâityongom tewetsenje kombo meyingimai ya yekjetâ lok bâlene otmai. Yâkne bukulipyene tânyongom mansai. Otmu lok nombotjane yen orop buku konok manne sâm tânyongonetâ yengu yakât matje yâk konok tânyongomai. Yawu otmai yakât nângâmune ki ârândâj otmap. Otmu torokatmâ sâwe. Lok nombotjane nângâm bâleyingimai yamâ yeje buku ki otyingimai. Yawu otmai yakât nângâmune yawuâk ki ârândâj otmap. <sup>47</sup>Otmu torokatmâ sâwe. Yeje lok nombotje orop buku ki orangimai. Yawu otmai yan bukulipyene ya orowâk buku orangimai yamâ nângâmune ki ârândâj oap. Lok nombotje Anitâhât ki nângâmai ya je gurâ yawuâk otmai. <sup>48</sup>Yawuhât yuwu sâmune nângânet. Hibim awojnenjane manman uwawapne bia otmap. Yengu manman yan torokatmâ manjetâ ârândâj otbuap.” Yawu sâm ekyongop.

**Nembe kalem yakât topje**

**6** <sup>1</sup>Yesuje den âlâ yuwu sâm ekyongop. “Bukulipyenane yengât nângâyinginetâ yahalâkgât yâk yengât senyejanâk kinmâ lohimbi umburuk manmai ya tânyongonomai. Lohimbi je yehâhât nângânetâ yahatmu yawu otmâ manmai yamâ Hibim Âwâyenane yekmu dondâ

bâlemap. <sup>2</sup>Yawu gârâmâ lok nombotŋaŋe senŋe âlâlâhât pâin guin otmâ manmai. Yawu manmai yamâ lohimbiŋe nenekŋetâ yahalâk sâm lohimbi nombotŋe biwiyenŋe kurihiakmaiŋe lok senyenŋan kinmâ nembe kalem otyiŋgimai. Yakât otmâ Anitâŋe yakât hâmenŋe ki yingimu menomai. Yuwu sâwuap. “Emelâk yekŋetâ yahalopgât pesuk yap. Âlâmâ ki tap.” Yawu sâwuap. <sup>3</sup>Yakât otmâ yeŋe lok nombotŋe senŋe âlâlâhât pâinmai ya nembe kalem otyiŋgine sâm tihângen kinmâ tânyongonŋetâ yan bukulipyenŋaŋe yakât topŋe ki yekmâ nâŋgânomai. <sup>4</sup>Yawu otŋetâ Anitâŋe tihângen ekmapŋe yekmâ yakât matŋe âlepŋe yingiwuap.” Yesuŋe yawu sâop.

**Anitâ orop den otnom yakât topŋe yuwu tap.**

*(Luka 11:2-4)*

<sup>5</sup>Den âlâ yuwu sâop. “Yeŋe yok pilâm kinmâ Anitâ ulitgunomai. Yâhâ lok nombotŋaŋe yeŋe topyeŋe kurihim lok senyenŋan kinmâ bukulipnennŋaŋe nengât nâŋgâŋetâ yahalâk sâm sâtŋak Anitâ ulitgumai. Yeŋe yawu otnomai otmuâmâ Anitâŋe hâmbâi yuwu sâm ekyongowuap. “Emelâk lohimbi senyenŋan otŋetâ yan yekŋetâ yahalop. Yakât otmâ pesuk yap. Âlâmâ ki tap.” Yawu sâwuap. <sup>6</sup>Anitâ ki ekmain yâkŋeâmâ biwinenŋe ekmap. Yakât otmâ yeŋe yâk orop den huhune sâm yan yok pilâm tatmâ ekuŋetâ nâŋgâyingiwuap.

<sup>7</sup>Yakât nâŋe yuwu sâmunne nâŋgâŋet. Yeŋe ulitgune sâm biwi yâhâp otmâ ki ulitgunomai. Lohimbi Anitâhât topŋe ki nâŋgâm engat yâhâp manmaiŋe yuwu nâŋgâmai. “Nenŋe den pâŋe konok gurâ sâmunŋe Anitâŋe ki nâŋgâningimap.” Yawu nâŋgâm den dâiak dâiahâk otmai. <sup>8</sup>Yeŋe yâkŋe otmai yawu ki otnomai. Yeŋe âwâyeŋe ki ulitgunŋetâek biwiyenŋahât topŋe emelâk naŋgap. <sup>9</sup>Yakât yeŋe yuwu mon sâm ulitgum mannomai.

“Himbim awoŋnenŋe, topge âlâ kândâkdâek tap. Yakât nâŋgâm mepaehekmâ mannom. <sup>10</sup>Gike sâtgât otmâ aŋelolipŋaŋe haonmâ ârândâŋ hoŋ bahihimai yawuâk nenŋe gurâ tem lâuhihim mannom. <sup>11</sup>Otmu gâŋe hilâm ârândâŋ tihitnenŋe otmâ dopnenŋanâk ningimat. <sup>12</sup>Otmu lohimbi nombotŋaŋe mem bâlenenekmâ tai ya yengât nâŋgâm umam sâyŋgim tosayeŋe pilâyŋgimain yakât dopŋeâk gâŋe umam sâningim tosanenŋe pilâningiwuat. <sup>13</sup>Otmu Satanŋe kendâningimu otmunŋe bâlemap sâm ulitgohoaingât mâtâp meningi.”

Yeŋe yawu sâm Anitâ ulitgum mannomai.” Yawu sâop.

<sup>14</sup>Otmu torokatmâ yuwu sâop. “Lohimbi nombotŋaŋe sâm bâleyŋgim mem ge katyeknomai ya yengât yeŋe tosayeŋe pilâŋetâ yakât otmâ himbim âwâyeŋaŋe yen gurâ tosayeŋe yawuâk pilâwuap. <sup>15</sup>Yawu gârâmâ lohimbi nombotŋaŋe mem âlâlâ tuhuyeknomai yakât nâŋgâm yeŋe matŋe

yiŋgine sâ m otmâ mannomai yamâ himbim âwâyeŋeŋe yen gurâ otŋetâ bâlewuap yakât matŋe kâpekyiŋgiwuap.

**Bukulipnenŋe nâŋgâningiŋetâ yahalâkgât ki nâŋgânom.**

<sup>16</sup>Den âlâ yuwu sâop. Lok nombotŋeŋe yeŋahâlâk nâŋgâŋetâ yahatmu topyeŋe kurihiakmâ yuwu nâŋgâmai. “Nenŋe Anitâ ulitgunom yanâmâ lohimbije nenekmâ nâŋgâningiŋetâ yahalâkgât sot barahâk tatmâ ulitgunom.” Yawu nâŋgâmai. Yamâ Anitâŋe nâŋgâmu ki ârândân otmu yuwu sâwuap. “Emelâk bukulipyeŋeŋe yekmâ nâŋgâyiŋgiŋetâ yahalop yaŋak pesuk yap. Âlâ ki tap. Yakât otmâ matŋe ki yiŋgiwom.” Yawu sâwuap. <sup>17</sup>Yawu gârâmâ yen yawu ki otnomai. Yenâmâ sot barahâk tatmâ Anitâ ulitgum yan toŋe kun kundenyeŋe piriakmâ somotyeye hâluluakmâ âilongo tatmâ ulitgunomai. <sup>18</sup>Yawu otmâ mannomai yanâmâ yeŋe sot barahâk tatnomai yakât topŋe bukulipyeŋeŋe ki yekmâ nâŋgânomai. Yawu otnomai yamâ awoŋnenŋe Anitâ biwinenŋahât topŋe nâŋgâmapŋe yakât matŋe yiŋgiwuap.” Yawu sâop.

**Senŋe âlâlâ tatningiap ya ki alitnom.**

*(Luka 12:33-34)*

<sup>19</sup>Yesuŋe den âlâ yuwu sâ m ekyongop. “Hângât senŋe âlâlâ iri sikum me hop sambe tatyŋgiap yaŋe biwi nâŋgân nâŋgânyeŋe mem dâimu yanâk arimu manmai. Yamâ talaŋe kumap, me seloŋe hâreŋeŋe, me bumbungumap me kombo otmai. Yakât otmâ yeŋe tatningiâk sâ m ki aliranginomai. Otmu biwiyeŋe yan ki ariwuapgât naŋan. <sup>20-21</sup>Yeŋe biwi konohâk otmâ nembe kalem oraŋginomai. Orotmeme ya otŋetâ Anitâŋe yekmu ârândân otbuap. Otmu himbingât pat kuyiŋgiop ya bonŋe menomai. Yawuhât Anitâhâlen biwi nâŋgân nâŋgânyeŋeŋe kepeim manŋetâ ârândân otbuap. Yawu.” Yawu sâop.

**Sennenŋe yamâ lambehât laŋiŋe yakât dop oap.**

*(Luka 11:34-36)*

<sup>22</sup>Den âlâen yuwu hâum sâop. “Senyeŋe yamâ lambe laŋiŋe yakât dop oap. Senyeŋe ya âlepŋe tatmu yan bam gamai. <sup>23</sup>Yâhâ senyeŋe gara garaŋe pik sâwuap me senyeŋe bok sâwuap, yanâmâ mâtâp tâpikgum hewukŋan kioŋnomai. Yakât yuwu sâ mune nâŋgâŋet. Biwiyeŋan Anitâhât laŋiŋe panŋeŋe ya bok sâmapgât biwi nâŋgân nâŋgânyeŋe galemahom manman âlepŋeâk torokatmâ manmâ yâhânomai. Biwi nâŋgân nâŋgânyeŋeŋe pâlâmŋe otmâ omoŋe kurihiwuap yamâ manman bâleŋan yâhâ hiliwahonomai. Yakât yeŋe ya otmai hât biwi golâek mannomai. Yawu.”

**Anitâŋe tihitnenŋe otmap. Yakât otmâ ki gorâningimu mannom.**

*(Luka 16:13; Luka 12:22-31)*

<sup>24</sup>Den âlâen yuwu hâum sâop. “Lok konokŋe lok kutdâ yâhâp yetgât âi menduhum ki tuhuyitgiwuap. Âlâhât biwiŋeŋe kepeim heroŋe kakŋan

tuhuwangiwap. Yâhâ âlâhârâmâ hâkân kakjan nep ya ki tuhum hejgeguwap. Yakât topje yuwu sâwe. Hângât manman me iri sikum yan biwiyenje arimu manmaiŋe girawu otmâ Anitâ tem lâuwangim mannomai? Yamâ ki orotje.” Yawu sâop.

<sup>25</sup>Yakât topje yuwu sâmune nângânet. Yeŋgât manman yamâ Anitâŋe emelâk senje âlâlâ lâtâkuyingimu manmai. Yakât otmâ yuwu ki nângânomai. “Nenje sot wosapâ ba mem tetenom? Me iri sikum me âlâlâ ya girawu mem tetem manmâ yâhânom.” Yawu ki sâm biwi yâhâp otmâ gorâ kakjan mannomai. <sup>26</sup>Yawu gârâmâ den âlâen hâum yuwu sâmune nângânet. Kembâ yekmain. Yâhâmâ âi kalam ki tuhum hâhiwin nângâmai. Yamâ hibim amboŋaŋe haoŋmâ ârândân sot yingimap. Yenâmâ nâihât dop ki mansai. Yenâmâ lok. Otmu yen gurâ yawuâk Anitâŋe haoŋmâ ârândân tânyongom gamap. <sup>27</sup>Yawu gârâmâ yeŋahât girawu mannom sâm yakât ki nângâm kiwiliŋ otnomai.

<sup>28</sup>Yeŋe iri sikum me sâŋgum lawa lawa yan biwi nângân nângânyeŋe hikujetâ dondâ bâlewuap. Yakât topje yuwu sâmune nângânet.

<sup>29</sup>Hahop ekmain. Hahop yamâ titi pan pan pilâmu ekmunje âilonŋo lonŋo otmap. Yâhâ emelâk lok kutdâ âlâ, kutje Solomon sâm, yâkŋe hâk katipje kulem melem mânunakmâ manop. Yaŋe hahop suriŋe sekŋe âlepje tetemap yakât dopje gurâ ki miop. <sup>30</sup>Yâhâ hahop suriŋe ekmunje âilonŋo otmap. Yawu gârâmâ ikjahâk ki yahatmâ titi pan pan otmâ kuririŋ sâm kinmap. Anitâŋe nângâopgât yawu kinmap.

Yiwereŋeâmâ tetem âilonŋo kinbuap. Yâhâ pek sâwuap yanâmâ hânân ge tâtuk sâwuap. Yenâmâ hahopgât dop ki mansai. Yenâmâ lok. Yakât otmâ biwiyenjaŋe yuwu ki nângânomai. “Anitâŋe pâlâmje otmâ ki tihitnenje otmap.” Yawu ki nângâm mannomai. <sup>31</sup>Yakât yuwu sâmune nângânet. Bulâŋanâk Anitâŋe haoŋmâ ârândân tihitnenje otmâ yâhâwuap. Yakât biwi yâhâp ki otnomai. <sup>32</sup>Yawu gârâmâ lok nombotje Anitâhât topje ki nângâmaiŋe sâŋgum me iri sikum me senje âlâlâ yakât nângânetâ yahatmap. Yawu otjetâ ki ârândân otmap. Yakât otmâ otmaiân yeŋe ki torokatnomai. <sup>33</sup>Yeŋe yuwu nângânomai. “Bulâŋanâk Anitâŋe haoŋmâ ârândân tihitnenje otmap.” Yawu nângânomai. Otmu lohimi nombotjaŋe Anitâhâlen biwiyenjaŋe kepeinet sâm yâkât den ekyongonetâ nângânomai. Yawu otmâ manjetâ hibim awoŋnenje topyeŋe nângâmapje dopyeŋan yingimu ki umburuk mannomai.

<sup>34</sup>Yeŋe umatje topje topje teteyingiwuawân “Girawu otnom me wuân teteningiwe sâm oap?” Yawu nângâm ki biwi yâhâp otmâ nângâm kiwilinomai. Senje âlâlâ hândâhân tetewuap yamâ hândâhângât pat. Otmu âun teteap yuâmâ âungât pat. Yawu gârâmâ torokatmâ manmâ yâhânomân hâmenenje kinbuap me bia yamâ hibim awoŋnenjaŋe ikjak nângâmap. Yakât ki gorâningimu nenje biwi yâhâp otmâ nângâm ketet manmâ yâhânom.” Yesuŋe yawu sâop.



**Bukulipnenŋe ki sâŋ hâreyiŋginom.**

*(Luka 6:37-38,41-42)*

**7** <sup>1</sup>Yesuŋe den âlâ torokatmâ yuwu sâŋ ekyongop. “Anitâŋe yengât den sâŋ hâreyiŋgiwuap. Yakât otmâ yeŋe lohimbi yengât den ki sâŋ hâreyiŋginomai. Yâhâ yeŋe buku nombotŋe sâŋ hâreyiŋginomai yamâ yeŋe otnomai yakât dopŋeâk Anitâŋe yen sâŋ hâreyiŋgimu matŋe menomai. <sup>2</sup>Yâhâ yeŋe senŋe âlâlâ yu me ya otyiŋginomai. Dop ya tâŋ tâŋâk Anitâŋe yen gurâ mem purik katyiŋgiwuap. <sup>3</sup>Yakât topŋe nâŋgâŋetgât den âlâen hâum sâŋmune nâŋgâŋet. Gâŋe bukuhahât senŋan wahap tipiŋe tap ya ekbuat. Otmu gike sengan gurâ wahap tipiŋe pato tap ya ki eŋakmâ naŋgaŋgimâk bukuhahât yuwu mon sâwuat. <sup>4</sup>“Buku. Sengan wahap ya hâlulum pangihiwe.” Gâ yawu mon sâwuat otmuâmâ lok perâkŋe. <sup>5</sup>Gike sengan wahap pato tap ya hâlulum pilakmâ yanâmâ bukuhahât senŋan wahap tatbuap ya hâlulum pilâwaŋgiwuap. Wongât? Yuwuhât. Gâŋe gike orotmememehe bâleŋe yakât nâŋgârâ tâŋât otmap. Yawu gârâmâ bukuhâŋe otmu kiŋgoŋ otmap ya ekdâ dondâ bâlemap. Yawu otbuat yamâ ekmune ki ârândâŋ otbuap.” Yawu sâop.

<sup>6</sup>Yâhâ den âlâen hâum yuwu sâŋ ekyongop. “Nenŋe sotnenŋe sâsâŋe ya um yan buku ondop yengât soso ya waŋmunŋe nembuapgât dop ki tap. Yamâ wongât? Nenŋe um waŋmunŋe nembuap yaŋak purik pilâm nen ningiwuap. Yâhâ âlâen hâum sâwe. Bau hulin hâkŋe ki kilikmain. Hâkŋe ki kilikmaingât otmâ hâknenŋe kukŋe ki nâŋgâmap. Gârâmâ mem lohotŋe tuhune sâŋ sot um waŋnom yamâ purik sâŋ ningiwuap. Yakât topŋeâmâ yuwu. Nenŋe Anitâhât pat kukuŋe ya lok ihilâk ki katyiŋginom.” Yesuŋe yawu sâop.

**Tihit Amboŋe yamâ Anitâ**

*(Luka 11:9-13)*

<sup>7</sup>Yesuŋe yuwu sâŋ ekyongop. “Yeŋe wuân me wuângât nâŋgâm Anitâhâlen biwiyenŋe kepeim ulitguŋetâ âlepŋe nâŋgâyiŋgiwuap. <sup>8</sup>Otmu âlâen hâum sâwe. Yeŋe buku âlâhât emelan yâhâne sâŋ, “Wâe tat me?” sâŋetâ nâŋgâyiŋgimu emet kâlehen yâhânomai. Yakât dopŋeâk Anitâ ulitguŋetâ nâŋgâyiŋgiwuap. Anitâhâlen biwiyenŋe kepeim ulitgumai yamâ âlepŋe nâŋgâyiŋgiwuap. Otmu pâin guin otmai yamâ âlepŋe ikŋak mâmâŋe otyiŋgimu biwiyenŋe sânduk sâwuat. Otmu yâkâlen torokatne sâŋ otnomai ya gurâ âlepŋe meyekbuawâk. <sup>9-10</sup>Otmu den âlâen hâum sâŋmune nâŋgâŋet. Yengâlen gâtŋe âlâ me âlâhât nanŋaŋe po waŋgimu âwâŋe ulitgumu yan âwâŋaŋe ki neneŋe ya waŋbuapgât dop ki tap. <sup>11</sup>Otmu yen nombotŋaŋe Anitâhât topŋe ki nâŋgâm hengengumaiŋe nan baralipyenŋe yawu otyiŋgimai. Anitâ awoŋnenŋe himbimân tatmapŋe nen ikŋiâk ikŋiâk topnenŋe ekmâ nâŋgâmap. Yakât otmâ

yeŋe otyiŋgimai ya wangim lok âlâ me âlâŋe yu me yakât ulitguŋetâ ya gurâ tâŋ tâŋâk yiŋgimap. <sup>12</sup>Den ekyongoan yukât emelâk Mose otmu poropete yaŋe Anitâhât den kâsikum yiŋgiminiwi. Yakât topŋe yuwu tap. Bukulipyenâŋe tânyongoŋetgât nâŋgâmai yeŋe gurâ nâŋgâmai dop yawuâk tânyongonomai.” Yesuŋe den yawu sâŋ ekyongop.

### **Mâtâp yâhâp**

*(Luka 13:24)*

<sup>13</sup>Den âlâen hâum yuwu sâŋ ekyongop. Hiliwaho hiliwaho kapi yakât mâtâp yamâ pen penâk kinmap. Lok dondâŋe yan arimai. <sup>14</sup>Yâhâ manman kârikŋahât kapi yakât mâtâp yamâ gâwik gâwikŋe otmu bârâŋ bârâŋ, yanâmâ lok sambeŋe ki arimai. Lok konok konokŋe arimai. Yenâmâ manman kârikŋahât mâtâp ya ekmâ nâŋgâm watmâ arinomai.

### **Nak topŋe topŋe**

*(Luka 6:43-44)*

<sup>15</sup>Otmu âlâ sâŋmune nâŋgâŋet. Poropete lok nombotŋaŋe eŋgatyenâŋak otmâ den imbiâk sâŋ ekyongomai. Yaŋeâmâ lohimbine nenekmâ topnenŋe nâŋgâmai sâŋ moroakmâ orotmemeyeŋe bâleŋe kurihim mansai. Topyeŋe teteâkgât den âlâen hâum sâwe. Lok yamâ orotmeme yawuya otmâ lok hilipyongone sâŋ otmâ. Yakât lok yawuya yeŋgât topyeŋe ekmâ nâŋgâm galemyeŋe tiŋâk otmâ heŋgeŋgunomai. <sup>16-18</sup>Yâhâ yeŋe topyeŋe nâŋgâŋetgât den âlâen hâum sâŋmune nâŋgâŋet. Nak esenŋe omoŋ omoŋ pilâmap yanâmâ bonŋe bâleŋe ki kinmap. Yâhâ nak esenŋe gimbaŋgumap yanâmâ bulâŋe âlepŋe âlâ ki kinmap. Bia yakâ. Yâhâ kiatŋe manam ki otmap. Otmu manamŋe kiat ki otmap. Otmu giŋ gârârâŋ yaŋe ham ki otmap. Otmu hamŋe giŋ gârârâŋ ki otmap. Yamâ topyeŋe ikŋiâk ikŋiâk. <sup>19</sup>Yawuhât nak âlâ bonŋe bâleŋe yamâ kârâm pilâmunŋe mum haraŋ haraŋ otmu kâlâwân umunŋe semap. <sup>20</sup>Yeŋe den yu nâŋgâm heŋgeŋgum poropete lok perâkŋe eŋgatyenâŋak otmâ imbiâk sâmai ya yekmâ topyeŋe nâŋgâm heŋgeŋgunomai. Yawu.

### **Lohimbi perâk**

*(Luka 13:25-27)*

<sup>21</sup>Yakât torokatmâ sâwe. Lohimbi dondâŋe mepaenekmâ nohonmâ manmai ya kerekŋe himbimgât pat ya ki otnomai. Himbim awoŋnahât tem lâum manmaiŋeâmâ himbimân yâhânomai. <sup>22</sup>Yâhâ lok dondâŋe sâp pato tâlâhuwuawân yan yuwu mon sâŋ buiakmâ eknohonomai. “Kutdâ, gâ nâŋgâ. Nenŋe denŋe sâŋ haŋ pilâmunŋe ariop. Otmu gâhât âi tuhum weke bâleŋaŋe lok mâŋgâeyehop ya watyiŋgimunŋe gaiakmâ ariwi. Gâŋeâmâ mâmâŋe otningirâ kulem topŋe topŋe mewin.” Yawu sâŋ buiaknomai. <sup>23</sup>Yawu sâŋetâ nâŋe matŋe yuwu sâŋ purik pilâyiŋgiwom.

“Nâ yeŋe den yai ya nângâmune ki teteap, pâpguan. Yeŋe nâhâlen biwiyenaje ki kepeim manbi gârâmâ nâhât komot bulâŋe ki otmâ mansai. Yeŋe orotmeme kiŋgoŋ maŋgoŋ manminiwi yakât keterakŋetgât naŋgan,” sâwom.

**Lok nângân nângânŋe orop otmu lok kopa**

*(Luka 6:47-49)*

<sup>24</sup>Yakât otmâ den âlâen hâum sâmune nângânŋet. Lok âlâ me âlâŋe nâhâlen gaŋetâ den ekyongomune nângâm heŋgeŋgum lâumaiŋe dop yuwu mansai. Lok nângân nângânŋe orop yaŋeâmâ emet tuhune sâm hân kendâm saran kâkâlep yaŋe kânângâm emet tuhuŋetâ tiŋ tiŋ kinbuap. <sup>25</sup>Yawu gârâmâ to mososoŋ mem gâsuk gâsuk tuhumu emet ya ŋiwiŋ ŋiwiŋ sâm ki putuk sâwuap. Yenâmâ dop yawuya. <sup>26</sup>Âlâmâ purik pilâm sâwe. Lok âlâ me âlâŋe nâhât den nângânŋetâ nahat otmu betbangim manmai, lok ya yeŋgât topyeŋeâmâ yuwu. Lok kopa nombotŋe emetyeŋe tuhune sâm hân kendâm saran kakŋeâk kânângânomai. <sup>27</sup>Yawu tuhuŋetâ emet ya saranŋe kandi kinbuap. Yakât otmâ mososoŋ mem gâsuk gâsuk tuhumu emet ya putuk sâm ge imbuap. Yawu.” Yawu sâm ekyongop.

**Yesuŋe Anitâhât sâtgât sâop.**

<sup>28-29</sup>Yesuŋe Anitâhât sâtgât den ya topŋambâek sâm tetem ekyongop. Ekyongomu nângânŋetâ sâtŋe otmu yuwu sâwi. “Anitâhât sâtgât topŋambâek yap yuŋe Mosehât girem kâsikum ningimai ya kerek yeŋgât dop ki oap. Yuâmâ âlâ kândâkdâ oap.” Yawu sâwi.

**Lok âlâ hâk bâle tetewaŋgimu manop ya Yesuŋe heŋgeŋguop.**

*(Mareko 1:40-44; Luka 5:12-14)*

**8** <sup>1</sup>Yesuŋe den ya sâm pesuk pilâm pumŋehembâ gemu lohimbi dondâŋe watmâ ariwi. <sup>2</sup>Otmu sâp yan lok âlâ hâk bâle tetewaŋgimu manopŋe Yesu ekmâ yan gotŋan bam yuwu sâm ekuop. “Lok pato, gâŋe sârâ kundat topŋe topŋe biatningiwuapgât dop tap. Yawu sâŋetâ naŋgan. Yawuhât nângânihirâ hâk bâle yuŋe pesuk sânihiâkgât naŋgan.” Yawu sâm âikuop.

<sup>3</sup>Yawu sâmu walipgum yuwu sâm ekuop. “Nângâhiahian. Âlepŋe, walipgohomune hâk bâle biatgihiâk.” Yawu sâm walipgumu yanâk biatbangimu âlepŋe olop. <sup>4</sup>Yawu otmu Yesuŋe yuwu sâm ekum hângânguop. “Gâmâ otgihian yukât den pat bukulipge nombotŋe ki sâm tetem ekyongowuat. Hotom umai yeŋgâlenâk arirâ hâkge eknomai. Yawu otmâ yan Moseŋe hotom u uhât girem den kulemguop ya lâum Anitâhât hotom umbuat. Hotom undâ gekmâ yuwu sânomai. “O, lok hâk bâle tetewaŋgiop ya emelâk biatbangiap. Girawu otmâ yawu oap?” Yawu sâmâmâ yakât topŋe nângânomai.” Yawu sâm hângângumu ariop.

**Yesuŋe hoŋ bawa âlâ heŋgeŋguop.**  
(Luka 7:1-10)

<sup>5</sup>Yesuŋe yapâ pilâyekmâ gem ari ikŋe kapi tipiŋe Kapanaum yan yâhâmu Roma tembe lâu yeŋgât kunyeŋe âlâŋe yâkâlen ari yuwu sâmu ekuop. <sup>6</sup>“Lok pato, nâhât hoŋ bawa âlâ mesek sâtŋan kinsap.

<sup>7</sup>Sâmu sâop. “Âlepŋe ari heŋgeŋguowom.”

<sup>8</sup>Sâmu sâop. “Lok pato, nâ lok âlepŋe bia. Yakât gâŋe nâhât emelan ariwuatgât ki nanŋan. Yuânâk tatmâ denâk sârâ hoŋ bawane ya âlepŋe otbuapgât nanŋan. <sup>9</sup>Yâhâ nâ nineâmâ lok patonahât tem lâuwangim yâkât amutgen manman. Gârâmâ patonaŋe nâ gurâ buku nombotŋe yeŋgât kunyeŋe sâmu nihimu manman. Yakât otmâ nâŋe tembe lâulipne âlâ me âlâ yuken me yaken ariŋet sâmunne âlepŋe nâhât tem lâunihim arimai. Me âi wuân me wuân tuhuŋet sâmu âi yingiman ya gurâ âlonŋo tuhumai. Gâmâ lok pato. Yakât otmâ denâk sârâ âlepŋe otbuapgât nanŋan.” Yawu sâop.

<sup>10</sup>Den yawu sâmu Yesuŋe nâŋgâmu ewe membe olop. Nâŋgâmu ewe membe otmu Isirae lohimbi betŋan sâwi ya yuwu sâmu ekyongop. “Wâtne pato tatnihiap yakât nâŋgâm Roma lok yuŋe biwi yâhâp ki oap. Yakât yuwu nanŋan. Isirae yeŋgâlen gâtŋe âlâ me âlâŋe lok yuŋe oap yuwu âlâ ki otŋetâ yekman. Lok yuŋe nâhâlen biwiŋaŋe kepeim den yap yu ekmune âlonŋo oap. <sup>11</sup>Yakât otmâ yuwu sâmunne nâŋgâŋet. Hâmbâi lok topŋe topŋe, emetsenŋe ga takamap yakembâ otmu purik sâmap yakembâ taka himbimân yâhâ tâmbâlipyenŋe Awaraham, Isaka otmu Yakop yâk orop hâk sânduhân tatmâ heronŋ maronŋ manŋetâ Anitâŋe tihityenŋe otbuap. <sup>12</sup>Yawu gârâmâ emelâk Anitâŋe yeŋgât sâmu pat kuyingiop ya lok ondop mem yingimu yeŋeâmâ hâmbâi belângen ari hem nâpumŋan kionŋmâ hâhiwin bâleŋe nâŋgâm hu halak tuhunomai.” Yawu sâmu ekyongop. <sup>13</sup>Benŋe tembe lâu ya yuwu sâmu ekuop. “Gâŋe biwihe nâhâlen katsat yakât bulâŋe emetgan ari tetemu ekbuat.” Yawu sâmu ba ariop. Sâp yanâk yâkât hoŋ bawa mesek kuop ya hâkŋe sânduk sâmu âlepŋe olop.

**Yesuŋe Petoro hewunŋe mem heŋgeŋguop.**  
(Mareko 1:29-34; Luka 4:38-41)

<sup>14</sup>Ya pesuk sâmu yapâ ari Petoro hewunŋe mesek pato kumu hâkŋe kâlâp otmu talop. Yakât Yesu ekuŋetâ emelan yâhâop. <sup>15</sup>Yâhâ wâimu kundatŋe biatmu hâkŋe sânduk sâop. Yawu otmâ sot um yingimu newi. Um yingimu nem tatŋetâ yan emetsâpŋe olop.

<sup>16</sup>Emetsâpŋe otmu sombemân yâhâ kinop. Kinmu kapi ambolipŋe weke bâleŋaŋe mângâeyehop ya lâuyekmâ yâkâlen ariwi. Yawu otŋetâ Yesuŋe sâmu weke bâleŋaŋe ya yeŋgâlembâ gaiakmâ ariwi. Yâhâ kundat

otbi ya gurâ yawuâk yâkâlen dâiyekmâ arinetâ hengemyongop. <sup>17</sup>Yawu olop yamâ emet inânjan poropete âlâ, kutje Yesaia sâmb, yâkje den kulemuop ya yan bonje Yesuhâlen teteop. Yamâ yuwu.

“Mesek otmu hâhiwin topje topje teteningiop yamâ yâkje mâmâne otningimu tisi mesek biatningiop.”

Den yakât bulâne teteâkgât Yesuje lohimbi kiŋgitje orowâk mem hengemyongop.

**Lok yâhâp Yesu watde sâmb olowot.**

*(Luka 9:57-60)*

<sup>18</sup>Mem hengemyongomu lohimbi dondâne mem hawam mewam tuhuwi. Yawu otjetâ kapi ya pilâm âlâengen arine sâmb yakât hoŋ bawalipje ekyongomu waŋga mem dengân hâtikgum ariwi. <sup>19</sup>Yawu otjetâ Mosehât girem den kâsikum ningiminiwi âlâne yuwu sâmb ekuop. “Gâ yuken yaken otbuat yamâ nâ orowâk.”

<sup>20</sup>Sâmbu sâop. “Nine topne hâum pâpkuatgât yuwu sâmbune nângârâ keterahâk. Soŋgoâmâ nak duwiŋan imai. Yâhâ nâiâmâ nak kakŋan kerem tatmai. Yâhâ nâmâ Anitâne hângânnohomu ge mansan yamâ emet âlâ ki tatnihiap. Yakât otmâ gâ orowâk arinom otmâmâ girawu otnom?” Yawu sâop. <sup>21</sup>Yawu sâmbu yanâk lok âlâ yâkâlen ba yuwu sâmb ekuop. “Lok pato, nâ awoŋne bâleap yakât gâ nângânihirâ ari kurihiwe. Kurihim âwurem takamune orowâk arinom.” Yawu sâop.

<sup>22</sup>Sâmbu sâop. “Yawu ki tap. Lohimbi nombotje pâlâmje biwi manmâ Anitâhât den ki lâum manmai yaŋe kurihiŋet. Yâhâ gâmâ yiwereŋe nâ orowâk arirehât naŋan.” Yawu sâop.

**Yesuje siru kuwaŋgimu nâŋ nâŋ sâop.**

*(Mareko 4:36-41; Luka 8:22-25)*

<sup>23</sup>Den yawu sâmb tiŋ pilâm yahatmâ hoŋ bawalipje meyekmu orowâk ariwi. <sup>24</sup>Arim tatjetâ dengân tânâmŋan siru pato pilâmbu to dondâ bâleop. <sup>25</sup>Yawu otmu waŋga kâlehen to gemu guhulakbe sâmb olop. Guhulakbe sâmb olop yan Yesu waŋga hâmeŋan aman pâlâmje iop. Aman im tatmbu hoŋ bawalipŋaŋe mândem yuwu sâmb ekuwi. “Pato, toŋe harannongomap. Yakât yahatmâ tânnongo,” sâmb mândewi.

<sup>26</sup>Mânderjetâ sâop. “Wongât yen kiŋgityeŋahât oai? Anitâne haoŋmâ ârândâŋ tihitnenje otmap yakât topje yen ki naŋgai me? Wongât biwi yâhâp oai? Nâŋe yengât galem tatman yakât yu ya otjetâ tânyongowomgât dop ki tap” yawu mon naŋgai?” Yawu sâmb yahatmâ siru ya kuwaŋgimu to yaŋe nâŋ nâŋ sâop. <sup>27</sup>Nâŋ nâŋ sâmbu ekjetâ sâtje otmu yuwu sâwi. “Bâe, lok yukât topje girawu? Siru kuwaŋgimu denje lâum sâmbuk sâmbu to yaŋe nâŋ nâŋ yap.” Yawu sâwi.

**Yesuŋe weke bâleŋe watyekmu gaiakmâ bau yeŋgâlen ariwi.**

*(Mareko 5:1-17; Luka 8:26-37)*

<sup>28</sup>To nâŋ nâŋ sâmu dengân ya hâtikgum ba nombot endaken kapi âlâ, kutŋe Gerasene sâmu, yan ariwi. Yan ari waŋgaembâ lâum kiongmâ ariŋetâ lok yâhâp sumângembâ takamutâ eŋakbi. Yâhâ ya yetgât topyeteŋeâmâ yuwu. Yâhâmâ weke bâleŋeŋe mângâeyelekmu sâp kâlep manmâ gaminiowot. Lohimbi dondâŋe mâtâp tete yelekma kiŋgityeŋahât otmâ ge tiok taok otmâ mâtâp âlâengembâ ba ariminiwi. Topyeteŋe yawu. <sup>29</sup>Yesu orop eŋakbiân weke bâleŋe mângâeyelekbiŋe yuwu sâmu ekuwi. “Gâ Anitâhât nanŋe mansat. Gârâmâ gâŋe hâhiwin umatŋe ningiwuat yakât sâp ki tâlâhuap. Yakât gâŋe girawu otningiwe sâmu takat?” Yawu sâwi.

<sup>30</sup>Yâhâ ya hâlânma bau kiŋgitŋe orowâkŋe tomot tuhum kinbi.

<sup>31</sup>Tomot tuhum kinŋetâ yekmâ yuwu sâmu Yesu ekuwi. “Gâŋe watnenekbe sâmu oat otmâmâ âlepŋe watnenekdâ bau enda yeŋgâlen ari karaknom.” Yawu sâwi.

<sup>32</sup>Sâŋetâ sâop. “Âlepŋe naŋgai yawuâk otŋet.” Yawu sâmu yâk yetgâlembâ gaiakmâ bau ya yeŋgâlen ge karakbi. Yawu otŋetâ bau yaŋe sururuk sâmu ba hem patoembâ tâwoŋ sâmu dengânân kionŋetâ haranyongop. <sup>33</sup>Haranyongomu yan bau galemyongom manbiŋe ekmâ sururuk sâmu ari kapi ya ambolipŋe ekyongowi. <sup>34</sup>Ekyongoŋetâ nâŋgâm kuk otmâ Yesuŋe pilâyekmâ âlâengen ariâkgât nâŋgâm kapiyeŋambâ toho yakât ekuwi. Yawu.

**Yesuŋe lok pareŋe yâkât tosa pilâwaŋgiop.**

*(Mareko 2:1-12; Luka 5:17-26)*

**9** <sup>1</sup>Yawu nâŋgâm ekuŋetâ Yesuŋe hoŋ bawalipŋe meyekmu kapi ya pilâm waŋgaen yâhâm âwurem ikŋe kapi, kutŋe Kapanaum, yan ariwi. <sup>2</sup>Ari kinŋetâ yapâ lok pareŋe âlâ mem gerelân katmâ lâum yâkâlen ariwi. Lâum ariŋetâ Yesuŋe biwiŋahât topŋe ekmâ nâŋgâm lok pareŋe ya yuwu sâmu ekuop. “Anitâŋe tosahe yiwereŋe pilâhihiap.” Yawu sâop.

<sup>3</sup>Yawu sâmu Mosehât girem den kâsikum ningiminiwi nombotŋeŋe den sâop ya nâŋgâŋetâ bâlemu yuwu sâwi. “Anitâ ikŋak konok tosanenŋe âlepŋe pilâningimap. Lok yuŋeâmâ Anitâ mem ge katmâ wangiwe sâmu oap. Yawu otmu ki ârândâŋ oap.” Yawu sâmu Yesuhât nâŋgâŋetâ bâleop.

<sup>4</sup>Nâŋgâŋetâ bâlemu biwiyeŋahât topŋe ekmâ yan yuwu sâmu ekyongop. “Yeŋe nâ nekŋetâ lok bâleŋe otmu yan biwiyeŋeŋe yawu naŋgai. Ya nâŋgâmune ki ârândâŋ oap. Yakât yuwu sâmune nâŋgâŋet. <sup>5</sup>Wuân âi tuhumune ekŋetâ dopŋan otbuap? Yuwu mon sâmu ekuwom. “Nâŋe tosahe pilâhihian.” Yawu sâwom me? Me “Gâ getek yahatmâ geretge lâuakmâ ari,” sâwom. <sup>6</sup>Yakât nine topne yuwu sâmune nâŋgâŋet. Nâ Anitâŋe

hângânnohomu gewangât tosayeŋe pilâyîngim mansan. Anitâŋe âi sâm nihiop yukât topŋe ekmâ nâŋgâŋetgât oan.” Yawu sâm ekyongop. Yawu sâm ekyongom topŋe ekmâ keterakŋetgât lok pareŋe ya yuwu sâm ekuop. “Gâ yahatmâ geretge lâuakmâ emetgan ari.” Yawu sâop.

<sup>7</sup>Yawu sâmu senyeŋanâk yahatmâ geretŋe lâuakmâ ariop. <sup>8</sup>Arimu lohimbî nombotŋaŋe Yesuŋe Anitâhât wâtŋan kinmâ âi miop ya ekŋetâ âlâ kândâkdâ olop. Yawu otmuâmâ “Lok yu ki orotŋe oap.” Yawu sâwi. Yawu sâm yan Anitâ mepaewi.

**Yesuŋe lok tosayeŋe orop dâiyekbe sâm giop.**

*(Mareko 2:13-17; Luka 5:27-32)*

<sup>9</sup>Yesuŋe yapâ arimâmâ lohimbî yeŋgâlen takesihât tewetsenŋe meyiŋgiminiwan nâhâlen tohop. Nâmâ Mataio. Yan tatmune yâkŋe nekmâ yuwu sâm eknohop. “Nâhâlen torokatdâ orowâk mandehât nanŋan.” Yawu sâm eknohomu nâŋe yanâk yahatmune orowâk ariwit.

<sup>10</sup>Ari nâhât emelan yâhâ sot nende sâm otmâ sâmune kâlehen yâhâwit. Yawu otmutŋe hoŋ bawalipŋe kerehâkŋe net watnelekmâ gaŋetâ orowâk kâlehen yâhâwin. Tatmunŋe sâp yanâk bukulpine otmu lok nombotŋe ândâp kârik otmâ Mosehât girem den ki lâum manminiwi yâkŋe nengâlen gaŋetâ orowâk menduhuakmâ sot newin. <sup>11</sup>Nem tatmunŋe Parisaio lok nombotŋaŋe nen aposolo nenekŋetâ ki ârândâŋ otmu âinongowi. “Wongât Yesuŋe lok bâleŋe yen orop menduhuakmâ lau konok niai?” Yawu sâm âinongowi.

<sup>12-13</sup>Yawu sâm âinongoŋetâ Yesuŋe den ya nâŋgâm yuwu sâm matŋe ekyongop. “Anŋoân topŋe katmâ Anitâŋe sâmu lok âlâŋe kulempuop yamâ topŋe yuwu. “Yeŋe orotmemeyeŋe bâleŋe me tosayeŋahât otmâ hotom ya uŋetâ nâŋgâwan. Yamâ âlepŋe oap. Yaŋe yu ya âlâ ki oap. Otmu yamâ wahap tâŋât. Gârâmâ yeŋe biwiyeŋaŋe konohâk otnomai yamâ ârândâŋ otbuap.” Yawu sâop. Den topŋe yawu tap. Yakât otmâ den âlâen hâum sâmune nâŋgâŋet. Lok mesekyeŋe bianŋe dokta yeŋgâlen ki arimai. Lok kundatyene orop me hâhiwin teteyiŋgimapŋeâmâ dokta yeŋgâlen arimai. Yakât topŋe yuwu sâmune nâŋgâŋetâ keterahâk. Yeŋgâlen gâtŋe nombotŋaŋe yuwu sâmai. “Nen lok âlepŋe, orotmeme âilonŋo lonŋo otmâ mansain.” Yawu sâmai. Yawu gârâmâ lok yawuya yeŋgât sâm ki gewan. Gârâmâ nâmâ yeŋe lok bâleŋe sâm betyongoŋetâ manmai yawuyaŋe Anitâhâlen biwiyene katŋetgât gewan.” Yawu sâop.

**Yesuhât hoŋ bawalipŋe sâp sâsânŋan sot barak ki manminiwi.**

**orotmeme âiŋe yaŋe dop konohâk ki oawot.**

*(Mareko 2:18-22; Luka 5:33-39)*

<sup>14</sup>Yawu sâmu Yoane Baptis orop manbiŋe ga yuwu sâm Yesu âikuwi. “Nen Anitâŋe nâŋgâningimu âlepŋe olâkgât sâp sâsânŋan sot

barak manmain. Otmu Parisaio lok yawuâk otmâi. Yâhâ gâhât hoj bawalipgajeâmâ sot kutakamai?” Yawu sâwi.

<sup>15</sup>Sâjnetâ sâop. “Yakât den âlâen hâum sâmunen nângâjnet. Lok patone imbi miakbe sâmbukulipne meyekmu orowâk menduhuakmâ sot um nem herone otnomai. Sot um nem herone otnomaiân sot barak ki tatnomai. Yâhâ hâmbâi mâne kasalipyerane taka bukuyene kujetâ mumbuap yanâmâ engat hako nângâm sot barak mannomai. Yakât yuwu sâmunen nângâjnet. Yiwerejêâmâ nâ orowâk mansain yakât otmâ tep âlep nângâmai. Yâhâ hâmbâi mâne nâ nohojnetâ mumbom. Sâp yan engat hako nângânomai.” Yawu sâop.

<sup>16</sup>Yawu sâmbukinmâ orotmeme embâjân anjoân otmâ manmâ gawi ya otmu ikne orotmeme âjne kâsikum yingiop yane ki lâuahowot. Yakât yâhâp yâhâp ya menduhum lâunomaihât dop ki olop. Yakât topne nângâjnetâ keterahâkgât den âlâen hâum yuwu sâmbukyongop. “Nenje sot me salup me âlâlâ hâpu golâenâk mânunmâ titâkgum umunje sem hejgengumap. Yâhâ nenje hâpu tekañan mânunmâ kâlâwân katmain yamâ hâpu tekañe ya sem huhumu sot yamâ golâ kinmap.” Yawu sâop. <sup>17</sup>Otmu âlâen yuwu hâum sâop. “Otmu imbi âlâne lepa dorokum tâk masipguwuap. Masipgum katmu sâp kâlep tatmâ hângiñe otbuap. Otmu yakât kakñan tâk âjne orop menduhum lowaim iri osowuap. Iri osomâmâ senje âlâlâ mem mânunbuawân yan dâimu tiririk sâmbuk tok sâmbuap. Yakât otmuâmâ tâk âjñajak menduhum lowaimain. Lowaim iri osom senje âlâlâ umatne mânunjomân yamâ dâimu njirik njirik sâmbuk ki tok sâmbuap. Yâhâ hângiñe otmu âjne menduhunom yamâ dâimu titâk sâmbuap. Yamâ ki orotje.” Yawu sâop.

**Imbi âlâ mesek umatne tetewangjopne Yesuhât sângum walipgum âlepne olop.**

*(Mareko 5:22-43; Luka 8:41-56)*

<sup>18</sup>Yesuje den yawu sâmbukyongom kinmu yanâk Yura nengât patonenje âlâne ga yuwu sâmbukeuop. “Baratne yiwerejêak pârâk sâmbuk sâmbuk bâleap. Yakât gâne mem yahatbuatgât nanjan.” Yawu sâop.

<sup>19</sup>Yawu sâmbuk Yesuje yahatmâ nen hoj bawalipne menenekmu ariwin. Arimunje imbi âlâ watnenehop yâkât topneâmâ yuwu. <sup>20</sup>Imbilipnenje emetsenje ekmai dop yawu ki olop. Yâhâ imbi yuâmâ emetsenje ekmâ yâhâmbu yambu kâiân yâhâp pesuk sâop. <sup>21</sup>Yâhâ imbi yane Yesuhât betñan watmâ ari biwiñane yuwu nângâop. “O nâ Yesu tetekñan mem wâiwom yamâ ki orotje. Anjolakmangât ki wâiwom. In sângumneâk walipgum âlepne otbe.” Yawu nângâop. <sup>22</sup>Yawu nângâm watmâ arimu Yesuje sângum bârârâhâk kâlep mânunjahop. Yan ari sângum potonjan in walipgumu engatje kakñambâ olelem ekmâ yuwu sâop. “Wa, toune, gâne yiwereñe biwihane nâhâlen kepeiat. Yakât otmâ Anitâne



nângâhihimu hepge saŋ yap.” Yawu sâm ekuop. Yawu sâm u yanâk âlepŋe olop.

<sup>23</sup>Nenŋe yapâ gem ari lok galemŋahât baratŋe bâleop yâkât emet ya hâumâk otmâ ariwin. Arimunŋe emet yakât kâlehen lohimbi dondâŋe kahân tatmâ isem we bâle pato nângâwi. <sup>24</sup>Yawu otmâ isem tatŋetâ yuwu sâm ekyongop. “O, baratyetŋe yuâmâ ki bâleap. In aman pâlâmŋe iap. Yakât yen yahatmâ yaehen kionŋet.” Yawu sâm ekyongop. Yawu sâm ekyongomu nângâŋetâ nahat otmu girinŋangiwi. <sup>25</sup>Girinŋangiŋetâ senŋan geŋetâ hângânyongomu yaehen gewi. Geŋetâ mumuŋambâ mem yahalop. <sup>26</sup>Otmu kulem miop yakât den pat ya sâm haok tuhuŋetâ kapi gotŋe tete ya ambolipŋaŋe den pat ya nângâwi.

### Lok yâhâp senyetŋe suk sâm u ehowot.

<sup>27</sup>Yesuŋe kapi ya pilâm arimu lok yâhâp senyetŋe bok sâsâŋe yaŋe kulem miop yakât den pat nângâm betŋan ari yuwu sâm ekuowot. “Wâe, Dawitihât sen. Netgât tepge nângâ. Gâŋe âlepŋe tânnotgowuatgât dop tap me bia? “Yawu sâowot. <sup>28</sup>Yawu sâm âikum yaŋak Yesuhât kâiŋe munŋeâk nângâm watmâ emelan gam yâhâowot. Yâhâmutâ yuwu sâop. “Nâŋe sâmune senyetŋe suk sâm u emet galemŋe ekde sâm nanŋawot, me bia?” Sâm u sâowot. “Oŋ, yawu nanŋait.”

<sup>29</sup>Yawu sâm u mutâ senyetŋan wâim yuwu sâop. “Nâhâlen biwiyetŋaŋe nângâm kepeiawot yakât bulâŋe teteyitgiâk.” Yawu sâop. <sup>30</sup>Yawu sâm u senyetŋe suk sâm u emet galemŋe ehowot. Ekmutâ yuwu sâm ekyotgop. “Kulem yetgâlen tetemu eksawot yu ki sâm u mutâ pen pen sâm u nângânomai.” <sup>31</sup>Yawu sâm ekyotgop yamâ iliwetmâ den pat ya sâm tetemutâ pen pen sâm arimu lohimbi dondâŋe nângâwi.

### Lok kopa âlâŋe den olop.

<sup>32</sup>Yâhâ Yesu pilâm arimutâ yanâk lok âlâ Yesuhâlen mem takawi. Mem taka yuwu sâwi. “Lok yuâmâ weke bâleŋaŋe mâŋgâemu den pâpŋum kopa otmâ manmap,” sâwi. <sup>33</sup>Yawu sâŋetâ weke bâleŋe watmu gaiakmâ arimu lauŋe hâreakmu den huhuop. Den huhumu ekmâ kinbiŋe alahu gulahu otmâ yuwu sâwi. “Nen embâŋâmbâek kulem yuwuya âlâ ki tetemu ekmâ gamain.” Yawu sâwi. <sup>34</sup>Yawu otmuâmâ Parisaio nombotŋaŋe Yesuŋe kulem miop ya ekmâ nângâŋetâ bâlemu yuwu sâwi. “O, yuâmâ weke bâleŋe ya yengât amboyenŋe mâmâŋe otbaŋgiap. Yakât otmâmâ weke bâleŋaŋe den tem lâuwangim gaiakmâ arim kinsai.” Yawu sâwi.

### Lok nombotŋe âlâŋe tânnongonŋetgât Anitâ ulitgumunŋe katyehâk.

<sup>35</sup>Yesuŋe kapi ya pilâm kapi tipi tapi tatmâ arap ya biwiŋan miti emetŋe tap dopŋan yâhâm gem Anitâŋe tihityeŋe otbe sâm oap yakât den pat

âlepņe ekyongom manop. Yâhâ lohimbi nombotņe mesek me hâhiwin topņe topņe teteyiņgiop ya gurâ heņgemyongop. <sup>36</sup>Heņgemyongom yekmâ biwiņaņe yuwu nâņgâop. Lama galemyeņe bianę ihilâk mahilâk manmai yakât dopņeâk lohimbi gurâ amboyeņe bia otmu ihilâk mahilâk manmâ gai. Yawu manņetâ yekmâ tepņe nâņgâyiņgiop. <sup>37</sup>Tepņe nâņgâyiņgim nen hoņ bawalipņe den âlâen hâum yuwu sâm eknongop. “Kalamân sot pato tap. Yâhâ bonņe mem menduhunomaihât lok getek âlâ. <sup>38</sup>Yakât otmâmâ yeņe kalam amboņe, Anitâ, ulitguņetâ âlâkuâk lok katyekbuap. Katyekmu yen orowâk tânahom nep ya tuhunomai.” Yawu sâm eknongop.

**Yesuņe hoņ bawalipņe meyekmâ âi sâm yiņgiop.**

*(Mareko 3:13-19; Luka 6:12-16)*

**10** <sup>1</sup>Yesuņe nen hoņ bawalipņe kâiân yâhâp menenekmu bamunņe yuwu sâm eknongop. “Weke bâleņaņe lohimbi mem mâņgâeyekbuap yamâ yeņe watyiņginomai. Me mesek me hâhiwin topņe topņe teteyiņgimu heņgemyongonomai.” Yawu sâop. Yawu sâm ningim yan mâmâņe otningiop.

<sup>2</sup>Otmu nen aposolo menenehop nengât kutnenņe yamâ yuwu. Simon yâkât kutņe âlâ Petoro sâm, imiņe Anderea, otmu Yeweri nanyâhâtņe, kutyetņe Yakowo yet Yoane. <sup>3</sup>Otmu âlâmâ Pilip, otmu Batolomaio, Toma, otmu âlâmâ nâ Mataio. Nâmâ aņgoân lok yeņgâlen takesihât tewetsenņe meminiwan. Otmu âlâ Alipaio nanņe Yakowo, âlâmâ Taraio. <sup>4</sup>Âlâmâ Simon, yâhâmâ komot âlâen gâtņe topyeņe yuwu. Roma lok ya yeņgât hâkâņ otmâ watyekne sâm otminiwi yan gâtņe. Otmu bâiņeâmâ Yurasi yamâ Karioto kapiân gâtņe. Yâkņeâmâ Yesuhât betņehen kioņop ya.

**Yesuņe hoņ bawalipņe hâņgânyongomu ariwi.**

*(Mareko 6:7-13; Luka 9:1-5)*

<sup>5</sup>Otmu Yesuņe nen hoņ bawalipņe den âlâen hâum yuwu sâm eknongom hâņgânnongop. “Lama ya yeņgât galem ki otņetâ yanâmâ hiliwahomai. Dop yawuâk Isirae lohimbi nombotņe yu hiliwahone sâm oai yakât yâk yeņgâlen tâņ tâņâk ari tânyongonomai. <sup>6</sup>Tânyongom Anitâņe tihityeņe otbe sâm oap yakât den pat ekyongonomai. <sup>7</sup>Yawu gârâmâ yeņe aņgoân Samaria otmu pâku lohimbi yeņgâlen ari nep ki tuhunomai. Isirae ambolipņe nenņanâk yâhâm gem nep tuhunomai.” Yawu sâop. <sup>8</sup>Yawu sâm yan nep denņe yuwu sâm ningiop. “Lohimbi munomai yawuya sâņetâ mumuņambâ yahatnomai. Me nombotņe kundat otmâ mansai ya mem heņgemyongonomai. Me hâk bâle otmâ mansai ya gurâ mem heņgemyongonomai. Me weke bâleņaņe mâņgâeyekmâ mansai. Yawuya watyiņginomai. Yawu otyiņginomai yakât hâmeņe mene sâm ki nâņgânomai. Ninak mâmâņe otyiņgim yakât hâmeņe ki meman yakât yengu yawuâk hâmeņe ki menomai.

9-10 Yâhâ âi topŋe katne sâŋm bât barak arinomai. Howan ki mem tinanŋunomai. Me hâk katipŋe me pet ya hourâ hourâ gurâ ki miakmâ arinomai. Me kâi katipŋe katmâ yakât kakŋan âlâ ki menomai. Hâkyeŋan tatbuap yawuâhâk. Me itâkat ki golenomai. Me natik ki miakmâ arinomai me tewetsenŋe hakyenŋan ki tatbuap. Lok âlâ me âlânŋe nep tuhunomai yakât hâmeŋe sâŋm yinŋiŋetâ meŋetâ ârândânŋ otbuap. Yakât otmâ inâk arinomai.

11 Otmu aŋgoân hânŋânyongomune arinomai yan kapi ambolipŋaŋe yuwu mon sânomai. “Wongât takai yakât topŋe sâŋetâ nânŋânŋe.” Yawu sâŋm âiyongoŋetâmâ yeŋe âlepŋe topŋe ekyongonomai. Topŋe ekyongoŋetâ lok âlâ me âlânŋe emelan dâim yâhâ katyekŋetâ yanâk tatnomai. 12 Dâim yâhâ katyekŋetâ yanâmâ yuwu sânomai. “Anitânŋe tihityeŋe otmu yâkât wâtŋan kinmâ yâhâm heronŋe kakŋan mannomai.” Yawu sânomai. 13 Otmâ yâkŋe yekmâ heronŋe nânŋâyinŋim denyeŋe nânŋânŋe sânomai yamâ âlepŋe yâk yeŋgâlen bulânŋe tetewuap. Yâhâ nombotŋaŋeâmâ denyeŋe nânŋânŋetâ gemu betyinŋinomai. Yawu otyinŋiŋetâ yengu yawuâk betyinŋim arinomai. 14 Yâhâ kapi âlâen ari den ekyongoŋetâ nânŋânŋetâ gemu bet pilânomai. Nânŋânŋetâ gemu bet pilânomai yamâ hâmbâi Anitânŋe matŋe umatŋeâk yinŋiwuap. Yakât otmuâmâ yeŋe kâiyenŋan wahap me bokosok me yu ya horatbuap yamâ tâlim gik beretek meŋetâ gewuap. Ya gemu betyinŋim pilâyekmâ arinomai. Ariŋetâ towat ya ekmâ kâi katsap yawu nânŋânŋomai. 15 Yakât yuwu sâŋmune nânŋânŋet. Sâp patoen Anitânŋe Sotom otmu Gomora kapi ambolipŋaŋe orotmemeyeŋe bâleŋe otminiwi yakât matŋe yinŋimu menomai. Gârâmâ yeŋe kapi âlâen ariŋetâ betyinŋinomai. Yamâ ya yeŋgât tosa ya tatyinŋiwuap. Yakât matŋe Anitânŋe hâmbâi umatŋe dondâ yinŋiwuap.” Yawu sâŋm eknongop.

**Umatŋe âlâlâ teteningimu yan ki lohotŋe otmâ mannom.**

*(Mareko 13:9-13; Luka 21:12-17)*

16 Otmu Yesuŋe nen topnenŋe nanŋanŋinehât den âlâen hâum yuwu sâŋm eknongop. “Lama yamâ pâlâmŋe kinmai. Yâhâ sosonŋeâmâ sâtŋe bâleŋe tatmai. Yawu gârâmâ lama yaŋe dâiakmâ arinomai yamâ sosonŋe yinŋim neyekbuap. Dop yawuâk nânŋe hânŋânyongomune sâtŋe metŋe kâlehen arinomai. Arinomai yan kinŋityenŋahât otmâ biwi yâhâp ki otnomai. Yakât âlâ torokatmâ sâwe. Sonŋo âlâ kutŋe hewam yamâ nânŋânŋe nânŋânŋe tapgât ekmâ nânŋâm galemahomap. Yakât dopŋeâk yengu yawuâk biwiyenŋaŋe golâek manmâ sâtŋe metŋe ekmâ kewewetmâ galemahom mannomai. Yâhâ nâi kopa yamâ kopa kum den biaek tatmu ekmain. Yenâmâ yakât dop manmâ nep lohotŋan tuhum mannomai. 17 Nep tuhum miti emetŋe tap dopŋan hawamgum nep tuhum mannomai. Nep tuhum manŋetâ kapi ambolipŋaŋe kasa otyinŋim den

âiân katyekmâ yongonomai. Yawu otyinginetâmâ biwiyenje ki orotok sâwuap. <sup>18</sup>Otmu yakât âlâ torokatmâ sâwe. Yenje nâhât den yu lâum mannetâ yakât meyekmâ kiapgâlen ari den âiân katyekmâ mem âi pâi tuhuyeknomai. <sup>19</sup>Mem âi pâi tuhuyeknomai yan “Den mâtâpne girawu watmâ sâm ekyongomunje nângânetâ keterakyingiwuap,” yawu nângâm ki gorâyingiwuap. <sup>20</sup>Sâp yanâmâ Awoŋnenŋaŋe ikŋe Wâtgât mâmâŋahât Heak hâŋgângumu ge den âlâlâ nângân nângânyenjan katmu nâhât den pat âlepne ekyongonomai.

<sup>21</sup>Otmu sâp yan umatne topne topne teteyingiwuap yakât yuwu sâmune nângânet. Imi ata yenjahâk ahom hionjaknomai. Yakât otmâ dâiakmâ kiap yengâlen ari den âiân karaknomai. Otmu âwâ nan yenjahâk ahom hionjaknomai. Hionjakmâ lok kunje yengâlen ari den âiân karaknomai. Den âiân karaknetâmâ nombotne mem âlâlâ tuhuyekmâ yongonetâ munomai. <sup>22</sup>Yakât torokatmâ âlâ sâwe. Yen orop biwinenŋaŋe kepeiakmâ konohâk otmu mannomai. Yakât otmâ nâ mem âlâlâ tuhuneknetâ hâhiwin nângâman yakât dopneâk yen gurâ hâhiwin yinginomai. Hâhiwin yinginetâ yanâmâ hâkyenje ki ihiwe ihiwe otmu lohotne otmâ betnihinomai. Yenje kârihem kinnomai yanâmâ Anitâne meyekmâ manman kârikŋan katyekmu mannomai. <sup>23-25</sup>Yâhâ mitihât kasaŋe yen meyekmâ den âiân katyekmâ yongom watyeknetâmâ kapi ya pilâm âlâen arinomai. Yâhâ mem âlâlâ tuhuyeknetâ hâhiwin kakŋan mannomai. Hâhiwin kakŋan mannomai yakât den âlâ yuwu sâmune nângânet. Kasalipyenŋe taka nimnaomlipyenje me âwâ mâmâlipyenje yamâ kapam dop konohâk yongonomai. Yakât nimnaomlipyenje kapam hewewenŋ yongonomaihât dop ki tap. Yâhâ papatolipyenje me lok inŋe ya gurâ yawuâk dop konohâk tuhuyeknomai. Lok kunje me hoŋ bawalipyenje ya gurâ yawuâk. Otmu ninahât sâwe. Nâmâ kunyenje otmune yenje nâhât den tem lâum hoŋ banihim mansai. Gârâmâ lohimbî nombotŋaŋe nâhât imbiâk yuwu nângâm hilipgumai. Nâhâitne weke bâleŋe yengât kunyenje kutne Satan, otmâ kutne âlâ Besewulu yaŋe mâmâŋe otbaŋgimu âi yu mem manmap yawu nângâmai yamâ imbiâk nângâmai. Yengât gurâ dop yawuâk nângâm kasa otyingim mem âlâlâ tuhuyekmâ mem ge katyeknomai. Yakât otmâ den âlâ yuwu sâmune nângânet. Yenjeâmâ Isirae kapi ambolipne yengâlen âi ki tuhūm pesuk pilânetâek Awoŋnaŋe yâhâpne hâŋgânnohomu gewom. Yâhâ nâhât komolân gâtne âlâ me âlâŋe ki lohotne otmâ pilânek mâ âlâhâlen ariwuapne yakât matne âlepne menomai.

### **Nimbilam yâhâp ki otnom.**

*(Luka 12:2-7)*

<sup>26</sup>Yawuhât den yu torokatmâ sâwe. Tihângen wahap yu me ya otmâ gai. Ya ki tik tatbuap. Hâmbâi tetekŋan tetemu eknom. Yâhâ yu me

ya otmâ kurihiakmai. Ya gurâ tetekŋan tetemu eknom. <sup>27</sup>Yakârâmâ yuwu sâmunne nâŋgâŋet. Yenâmâ nâ orowâk manmain. Yawu gârâmâ den nombotŋe nenŋiâk tatmâ ekyongoman ya hâmbâi ekyongoŋetâ nâŋgânomai. Yâhâ nâŋe den halowân sâm ekyongom mansan. Yamâ hâmbâi yeŋe lok senyeŋan kinmâ ekyongonmai.

### **Anitâŋe tihitnenŋe otmap.**

<sup>28</sup>Ekyongonmai yakât topŋe yuwu sâmunne nâŋgâŋet. Lok senyeŋan kinmâ den ekyongoŋetâ nâŋgâŋetâ nahat otmu yen nombotŋe yongoŋetâ munomai. Yongonomai yamâ umut biwiyenŋe ki hilipgunomai. Lok topnenŋe yawu tap. Yakât otmâ yeŋe ya yeŋgât ki kiŋgityeŋahât otnomai. Yâhâ Anitâhât topŋeâmâ âlâ tap. Hâmbâi mâne yâkŋe konok umut biwiyenŋe hilipguwuapgât dop tap. Yakât otmâ yeŋe yâkât den konok lâum mannomai. <sup>29</sup>Otmu yakât âlâ sâwe. Anitâhât den lâum manmain nen haoŋmâ ârândâŋ Anitâŋe tihitnenŋe otmap yakât topŋe nâŋgâŋetâ keterahâkgât den âlâen hâum yuwu sâmunne nâŋgâŋet. Giroŋ giroŋ ekmain yamâ nâi tâŋât. Yamâ ki galemgumain. Yawu gârâmâ giroŋ giroŋ âlâ mumbuap yakât topŋe hibim amboŋaŋe emet inânŋan nâŋgâmu tap. <sup>30-31</sup>Yawu gârâmâ nenâmâ giroŋ giroŋ yakât dop bia. Nenâmâ Anitâ ikŋe kundenŋe towat manmain. Yawu otmâ Anitâŋe topnenŋe kerehâk naŋgap. Somotnenŋe tipi tapi yakât topŋe gurâ nâŋgâmu tawâk. Yâkŋe tihitnenŋe otmap. Yakât nâŋgâm biwi yâhâp ki otmâ manmâ yâhânom.

### **Topnenŋe ki kurihiakmâ Yesu betbaŋginom.**

*(Luka 12:8-9)*

<sup>32</sup>Lohimbi âlâ me âlâŋe “Yesuhâlen biwinanŋe kepeim tem lâuwangim mansan,” yawu sâm lohimbi ekyongonmai yâhâmâ hâmbâi nâŋe hibim awoŋnahât senŋan kinmâ topyeŋe sâm tetemune Anitâŋe manman kârikŋan katyekbuap. <sup>33</sup>Yâhâ lohimbi âlâ me âlâŋe topyeŋe kurihiakmâ “Nâ Yesu ki nâŋgâwaŋgian,” yawu sânomai otmuâmâ nâku hibim awoŋnahât senŋan kinmâ “Nâ ki nâŋgâyŋgian,” yawu sâwom. Lohimbi yawu otmai yanŋe matŋe umatŋe menomai. Yawu.

### **Yesuŋe giop yakât lohimbi hioŋakmâ mansai.**

*(Luka 12:51-53; 14:26-27)*

<sup>34</sup>Otmu âlâ yuwu sâmunne nâŋgâŋet. Yeŋeâmâ nâhât yuwu ki sânomai, “Nâhât yamâ buku konok otnehât hibimâmbâ giop.” Yawu ki sânomai. Yakât sâmunne nâŋgâŋet. Nâŋe hânân gewan yakât yen hioŋaknomai. <sup>35</sup>Nanlipyeŋaŋe âwâlipyenŋe betyiŋginomai. Me baralipyenŋaŋe mâmâlipyeŋe betyiŋginomai. Me imbilipyenŋaŋe iranlipyeŋe betyiŋginomai. <sup>36</sup>Yawu otmâ hep torehenlipyeŋe hioŋakmâ kasa oraŋginomai. <sup>37</sup>Otmu yakât topŋe yuwu sâmunne nâŋgâŋet. Lohimbi

âlâ me âlâŋe biwi nâŋgân nâŋgânŋaŋe âwâŋe mâmâŋe yeŋgâlenâk katmâ kepeiyekmâ nâhât âi yakât nâŋgâmu giap. Me nanŋe baratŋe yeŋgât biwiŋaŋe kepeiyekmâ nâhât âi yakât nâŋgâmu giap. Lok yawu otmai yeŋgât nâŋgâmune ki ârândâŋ otmap. Yakât otmâmâ nâhât pat ki otŋetâ yanâmâ Anitâŋe umatŋe yiŋgimu menomai. <sup>38</sup>Otmu lok âlâ me âlâŋe nâhât den lâum âi tuhuŋetâ bukulipyeŋaŋe nâŋgâm bâleyiŋgim hilipyongone sâm otŋetâ yanâmâ, “Bukulipnaŋe hâhiwin nihimai” sâm hâkyeŋe alitmâ mannomai. Lok yawuya nâhât pat ki otŋetâ yanâmâ Anitâŋe umatŋe yiŋgimu menomai. <sup>39</sup>Otmu lok âlâ me âlâŋe ikŋe manmanŋe âlepŋe yawuâk mem mete tuhum manbuap lok yawuya hâmbâi hiliwahowuap. Otmu lok âlâ me âlâŋe nâhât nâŋgâmu bulâŋe otmu ikŋe manmanŋe ki alitmâ manbuap. Lok yawuya yamâ nâŋe manman kârikŋe waŋmune manmâ yâhâwuap.

**Buku oraŋgim mannom yakât hâmeŋe menom.**

*(Mareko 9:41)*

<sup>40</sup>Otmu yakât âlâ torokatmâ sâwe. Lohimbi âlâ me âlâŋe nâ buku otnihimai. Lohimbi yaŋe nâ otnihiain sâm yan awoŋne hâŋgânnohomu gewan ya otbaŋgimai. Gârâmâ benŋe nâŋe yawuâk hâŋgânyongomune ariŋetâ buku otyiŋginomai. Lohimbi yaŋe yen gurâ otyiŋgiain sâm yan nâ otnihinomai. <sup>41</sup>Otmu yakât âlâ sâwe. Lok âlâ me âlâŋe Anitâhât hoŋ bawa âlâ ekmâ buku otbaŋginomai. Yawu otnomai yakât matŋe hâmbâi Anitâŋe ikŋe hoŋ bawa hâmeŋe waŋbuap dop yawuâk lohimbi ya yiŋgiwuap. <sup>42</sup>Yâhâ lohimbi biwi nâŋgân nâŋgânyeŋaŋe nâ hikunekmâ nâhât den lâum manmai. Yâk yeŋgâlen gâtŋe âlâ me âlâŋe senŋe âlâlâ pâinmâ manŋetâ lok nombotŋaŋe towat yekmâ nâhât hoŋ banihim mansai sâm tânyongonomai, me to osom yiŋgiŋetâ nenomai yakât hâmeŋe gurâ hâmbâi menomai. Yawu.” Yesuŋe den yawu sâm hoŋ bawalipŋe nen eknongop.

**Yesuŋe Yoanehât sâop.**

*(Luka 7:18-35)*

**11** <sup>1</sup>Yesuŋe nen hoŋ bawalipŋe kâiân yâhâp eknongom pesuk pilâm, yapâ yahatmâ kapi hâlânjâmâ tatmâ arap ya yeŋgâlen ari den kâsikum yiŋgiop.

<sup>2</sup>Sâp yanâmâ Yoane pâi emetŋan katŋetâ talop. Katŋetâ talowân Yesuŋe kulem topŋe topŋe miop yakât pat ya nâŋgâm biwi yâhâp otmâ yuwu nâŋgâop. “Lok pato kulet sâwawŋi sâm Anitâŋe âi nihioŋ ya tuhum mansan. Lok pato yuâmâ Yesu me âlâhât mambotbom.” Biwiŋaŋe yawu nâŋgâm hoŋ bawalipŋe nombotŋe hâŋgânyongomu, ari yuwu sâm Yesu âikuwi. <sup>3</sup>“Anitâŋe lok âlâ hâŋgângumu ge tihitnenŋe otbuap sâmain ya gâ? Me âlâhât mambotnom?”

<sup>4</sup>Yawu sâ m âikuŋetâ yuwu sâ m ekyongop. “Yenâmâ ari kulem topŋe topŋe mian yukât Yoane ekunomai. <sup>5</sup>Nâŋe senyeŋe bok sâsâŋe ya walipyongomune senyeŋe suk sâmu eksai. Otmu lok pareŋe manmai ya heŋgemyongomune târârâhâk bam gai. Otmu hâk bâle manmai ya gurâ heŋgemyongomune âlepŋe otmâ mansai. Otmu ândâpyeŋe bok sâsâŋe ya gurâ heŋgemyongomune ândâpyeŋe pâroŋ sâmu den nanŋgai. Otmu nombotŋe bâlewi ya mumuŋambâ mem yahatyekmune mansai. Otmu kewilâyekŋetâ mansai ya nine den pat âlepŋe ekyongomune nâŋgâ m biwiyeŋe heronŋe otmâ mansai.” Yawu sâ m Yoane ekunomai. <sup>6</sup>Yakât âlâ sâwe. Yawu otyiŋgim mansan yakât otmâ lok âlâ me âlâŋe nâhât nâŋgâ m biwi yâhâp ki otmai ya yengât nâŋgâ mune tepne heronŋe oap.” Yawu sâ m ekyongom hâŋgânyongomu âwurewi.

<sup>7</sup>Hâŋgânyongomu âwurem ariŋetâ Yesuŋe Yoanehât topŋe lohimbi kinbi ya yuwu sâ m ekyongop. “Yoane lok ki manmaiâŋen ari manop ya lohimbiŋe ekne sâ m yâkâlen ariwi. Otmu yakât den âlâen hâum sâwe. Siru pato pilâm âliwâhap mem gâsuk gâsuk tuhumu ekmâ âlemai. <sup>8</sup>Yawu olop ya ekne sâ m yakât ariwi me bia? Me lok âlâŋe hâk katipŋe sekŋe âlepŋe mânunakmâ manop ya ekne sâ m ariwi me? Lok hâk katipŋe sekŋe âlepŋe mânunakmaiŋeâmâ lok kutdâ yengât emelanâk tatmai. Yâhâ lok ki manmaiâŋen ki manmai. Yakât otmâ wuân bân ekne sâ m yaken ariwi? <sup>9</sup>Yakât yuwu sâ mune nâŋgâŋet. Yoaneŋe Anitâhât den pat sâ m tetem gaop ya nâŋgâne sâ m ariwi. Yâhâ emelâk Anitâhât poropeteliŋŋe yâkât den tâmbâlipyenŋe ekyongom manbi ya yengât kunyeŋe pato oap. <sup>10</sup>Yâkât nâŋgâ m emelâk Anitâŋe den sâop ya yuwu tap. “Gâŋe nine topne sâ m tetem ekyongorâ nâŋgâŋetgât nine hoŋ bawane hâŋgâŋumune kulet sâhihim mâtâp menŋihiwuap.” Den yawu tap. Kulet sâop yamâ Yoane.

<sup>11-15</sup>Yawu gârâmâ Yoanehât topŋe nâŋgâŋetâ keterahâkgât yuwu sâ mune nâŋgâŋet. Poropete lok, Mose otmu lok nombotŋe Anitâŋe tihitnenŋe otmap yakât den pat ekyongom gawi. Yâhâ den ekyongowi ya yawuâk Yoaneŋe potonŋe sâ m teteop.

Yawu otmâ yeŋe biwiyeŋeŋe yuwu mon nâŋgâmai. “Emelâk poropete âlâ, kutŋe Elia sâ m yâkŋe yâhâpŋe hohetnenŋan tetem manmâ kutdâhât mâtâp mewanŋiwuap.” Biwiyeŋeŋe yawu nâŋgâmai yakât bonŋe yamâ Yoanehâlen teteap. Yoanehât yawu nâŋgâŋetâ keterahâkgât biwiyeŋan katmâ nâŋgâ m mannomai.

Otmu torokatmâ sâwe. Yoaneŋe ya topŋe katmâ mem gaop. Topŋe katmâ, Anitâŋe bulâŋanâk tihitnenŋe otmap ya ekyongomu nâŋgâ m biwiyeŋe heronŋe otmu yakât bonŋe mene sâ m manmâ gai. Otmu yakât den yuwu sâ mune nâŋgâŋet. Anitâŋe Yoane nep wanŋmu miop yakât nâŋgâmu yahatmap. Yakât otmâ lok âlâ me âlâŋe Yoane wanginomaihât dop ki tap. Yoaneŋe kulet sânihim âi mem gaop yamâ nine topne ki

nāngām hengenḡum mansap. Yakât otmâmâ lok âlâ me âlâḡe nâhât den pat âlepḡe yu nāngām Anitâhâlen biwi nāngân nāngânyeḡe katnomai yaḡeâmâ Yoane wanginomai.

**Yesuhât den hâkâḡ otmâ betbaḡiwi.**

<sup>16</sup>Yen biwi yâhâp otmâ mansai yakât keterakyiḡiâkgât den girawu yaen hâum sâmunne nāḡḡâḡetâ keterakbuap. Yuwu mon? Nimnaom titipâḡe sombem patoen hârum konok otmâ tatnomai. Tatmâmâ komot âlâ tatnomaiḡe komot âlâ yuwu mon ekyongonomai. <sup>17-19</sup>“Nenḡe yahatmâ kep tuhumm âlâlâ otbin. Gârâmâ yen orowâk tuhune sâmunḡe ki tânnongowi.” Yawu otnomai yakât topḡe teteâkgât yuwu sâmunne nāḡḡâḡet. Yakât dopḡeâk Yoaneḡe herone olâkgât nāḡḡâwi. Yamâ nāḡḡâwi yawu Yoaneḡe ki olop. Yakât otmâ yâkât hâkâḡ otmâ sâm ge katbi. Otmu âlâku torokatmâ hâum sâwe. Sâp âlâen nimnaom titipâ komot âlâ tatnomaiḡe komot âlâ yuwu sâm ekyongonomai. “Âo, nen we bâle nāḡḡâm otmâ ombe hakoâk isewin. Yawu otbin yan yeḡe ki nenekbi. Yakât otmâ nāḡḡâmunḡe bâleap.” Yawu sânomai. Yakât dopḡeâk yeḡe otmâ mansai. Gârâmâ yeḡe oai yan ki torokatmâ mansan. Yakât otmâ yen nâhât hâkâḡ oai. Yakât yuwu sâmunne nāḡḡâḡet. Emelâk Yoaneḡe to kârikḡe me âlâlâ ya nembâḡḡât dop yamâ yâkḡe ki neminiop. Yakât yeḡe yuwu sâwi. “O, lok yuâmâ weke bâleḡeḡe mâmâḡe otbaḡgimu yawu otmap.” Yawu sâwi. Yâhâ nâmâ Anitâḡe hāḡḡânnohomu ge sot kâle neman. Yakât otmâ yeḡe nâhât yuwu mon nāḡḡâmai. “O, lok yuâmâ sot pato kutakumap. Otmu takesi meme lok otmu lok komborâ yâk orop buku oraḡḡim gamai.” Nâhât yawu sâmai. Yawu gârâmâ yakât sâwe. Anitâḡe den sâop ya tiḡâk lâum manmai ya yeḡḡât orotmemeyeḡe ekmâ nāḡḡâḡetâ bonḡe otbuap. Yawu.” Yawu sâop.

**Lohimbi biwi kârik otmâ manbi ya Yesuḡe sârekyongop.**

*(Luka 10:13-15)*

<sup>20</sup>Emelâk Yesuḡe kapi hawamḡum kerehâk manmâ kulem topḡe topḡe memu ekbi. Yakât otmâ orotmemeyeḡe bâleḡe me kiḡḡoḡ ya ki pilâm metem biwiyeḡeḡe Anitâhâlen kepeim manbi. Yakât nāḡḡâm hemḡât pat otbi yakât sârekyongom yuwu sâm ekyongop. <sup>21</sup>“Main, Korasin otmu Besaita kapi ambolipḡe yen, Yeḡḡâlen kulem topḡe topḡe mem gamune ekḡetâ tâḡât otmâ gamap. Yamâ Tiro Siron kapi ambolipḡeḡe kulem yawu ya ekbi mâne orotmemeyeḡe bâleḡe betbaḡḡim biwiyeḡe Anitâhâlen katbâi. <sup>22</sup>Yawu gârâmâ yeḡe manman bâleḡe mansai ya ki pilâm Anitâhâlen biwiyeḡe katsai. Yakât otmâ hâmbâi Tiro Siron kapi ambolipḡeḡe umatḡe menomai ya wangim yeḡe umatḡe amokḡan menomai. <sup>23</sup>Otmu Kapanaum kapi ambolipḡe yeḡḡât sâwe. Yen gurâ yeḡḡâhât nāḡḡâḡetâ yahatmu hâk mepae otmâ yuwu sâmai. “Nenâmâ



emelâk himbimgât pat otmâ mansain.” Yawu sâmai. Ya ki tap. Yengâlen kulem topŋe topŋe mem gamune ekŋetâ tâŋât otmâ gamap. Yakât yuwu sâwe. Sotom kapi ambolipŋe kulem yawuya ekbi mâne orotmemeyeŋe bâleŋe ya pilâm biwiyeŋe Anitâhâlen katŋetâ matŋe kâlâpŋe ki seyebâp. <sup>24</sup>Yawu gârâmâ yeŋe orotmemeyeŋe bâleŋe ya ki betbaŋgim Anitâhâlen biwiyeŋe katsai. Yakât topŋe yuwu sâmune nâŋgâŋet. Sâp patoen Sotom kapi ambolipŋe orotmeme bâleŋe otmâ gawi yakât matŋe menomai. Otmu yen gurâ yawuâk orotmemeyeŋe bâleŋe torokatmâ mansai yakât yeŋeâmâ Sotom ambolipŋe menomai ya wangim umatŋe pato hâlilipe menomai.” Yawu sâop.

**Yesuŋe biwi sânduhân katnenekbuap.**

*(Luka 10:21-22)*

<sup>25</sup>Yawu sâm Yesuŋe yuwu sâm âwâŋe ekuop. “Awoŋ, hân himbim kândikyotgon amboŋe, gâhât tep âlep pato nâŋgâhihan. Otmu lok nombotŋe gâhât topge nâŋgâne sâm nâŋgân nâŋgân emetŋan yâhâwi. Parisaio otmu Sarukaio lok yawuya. Yawu gârâmâ nâŋe gâhât den lâum manmâ gan yakât dopŋeâk yâkŋe lâum manmâ gai mâne ârândâŋ otbâp. Yakât topŋe nâŋgâmai hât nâŋgân nâŋgânyeŋe ki mem hewewej tuhuyiŋimat. Yawu gârâmâ lok nombotŋe, kutyeŋe bia, belângen manmai yaŋeâmâ topne nâŋgâŋetgât gâŋe nâŋgân nâŋgânyeŋe mem hewewej tuhuyiŋimat. <sup>26</sup>Âo, gâŋe nâŋgâmat, yawuâk tetemap. Yakât mepaeheksan.” Yawu sâm âwâŋe ekuop.

<sup>27</sup>Âwâŋe yawu sâm ekum yaŋak purik sâm yuwu eknongop. “Himbim amboŋe tatmap yâhâmâ awoŋne. Yâkŋe mâmâŋe otnihimu wuân me wuân otbongât dop tap. Otmu nâŋe awoŋnahât topŋe nâŋgâwaŋgim heŋgeŋuan. Yawu gârâmâ lohimbi nombotŋe awoŋnahât topŋe nâŋgâŋetgât sâwom yamâ yâkŋak nâŋgâŋetâ keterakbuap.

<sup>28</sup>Otmu ninahât topne sâwe. Nâ lohotŋan manmâ biwi yâhâp ki otman. Yakât otmâ wuân me wuân otbehât nâŋgâman yamâ ki gorânihimap. Bia. <sup>29</sup>Otmu nâŋe yen tihityeŋe otbe sâm oan. Yakât yen umatŋe topŋe topŋe teteyiŋimu hâhiwin me gorâ kakŋan manŋetâ biwiyeŋe orotok sâmapgât nâhâlen gaŋetâ biwi sânduk yiŋgimune lohotŋan mannomai. <sup>30</sup>Otmu nâhâlen biwiyeŋe kepeim mannomai yanâmâ mâmâŋe otyiŋgimune nâhât wâtnan kinmâ biwiyeŋe ki orotok sâwuap. Otmu umatŋe teteyiŋimu yan ki pârâk pilânomai.” Yawu sâm eknongop.

**Yesu hoŋ bawalipŋe orop tatmâ nâŋgâ nâŋgâ sâp ya kuwi. kalamân ari sot mem newi.**

*(Mareko 2:23-28; Luka 6:1-5)*

**12** <sup>1</sup>Tatmâ nâŋgâ nâŋgâ sâp âlâen Yesuŋe hoŋ bawalipŋe nen kerek menenekmu âi kalam biwiŋambâ gem ariwin. Gem ari mâtâp

tânâmjan po irik irik ningiop. Yawu otmâmâ buku nombotnje yengât kalamân sot talop ya mem newin. <sup>2</sup>Mem nemunje Parisaioje nenekmâ Yesu yuwu sâmbâ âikuwi. “Gâ wongât ândâp bok oat? Moseje girem den kulemgup ya lâum âun yu tatmâ nangain. Girawu otmâ hoj bawalipge orop ari buku nombotnje yâk yengât sot golâ mem niai? Ya otjetâ yekmunje ki ârândâj oap.” Yawu sâmbâ ekuwi.

<sup>3</sup>Yawu sâjjetâ purik pilâyinjim sâop. “Emelâk embâjân Dawitije olop yakât den pat sâlikum ki nângâm hejengumai. <sup>4</sup>Yakât topje nângâjjetâ keterahâkgât yuwu sâmbâ nângâjjet. Sâp yan Anitâhât hotom um manbije baŋga tuhumi Anitâhât pat sâmbâ katminiwi ya yâkne konok neminiwi. Lok injeâmâ bia. Hilâm âlâen Dawiti otmu ikje tembe lâulipje po ondop yingiop. Yawu otmâ yâkne Anitâhât miti selepjan yâhâm ya ihilâk mem newi. <sup>5</sup>Yakât den yuwu sâmbâ nângâjjet. Moseje sâmbâ kulemguwu ya topje sâlikum ki nângâm hejengumai. Tatmâ nângâ nângâ sâp ârândâjâk hotom um manbije yapâ mem neminiwi. Nejetâ ki bâleop. Yakât denje ki teteop. <sup>6</sup>Yakât topje yuwu sâmbâ nângâjjet. Anitâje hângânnohomu gem tem lâuwangim manman. Yakât otmâ hotom uminiwi ya yengât denyenje ya wangimune ârândâj oap. Yakât denje bia. <sup>7</sup>Yâhâ hotom uminiwi yakât topje teteâkgât Anitâje yuwu sâmbâ kulemguwu. “Nâje tosanenje bialâk sâmbâ hotom umai yakât nângâmbâ tâjât otmap. Yawu gârâmâ nâje orotmeme âlepjeâk, buku konok oraŋjjetgât ukenje nângâman.” Den tap yakât topje ekmâ nângâm hejenguai mâne lohimbije otjetâ bâlemap ya yekmâ ki mem ge katyekbâi. <sup>8</sup>Anitâje hângânnohomu ge mansan yamâ tatmâ nângâ nângâ sâp yakât amboje. Otmu yakât bonjeâmâ nâje konok mem teteman.” Yawu sâmbâ ekyongop. Yawu sâmbâ ekyongomu yahatmâ ba ariwin.

### **Yesuje lok âlâ hejengup.**

*(Mareko 3:1-6; Luka 6:6-11)*

<sup>9</sup>Otmu Yesuje yapâ arimâmâ miti emetje âlâen yâhâop. Yâhâmu lok âlâ bâteje mum pâlâmje olop yanje yan tatmu ehop. <sup>10</sup>Ekmâ yan Parisaio nombotjanje Yesu mem den âiân katne sâmbâ gotyetjan ba yuwu sâmbâ âikuwi. “Tatmâ nângâ nângâ sâpjan âi tuhumaingât Moseje sâmbâ kuningiop. Yawu gârâmâ lok pareje yu hejengunomgât dop me bia.” Yawu sâwi. <sup>11</sup>Sâjjetâ sâop. “Yakât topje teteâkgât âlâen hâum sâwe. Yenjan gâtje âlâ me âlâhât lamaŋje tatmâ nângâ nângâ sâpjan lâmbân kioŋmu ambojanje girawu otbuap? Âlepje lâmbâ kâlehembâ mem katbuap me bia? Ambojanje âlepje mem dâiwuapgât dop. <sup>12</sup>Otmuâmâ lama yamâ wahap tâjât. Lok nenjeâmâ wahap bulâje. Nenje Anitâhât senjan lama ya kerek wangiyeksain. Yakât otmâ lohâmâ hejgemyongonom me tânyongonogât dop tap. Yakât otmuâmâ lok pareje yu hejenguwom.”

Yawu sâop. <sup>13</sup>Yawu sâam yahatmâ lok pareŋe ya yuwu sâam ekuop. “Bâtge kuwihak.” Yawu sâamu bâtŋe kuwihakop. <sup>14</sup>Kuwihakmu ekmâ Parisaioŋe nânŋâm bâlewaŋgim pilâyekmâ ari menduhuakbi. Menduhuakmâ Yesu kuŋetâ muâkgât alahu gulahu otmâ den hikuwi.

### Yesu yamâ Anitâhât hoŋ bawa bulâŋe

<sup>15</sup>Yawu otŋetâ Yesuŋe alahuwi yakât halop nânŋâm yapâ pilâyekmâ âlâengen ariop. Arimu lohimbi nombotŋe watmâ ariwiŋe yâkât den pat nânŋâm bukulipyenŋe mesek otbi ya meyekmâ yâkâlen ariŋetâ heŋgemyongop. <sup>16</sup>Yawu olop yakât den pat ya buku nombotŋe ki ekyongonomai sâam kuyiŋgiop. <sup>17</sup>Otmu yawu olop yakât emelâk Anitâŋe sâamu poropete lok âlâ, kutŋe Yesaia sâam, yâkŋe kulemuŋop ya yuwu tap.

<sup>18</sup>“Lok yuâmâ nine hoŋ bawane bulâŋe manmap. Nâŋe emelâk âi sâam waŋban. Yakât nine Wâtŋât mâmâŋahât Heak hânŋângumune mâmâŋe otbaŋgimu manman kârikŋe yakât den pat ya lohimbi kerek sâam tetem ekyongowuap.

<sup>19</sup>Yâhâ lohimbi den kâwâ kârik ki tuhuyekbuap. Yawu otmâ mem lohotŋan katyekbuap.

<sup>20</sup>Otmu lohimbi biwiyenŋe orotok sâamu mansai, me tep bâle nânŋâm mansai ya mem hewewenŋe tuhuyekmu biwiyenŋe sânduk sâuwuap. Yawu otmâmâ torokatmâ mem dâiyekmâ manman âlepŋan katyekbuap.

<sup>21</sup>Otmu lohimbi yaehen mansaiŋe biwiyenŋe yâkâlen kepeim mannomai.”

Den ya yawu tap. Otmuâmâ Yesuŋe lohimbi nombotŋe kundat me umatŋe topŋe topŋe teteyiŋgiop yamâ mem heŋgemyongop. Yesaiaŋe den kulemuŋop yakât bulâŋe heŋgemyongop yan teteop.

### Yesuŋe Anitâhât wâtŋan kinmâ weke bâleŋe walop.

(*Mareko 3:20-30; Luka 11:14-23; Luka 12:10*)

<sup>22</sup>Otmu sâp yanâmâ lok senŋe bok sâŋe âlâ dâim yâkâlen ariwi. Lok yamâ weke bâleŋeŋe mânŋâemu kopa otmâ manop. Yesuŋe lok ya ekmâ sâamu lauŋe hâreakmu den sâop. Otmu senŋe suk sâamu emet galem ehop. <sup>23</sup>Yawu otmu yan lohimbi kiŋgitŋe orowâk kinbiŋe ekmâ pârâk pilâm enŋat yâhâp otmâ yuwu sâwi. “Yesu yuâmâ Dawitihât senân gâtŋe mon?” Yawu sâwi. <sup>24</sup>Yawu sâŋetâ Parisaioŋe ekŋetâ bâlemu lauyenŋe butelim yuwu sâam alahu gulahu otbi. “Yâkât topŋeâmâ yuwu. Yâhâmâ weke bâleŋeŋe mâmâŋe otbaŋgiap. Yakât otmâ ya yenŋât patoyenŋe, kutŋe Besewulu sâam, kutŋe âlâ Satan yâkât wâtŋan kinmâ watyekmap.” Yawu sâwi. <sup>25</sup>Yawu sâŋetâ Yesuŋe biwiyenŋahât topŋe ekmâ nânŋâm yuwu sâam ekyongop. “Yeŋe nânŋâm tâpikguai yakât den âlâen hâum yuwu sâamune nânŋânŋet. Lok komot konohâk mansaiŋe yahatmâ ahom hionjakmâ tiok

taok otnomai yamâ kutyeŋe biatbuap. Yâhâ kapi âlâ konohâk tatmaiŋe, yeŋahâk yahatmâ ahom hioŋaknomai yamâ kâwurumyeŋeâk kinbuap. Yakât torokatmâ sâwe. <sup>26</sup>Satangât komotŋak ahom hioŋaknomai yamâ den yan yuwuâk otmâ hiliwahom kuriŋ sânomai. Yâhâ nâŋe Satangât wâtŋan kinmâ âi yu mian mâne bulâŋe ki tetembâp. <sup>27-28</sup>Nâmâ Anitâhât wâtŋan kinmâ weke bâleŋe watyekmâ yan amboyeŋe Satan ya mem ge katsan. Yakât otmâ âlâku yu torokatmâ sâwe. Yeŋe imbiâk nâhâtŋe Satangât wâtŋan kinmâ weke bâleŋe watyeksap yawu nâŋgâmai. Yakât nâŋe yuwu sâm purik pilâmune nâŋgâŋet. Yeŋe âlâhât wâtŋan kinmâ weke bâleŋe watyeksi? Yeŋe “Anitâhât wâtŋan kinsain” yawu sâmai. Girawu otmuâmâ nâhât yawuâk ki nâŋgâmai? Yeŋe nâhât nâŋgâm tâpikgumai, yawu nanŋan. Yawu gârâmâ Anitâŋe tihityeŋe otmâ wawaeyekmâ nâ hâŋgânnohomu ge âi yu mem mansan.”

<sup>29</sup>“Nine topne teteâkgât den âlâen hâum yuwu sâmune nâŋgâŋet. Lok sâtŋe âlâŋe hâmbâŋe mem haŋgalakmâ tembe talam lâuakmâ teŋgâen irik irihâk kinbuap. Kinmu yanâmâ kasaŋaŋe taka kombo mewañgiwe sâm otmu ahoramawot. Ahom yan kasaŋaŋe kum itit kiom bâleŋe tuhuwañgiwuap. Yakât dopŋeâk nâŋe Satan mem ge katbom. Yakât otmâ yâkât weke bâleŋe watyekmune gaiakmâ arai.

<sup>30</sup>Yakât torokatmâ yuwu sâmune nâŋgâŋet. Lohimbi nombotŋaŋe nâhât nâŋgâŋetâ tâŋât otmap yâkŋeâmâ nâhât kasa manmai, yawu nanŋan. Yâhâ nombotŋe biwiyeŋe pâlâmŋe manmâ ki tânnohomaiŋeâmâ mâtâp maŋunihimai dop yawu otmap. Yawu nanŋan. <sup>31-32</sup>Yakât otmâ âlâ torokatmâ yuwu sâwe. Lok âlâ me âlâŋe otŋetâ bâlewuap. Me Anitâŋe âi sâm nihim hâŋgânnohomu gewan nâhât nâŋgâŋetâ tâŋât otbuap. Me nâhât nâŋgâŋetâ giâkgât lohimbi biwiyenjan kioŋnomai. Orotmeme yawuya ki witgum mannomai ya yeŋgât tosa yamâ Anitâŋe pilâyŋgiwuapgât dop tap. Otmu torokatmâ sâwe. Lok âlâ me âlâŋe Anitâhât Wâtgât mâmâŋahât Heakŋe yu me ya otbuap ya ekmâmâ yuwu mon sâwuap. “Bâe, âi yukât amboŋe yamâ Satan.” Yawu sâm yan âi ya ekmâ Satangâlen gâitbuap. Yawu otmâ yâhânomai ya yeŋgât tosa Anitâŋe pilâwañgiwuapgât dop âlâ ki tap. Lohimbi yawuyaŋe tosa pato menomai.” Yawu sâop.

### **Anitâŋe biwinenŋahât topŋe ekmâ nâŋgâmap.**

*(Luka 6:43-45)*

<sup>33-35</sup>Otmu Yesuŋe ikŋe biwiŋahât topŋe nâŋgâŋetâ teteâkgât den âlâen hâum Parisaio yuwu sâm ekyongop. “Nenâmâ be yakât topŋe nanŋain. Be esenŋe ya ekmâmâ bonŋe yamâ ketŋe niap me galaŋ siap me bia, yakât ki nâŋgâmain. Galaŋ semu yanâmâ be yu bâleŋe sâm hindâm kârâm tâtuk memain. Yâhâ bonŋe âlepŋe otmuâmâ hindâm mem ari um nemain. Yawu. Otmu âlâ torokatmâ sâwe. Kâpi yakât topŋe nanŋain.

Esenje gimbaŋgum kinmuâmâ bonje âlepje ki kinbuap sâmain. Yâhâ esenje aiakmâ kinbuap otmuâmâ hâmbâi bonje âlloŋgo kinbuap yawu sâmain. Yawu gârâmâ nenje kâpi esenjaŋe towatje girawu tetemap ya ekmâ yanâmâ gâmâlâk kâpi bonje girawu kinbuap yakât be nâŋgâmain. Yawu gârâmâ lok nenje topnenje dop yawuâk ekmâ nâŋgâmain. Lok âlâ me âlâŋe otrjetâ âlepje otmap ya yekmâ lok mulunje sâmain. Yâhâ lok âlâ me âlâŋe otrjetâ bâlemu kiŋgoŋ manmai ya yeŋgât lok bâleje sâmain. Yakât otmâmâ nine topne sâmune nâŋgâŋetâ keterahâk. Nâŋe lok heŋgemyongom mansan ya yeŋe ekmâ imbiâk nâhâtje Satanje mâmâŋe otbaŋgimu heŋgemyongoap nâŋgâmai. Yakât nâŋgâmune bâleap. Yenâmâ lok perâkŋe, biwi nâŋgân nâŋgânyeŋe bâleŋe. Yakât otmâmâ lauyeŋambâ den perâk yawuâk ga takamap. Yawu yekmâ naŋgan. <sup>36-37</sup>Yawu gârâmâ sâp patoen yanâmâ yeŋe den perâkŋe, me den guruk, den yawuya sâmâi. Anitâŋe manmanyenje ekmâ yakât matje ikŋiâk ikŋiâk kâpekyingiwuap.” Yawu sâop.

**Yesuje kulem âlâ tuhuâkgât Parisaioŋe ekuwi.**

*(Mareko 8:11-12; Luka 11:29-32)*

<sup>38</sup>Yesuje den ya sâm tetemu Mosehât girem den kâsikum ningiminiwi otmu Parisaio lok nombotjaŋe yuwu sâm ekuwi. “Lok pato. Gâŋe kulem topje topje mem gat yakât âlâ mendâ ekmâ topje nâŋgânehât naŋgain.” Yawu sâwi. <sup>39</sup>Yawu sâŋetâ yuwu sâm purik pilâŋyioŋ. “Lohimbi hârok yeŋgât topyeŋe girawu tap yakât nâŋgâŋetâ keterahâkgât den âlâen hâum yuwu sâmune nâŋgâŋet. Imbi kondarâŋe lok ihilâk orop manmai dop yawu. Yeŋe biwi yâhâp otmâ kulem witgumâk eknehât nâŋgâmai. Yâhâ nâmâ kulem konohâk memune eknomai. Yuwu sâmune nâŋgâŋet. Aŋgoân poropete âlâ, kutje Yona sâm, yâhâmâ iŋan patoŋe kereŋgetmu teŋe kâlehen ge hilâm kalimbu talop. <sup>40</sup>Yakât ninan hâum yuwu sâmune nâŋgâŋet. Nâmâ Anitâŋe hâŋgânnohomu gewan. Otmu hân kâlehen ge imbom. Tatumune hilâm kalimbu pesuk sâmu yapâ yahatbom. <sup>41</sup>Otmu torokatmâ sâwe. Yawu gârâmâ Yonaŋeâmâ kapi âlâ, kutje Niniwe sâm, ya ambolipje ari girem den ekyongomu orotmemeyeŋe bâleŋe pilâm yâkât den nâŋgâwi. Yâhâ otbi yamâ yeŋe oai yakât dop bia. Yeŋeâmâ kunyeŋe kârikŋe otmâ nâhât den nâŋgâŋetâ gemu bet pilâm orotmemeyeŋe kiŋgoŋ torokatmâ mansai. Yakât otmâmâ sâp patoen Niniwe kapi ambolipjaŋeâmâ lok senyeŋan yahatmâ kinmâ yeŋe orotmemeyeŋe bâleŋe witgum oai yeŋgât topyeŋe mem tetem aŋun yiŋgiŋetâ ekbom. Nâ Yonahât kunje mansan. Yakât otmâmâ nâhât den kuŋetâ nâŋgâmune bâleap. <sup>42</sup>Yakât den âlâ sâwe. Aŋgoânâmâ lok âlâ, kutje Solomon sâm, Dawiti nanje ya nâŋgân nâŋgânje pato tatbaŋgiop. Otmu yâkât kut patje ya emelâk sâm haŋ tuhuŋetâ arimu imbi pato âlâ kapi kâlepnehen manopje nâŋgâop. Nâŋgâm yanâmâ ekbe

sâm tohop. Yakât sâmunê nânġâġet. Solomongât nânġân nânġân pato tatbaŋgiop. Yawu ġârâmâ nâmâ Solomongât kunġe mansan. Otmu nânġe kapi kâlêpġehen ki mansan. Hohetyeġan manmâ den kâsikum yingim mansan. Yamâ yeġeâmâ nâhât den nânġâġetâ nahat otmap. Yakât otmâ mem ge katnekne sâmi oai. Yakât otmâ hâmbâi sâp patoen imbi pato yaġeâmâ lok senyeġan yahatmâ kinmâ yeġe nâhât den kum mansai yeġġât topyeġe sâmi tetemu aġulaknomai. Yawu otġetâ Anitâġe yakât matġe âlâku ikġeâk ikġeâk yingiwuap.

**Weke bâleġaġe weke bâleġe nombotġe dâiyekmu lok mânġâeyekmai.**

<sup>43</sup>Nânġe yeġġât topyeġe yu sâmi pitinġum heġġeġumune nânġâġet. Yeġe yuwu nânġâm tâpikgumai. “Nenġahâk kuwihakmâ manman âilonġo manmâ yâhânôm.” Yen yawu nânġâm tâpikguai yakât otmâ den âlâen hâum yuwu sâwe. Weke bâleġaġe lok âlâ mânġâemap ya gaiakmâ emet sondaġânġen ariwuap. Otmu lok ondopġâlen karakmâ mem bâlewe sâmi yakât pâinmâ manbuap. <sup>44</sup>Pâinmu biatmu yuwu nânġâwuap. “O, emelâk lok âlâ mem mânġâeminiwan. ġârâmâ lok yamâ ninahâk gaiakmâ tohowan. Yawu ġârâmâ âlâkuâk âwurem ari lok yâkâlen karakbom.” Yawu sâmi âwurem ari ekmâ yuwu sâwuap. “Bâe, lok yuâmâ heġġemahom mansap. Nâhât wâtne tipġe. Yakât otmâ weke bâleġe nombotġe wâtyeġe pato tap ya ari meyekbom. Ari meyekmune taka orowâk menduhuakmâ lok yu mânġâenom.” Yawu sâop. <sup>45</sup>Yawu sâmi ari weke bâleġe bôt nombotġen yâhâp ya meyekmu taka lok aġoân hâhiwin kakġan manop yamâ witgum mânġâeġetâ umatġe dondâ tetewaġgimu manbuap. Yakât otmâ yuwu sâmunê nânġâġet. Yeġe yeġahâk heġġemahom mannomaihât dop âlâ ki tap.” Yawu sâop.

**Yesuhât hep torehenlipġe**  
(*Mareko 3:31-35; Luka 8:19-21*)

<sup>46</sup>Den yawu sâmi ekyongom tatmu yanâk ikġe hepġe torehenlipġaġe taka tirek topġan kinmâ yuwu sâwi. “Atanenġe ġâ tat me?” Yawu sâwi. <sup>47</sup>Yawu sâġetâ lok âlâ yan talopġe yahatmâ yuwu sâmi ekuop. “Wâe, emba nânġâ. Torehenlipġaġe taka tirek topġan kinmâ ġâhât yai.” <sup>48</sup>Yawu sâmi Yesuġe nenekmâ yuwu sâmi eknongop. “Hepne torehenlipne taka kinsai. <sup>49-50</sup>Yawu ġârâmâ yuwu sâwe. Awoġne himbim amboġahât tem lâum manmaiġeâmâ nâhât hepne torehenlipne bulâġe oai.” Yawu sâop.

**Hote alikġan hâum sâop.**  
(*Mareko 4:1-9; Luka 8:4-8*)

**13** <sup>1-3</sup>Otmâ sâp yanâk Yesu emelambâ yapâ lâum kioġmâ ġiop. Yawu otmâ ġem yan deġġân ġinġan ari tatbin. Yan tatmunġe lohimbi dondâġe taka mem hawam mewam tuhunenekbi. Mem hawamnongġetâ

yapâ pilâyekmâ wanğaen yâhâop. Wanğaen yâhâmu lohimbi takawi yaņe ginğan ge tatbi. Ge tatņetâmâ wanğaen kinmâ ikņe den pat yakât topņe den âlâen hâum yuwu sâm eknongomu nâņgâwin.

“Lok âlâņe hote alikņe mem hâilonņbe sâm newâņgen ariop. <sup>4-8</sup>Ari hote alikņe ya nombot nombot hâilonņmu giop. Nombotņe mem hâilonņmu mâtâwân ge talop. Yâhâ nombotņeâmâ mem hâilonņmu hân toņe biaen ge talop. Yâhâ nombotņeâmâ hele bâlêņe iowân giop. Yâhâ nombotņeâmâ tep tep kum hân mem âilonņgo loņgo tuhuwi yan ge talop. Yawu gârâmâ hote mem hâilonņmu âlâen âlâen giop yakât topņeâmâ yuwu. Nombotņe mâtâwân ge talop yamâ nâiņe taka kârâm nem metewi. Yâhâ nombotņeâmâ hân toņe biaen giop yamâ gihitņe kakņeâk pilâop. Yakât otmâ sikip kârikņe kumu yan in yawu mum hâlâlâņ sâop. Yâhâ nombotņeâmâ hewukņan me hele pato biwiņan giop yamâ âlepņe pururuk sâm teteop. Pururuk sâm tetemu hewukņaņe langumu derepgum gimbaņgumu orok sâop. Yâhâ nombotņe hân âilonņgoân giop yaņeâmâ pururuk sâm âilonņgo yahalop. <sup>9</sup>Nâņe den yan yu biwiyeņan katmâ nâņgâm heņgeņgunomai.” Yawu sâop.

**Topņe yuwuhât Yesuņe den âlâ me âlâen hâum sâop.**  
(*Mareko 4:10-12; Luka 8:9-10*)

<sup>10</sup>Otmu lohimbi ya kerehâk ariņetâ nenņiâk kinmâ Yesu yuwu sâm âikuwin. “Lohimbi yeņgât senyeņan kinmâ yan girawuhât gâņe den âlâen hâum sâm teteat? Yawu sârâ yâkņe nâņgâņetâ ki keteraksap. <sup>11</sup>Yawu sâm âikumunņe yuwu sâop. “Yenâmâ Anitâņe tihityeņe otmâ gamap. Yakât topņe ya yeņe tipiņe naņgai. Ya nâņgâņetâ keterahâkgât topņambâek sâm tetem ekyongoman. Yâhâ lok nombotņe Anitâ ki nâņgâwanņim pâlâmņe otmâ mansai yaņeâmâ Anitâņe tihityeņe otbe sâm oap ya ki ekmâ nâņgâņetâ keteraksap. Yawuhât yâkņeâmâ Anitâhât topņe nâņgâņetâ keterahâkgât den âlâen hâum sâman. <sup>12</sup>Yeņe emelâk Anitâhât topņe nâņgâne sâm biwiyeņe nâhâlen katbi. Yawuhât otmâ den âlâen hâum sâmunne âlepņe nâņgâņetâ topņe tetemap. Yâhâ nombotņe nâhât hâkâņ oai yaņeâmâ Anitâhât topņe nâņgâm tâpikguai. Yakât otmâ den âlâen hâum ekyongomune topņe ki nâņgâņetâ keterakmap. <sup>13</sup>Yawuhât poropete lok âlâ, kutņe Yesaia sâm, yâkņe emet inânņan den yuwu kulemuņop yakât bonņe yu teteap.

<sup>14</sup>“Lohimbi yu yeņgât topyeņe yuwu. Yâkņe biwi pâlâmņe otmâ nâhât den pat âilonņgo ya nâņgâņetâ tâņât oap.

<sup>15</sup>Yâhâ nâhât hâkâņ otmâ nâņgâm kâkâsuk otmâ kâhâeneksai. Yakât benņe biwiyeņe alitmâ nâhât topne ki nâņgâņetâ keterakyiņgiwuap. Yawu otmâ hiliwahonomai. Topyeņe yawu.”

<sup>16-17</sup>Yawuhât topne yuwu sâmunne nâņgâņet. Emelâk embâņan Anitâhât poropete lok otmu lohimbi nombotņe yâkât tem lâum manbi yaņe kulem

nâŋe mem mansan yu ekne sâŋ yakât mambotmâ gam inâk muwi. Otmu yakât dopŋeâk yâkŋe himbingât den pat nâŋe ekyongom mansan yu nâŋgâne sâŋ mambotmâ gam inâk muwi. Yakât otmâ den yuwu sâŋune nâŋgâŋet. Yeŋeâmâ sâp yiwereŋe yu nâ orowâk manmâ gam kulem topŋe topŋe ekmâ nâhât den nâŋgâm herone kakŋan mansai.

### Hote mem hâiloŋmu giop yakât topŋe

*(Mareko 4:13-20; Luka 8:11-15)*

<sup>18-19</sup>Otmu hote mem hâiloŋmu giop yakât topŋe yuwu sâŋ ekyongomune nâŋgâŋet. Lok âlâŋe hote mem hâiloŋmu mâtwân ge talop yakât topŋe yuwu. Yamâ lohimbî nombotŋaŋe nâhât den nâŋgâŋetâ ki keterakyiŋgimu manmai. Yawu manŋetâ Satanŋe den ya kum mem gulip tuhumap.

<sup>20-21</sup>Otmu hote mem hâiloŋmu nombotŋe hân toŋe biaen giop yakât topŋe yuwu. Lok yawuya nâhât den pat âlepŋe ekyongomune nâŋgâm herone otmâ manmai. Nâŋgâŋetâ kakŋeâk gem biwiyenjan gihitŋe kârikŋe ki memap. Yawu gârâmâ Anitâhât kasa takamai ya yekmâ kiŋgityenahât otmâ in yawu pilâmai. Me bukulipyenŋe nombotŋaŋe senyenjan geŋetâ yan lohotŋe otmâ pilâmai.

<sup>22</sup>Otmu hote mem hâiloŋmu nombotŋe hele biwiŋan giop yakât topŋe yuwu. Lohimbî nombotŋe den ekyongomune nâŋgâŋetâ bonŋe otmâ. Nâŋgâŋetâ bonŋe otmu sâp kâlep ki otmâek hângât iri sikum me senŋe âlâlâ ekmâ biwi nâŋgân nâŋgânyenjan yan hikum nâŋgâm manmai. Yawu manmai yakât otmâ biwi yâhâp otmâ manŋetâ manman âlepŋe ki teteyiŋgimâp.

<sup>23</sup>Yâhâ hote mem hâiloŋmu nombotŋe hân toŋe orowân giop yakât topŋe yuwu. Lok yawuyaŋeâmâ den pat âlepŋe nâŋgâm heŋgeŋgumai. Nâŋgâm heŋgeŋgum tiŋâk lâum manŋetâ manman âiloŋgo loŋgo teteyiŋgimâp. Yâk yengât topyenŋe yawu. Nâŋe hoteân hâum yan yamâ topnenŋeâmâ yawu.” Yawu sâop.

### Hote otmu kainde

<sup>24</sup>Otmu den âlâ torokatmâ sâop. Anitâŋe kasalipŋe in yawu ki yongom itit kiom tuhuyekbuap. Kasalipŋe orowâk oset guset otmâ manmâ yâhânôm yakât topŋe nâŋgânehât den âlâen hâum yuwu sâŋ eknongop. “Lok âlâŋe kalamâŋen ari hote mem hâiloŋmu giop. Hâiloŋmu gemu emetsâpŋe otmu âwurem kapiŋan ariop. <sup>25</sup>Âwurem kapiŋan arimu omoŋdâŋe kasaŋaŋe yok pilâm taka sait mewanggiop. Sait mewanggimu yaŋak kainde yaŋe hote orop oset guset teteop. <sup>26</sup>Yawu otmâ hote ya pururuk sâŋ tetemu kainde ya yawuâk pururuk sâowot. <sup>27</sup>Yawu tetemutâ nep ambonŋe yakât âi lok manbiŋe ekmâ yuwu sâŋ patoyenŋe ekuwi. “Lok pato, hote hâiloŋdâ pururuk sâop ya kainde yaŋe osetŋe tete pururuk



sâmu ekmunje ki ârândân oap.”<sup>28</sup> Sânetâ sâop. “Yakât topje nanġan. Kasanenġaġe toho âinenje mem bâleningiop.” Sâmu sâwi. “Yakât girawu nanġat? Yakât yiwereġe ari kainde harutmâ pilânom me bia?” Yawu sâwi.<sup>29</sup> Sânetâ sâop. “Yawu otmâ kaindeâk sâm hote nombotje harutmaiġât pilânetâ talâk.<sup>30</sup> Hâmbâi hânġânyongomune kainde otmu hote ya towatyetje ekmâ yan hindâm kâsikunomai. Kainde yamâ kâsikum panġetâ hâlâlân sâmu uġetâ sewuap. Yâhâ hote yamâ hindâm komot ikġiâk katġetâ tatbuap.” Yawu sâop.

### **Bândup yakât topje**

*(Mareko 4:30-32; Luka 13:18-21)*

<sup>31</sup> Yesuje nen biwinnenje Anitâhâlen katmunje tihitnenje oap yakât topje teteâġġât den âlâen hâum yuwu sâop.<sup>32</sup> “Nak âlâ kutje bândup yamâ lok âlâġe kehetje tipiġe âlâ mem ari kalamġan katbuap. Katmu yapâ kâmje ga taka yaġak yâhâm kâlep pato otmâ nak nombotje wangiyekmap. Yawu otmâ nâi wosapâ wosapâ yaġe menduhuakmâ ya awatje kun kunġan kerem tatmai.” Yawu sâop.

### **Matuk keluġe yakât topje**

<sup>33</sup> Otmu torokatmâ yuwu sâm eknongop. “Lok komotje komotje wosapâ wosapâ mansaiġe biwiyenje nâhâlen katmâ tem lâunihġetġât yeġe ari nâhât den pat âlepje ekyongonomai. Yakât topje teteâġġât den âlâen hâum sâmune nânġâġet. “Imbi âlâġe dâmbia golânġuwuap. Golânġumâmâ matuk mendâremu keluġe gemu dâmbia orop menduhumu ukenje bâleġe otbuap. Dop yawu.” Yawu sâop.

### **Yesuje den âlâ me âlâen hâum sâop.**

*(Mareko 4:33-34)*

<sup>34</sup> Yesuje lohimbi yawu sâm den âlâen hâum ekyongom gaop yamâ anġoân embânânâk poropete âlâġe den kulemguop yakât bonje yan teteop.<sup>35</sup> Otmu den yuwu kulemguop tap.

“Den topje topje Anitâġe anġoân ki sâm tetemu nânġâm gawiġak manmâ gawi. Ya yiwereġe yuâmâ nânġâġetâ keterahâġġât den âlâen hâum yakât topje ekyongowom.”

Yawu kulemguop. Den sâop yan bonje teteop.

### **Hote otmu kainde yakât topje**

<sup>36</sup> Yesuje lohimbi tatbi ya pilâyekmâ emelan yâhâop. Yâhâmu watmâ yâhâ yuwu sâm âikuwin. “Hote otmu kainde oset guset teteowot yakât topje sârâ nânġâne.” Yawu sâwin.<sup>37</sup> Sâmunje sâop. “Lok âlâġe hote mem hâilorġmâ ariop yakât dop yamâ Anitâġe nâ yu hânġânnohomu gewan.<sup>38</sup> Aiop, kalamġât sâop yamâ yen hânġan kulemġan mansai. Yâhâ hotehât sâop yamâ lohimbi Anitâhât

amutgen manñetâ tihityeñe otnap ya. Yâhâ kaindehât sâop yamâ nâhât den loñgâem betnihim manmai ya. Lohimbi kaindehât dop manmaiñeâmâ Satan orowâk bâlenomai. <sup>39</sup>Aiop, kasañe taka sait mewañgiop yamâ Satan. Yâhâ kalamân sot bonñe tetewuapgât sâm ekyongoan yamâ hâmbâi mâne sâp pato tetewuawân yakât bonñe tetewuap. Yâhâ âi lokliprañe kainde hindâm menduhum kâlâwân unomaihât sâm ekyongoan yamâ hâmbâi Anitâñe añelolipñe hângânyongomu ge lohimbi betnohomai ya aksihâk mem matñe bâleñe kâpekyiñginomai. <sup>40</sup>Yâhâ kainde hindâm kâlâwân pilâñetâ sewuapgât yan, ya bonñanâk tetewuap. Hâmbâi mâne Anitâñe yâhâpñe hângânnohomu gewom. <sup>41</sup>Gem añelolipne hângânyongowom. Hângânyongomune ari lohimbi orotmemeyeñe kiñgoñ otmâ manmai me bukulipyeñe otñetâ bâleâk sâm kendâyiñgimai komot yâhâp yâhâp ya mem matñe bâleñe kâpekyiñginomai. <sup>42</sup>Matñe kâpekyiñgim pilâyekñetâ hem nâpumân ge hâhiwin pato nâñgâmbisâi. <sup>43</sup>Yâhâ lohimbi nombotñañe Anitâhât den tem lâum manmai yâhâmâ awoññañe dâiyekmâ ikñe lañinñan katyekmu manman kârikñan mannomai. Den yuâmâ biwiyeñanâk katmâ manmâ yâhânomai. Yawu.” Yawu sâop.

#### **Lok âlâñe tewetsenñe hanguoñ yan hâum sâop.**

<sup>44</sup>Otmu torokatmâ den âlâen hâum yuwu sâop. “Anitâñe tihityeñe otmâ manman kârikñan katyekmu bonñe menomai yan hâum yuwu sâwe. Lok âlâñe tewetsenñe mem ari misiñgulop. Misiñgutmâmâ ikñe muop. Gâmâlâk mâneâmâ lok âlâñe taka tewetsenñe ya mem teteop. Mem tetem imbiâk nâhâitñe kombo miap sâm nâñgâmaiñetâ yuwu nâñgâop. “Yu kurihimune tatmu ari lok âlâhâlen senñe âlâlâ tatnihiap ya kerek puluhum yakât hâmeñambâ membomñeâmâ âwurem taka hân yu puluhuwom. Puluhum yanâmâ hân otmu tewetsenñe yâhâp yâhâp ambokuwom.” Yawu nâñgâop. Nâñgâop ya yawuâk olop. Hân otmu tewetsenñe ya puluhum yâhâp yâhâp ambokuop. Yâhâ dop yawuâk yeñe manman kârikñe yakât bonñe mene sâm senñe âlâlâ tatiñgiap yakât ki nâñgâñetâ yahatbuap. Yawu sâop.

#### **Pânu hâkñe yan hâum sâop.**

<sup>45</sup>Otmu yakât topñe nâñgâmunñe keterahâkgât torokatmâ âlâ yuwu sâop. “Anitâñe tihityeñe otmâ manman kârikñe yiñgimu yakât bonñe menomai yakât âlâen hâum sâwe. Bisinisi lok âlâñe pânu hâkñe âilongõ nandoroñe ya membe sâm pâinmâ ariwuap dop yawu ya. <sup>46</sup>Lok yañe pânu hâkñe ekmâmâ miakbe sâm ari iri sikum senñe âlâlâ tatbañgiap ya mem ari puluhuwuap. Otmu yakât hâmeñambâ membuap yañeâmâ âwurem ari pânu hâkñe ya puluhuwuap. Yawu.

#### **Itjan itâñe pilâñetâ giop yan hâum sâop.**

<sup>47</sup>Âlâku yawuâk torokatmâ sâwe. Anitâñe tihitnenñe otmâ menenekmâ manman kârikñan katnenekbuap yakât topñe âlâ yuwu sâwe. Otmu âi

lok nombotŋaŋe iŋan itâŋe pilâŋetâ gemu iŋan topŋe topŋe yakât kâlehen ge kutakulakmai. <sup>48</sup>Ge kutakulakŋetâmâ mem dâiŋetâ gamap. Mem dâiŋetâ gamu yan âlepŋe yamâ mem ketetmâ waŋgaen katmai. Yâhâ iŋan ki neneŋe yamâ pilâŋetâ arimap. Dop yawu. <sup>49-50</sup>Yawu gârâmâ hâmbâi sâp patoen yu yan yukât bonŋe tetewuap. Anjelolipne hâŋgânyongomune ge lohimi yeŋgât biwiyenŋe ekmâ mem kiwiliyekmâ bâleŋahât pat mansai yamâ meyekmâ matŋe umatŋe yiŋginomai. Yiŋgim kâlâp kâlehen panyekŋetâ ge hâhiwin hilâm ârândâŋ nâŋgâm yâhâmbisâi. Yâhâ âlepŋe mansai yamâ hâmeŋe âilongo yiŋginomai.” Yesuŋe den yawu sâm teteop.

### **Mosehât girem den otmu ikŋe den.**

<sup>51</sup>Den ya sâm tiŋ pilâm yuwu sâm âinongop. “Yen den yan yukât topŋe nâŋgâŋetâ keteraksap me bia? Sâmu yuwu sâwin, “Oŋ. yat ya naŋgain.” Yawu sâmunŋe sâop. <sup>52</sup>“Otmu yakât yuwu sâmune nâŋgâŋet. Mosehât girem den kâsikum ningimai ya yeŋgâlen gâtŋe âlâ me âlâŋe nâhât den yu nâŋgâmâmâ biwiyenŋe nâhâlen katmâ mannomai. Yakât topŋe nâŋgâŋetgât den âlâen hâum yuwu sâwe. Emet amboŋaŋe senŋe âlâlâ emelâk gâtŋe otmu âiŋe yâhâp yâhâp mem mansap yapâ mem bukulipŋe tânyongomap dop yawu. Ya nâŋgâŋetâ keterahâkgât yuwu sâmune nâŋgâŋet. Emelâk Moseŋe girem den ekyongop ya sâm tetemune topŋe naŋgai. Otmâ den yiwereŋe yan yukât topŋe naŋgai. Yeŋe den yâhâp yâhâp ya nâŋgâm Anitâhât topŋe kâsikum yiŋgim mansai yawu.

### **Yesu ikŋe kapi ambolipŋaŋe betbaŋgiwi.**

*(Mareko 6:1-6; Luka 4:16-30)*

<sup>53</sup>Yesuŋe den âlâen hâum sâm tiŋ pilâm menenekmu orowâk yahatmâ ariwin. <sup>54</sup>Yahatmâ ikŋe kapiân ariwin. Yan ari miti emetŋan yâhâ den kâsikum yiŋgiop. Den kâsikum yiŋgimu kapilipŋaŋe den ya nâŋgâŋetâ âlâ kândâkdâ otmu pârâk pilâm yahatmâ yuwu sâwi. “Bâe, lok yuâmâ nengâlen gâtŋe. Wosapâ ari kândiwahom nâŋgân nâŋgân topŋe topŋe yu mem taka kâsikum ningim kulem âlâlâ tuhum mansap? Yu ekmunŋe sâtŋe oap. <sup>55</sup>Ikŋe topŋe naŋgain. Âwâŋe Yosepŋeâmâ emet tuhum manmap. Yâhâ mâmâŋeâmâ nenŋan gâtŋe, kutŋe Maria. Otmu imilipŋe ya gurâ nâŋgâyiŋgiainâk, kutyenŋe. Yakowo, Yosep, Simon, Yurasi. <sup>56</sup>Otmu garilipŋe yawuâk.” Yawu sâwi. Topŋe kerek nâŋgâwi yakât otmâ den kâsikum yiŋgim manop ya nâŋgâŋetâ tâŋât otmu betguwi. <sup>57</sup>Yawuhât Yesuŋe yuwu sâm ekyongop. “Anitâhât poropetelipŋaŋe kapi hawamgum ari yâkât den kâsikum yiŋgiŋetâ nâŋgâŋetâ bulâŋe otmap. Yâhâ yâkŋe hep torehenlipyenŋe den kâsikum yiŋgiŋetâ nâŋgâŋetâ tâŋât otmap.” Yawu sâop. <sup>58</sup>Yesuŋe den kâsikum yiŋgimu nâŋgâŋetâ tâŋât olop yakât otmâ ikŋe kapi ambolipŋaŋe yâkâlen biwiyenŋe ki katbi. Yakât otmâmâ yâk yeŋgât hohetyenŋan kulem amon âlâek tuhuop.

**Yoane kujetâ muop.**

*(Mareko 6:14-29; Luka 3:19-20; Luka 9:7-9)*

**14** <sup>1</sup>Otmu sâp yanâmâ Galilaia yengât lok kunje âlâ manop, kutje Herot Antipa sâp, yâkneâmâ Yesuje âi âlâlâ mem manop yakât den pat nângâop. <sup>2</sup>Pat ya nângâmâmâ hoj bawalipnje yuwu sâp ekyongop. “Lok âlâ, kutje Yoane sâp, yâkne embânâmbâek topnje katmâ lohimbi toen mem katyekmâ gaop. Yâhâmâ tembe lâulipne hângânyongomune ari kujetâ muop. Muop yamâ yahatmâ kulem topnje topnje yu mem gap mon?” Yawu sâp ekyongop.

<sup>3</sup>Yâhâ Herotje sâmu Yoane kujetâ muop yakât topnje yuwu. Herot yet Pilip yamâ imi ata. Anjoân Pilipneâmâ imbi, kutje Herotia sâp, ya miop. Memu manmâ manmâ imbi yaŋe lokje hâkâj otmâ pilâmuâmâ kahaŋe Herot ya orop miahowot. <sup>4</sup>Yawu otmâ manmutâ Yoaneŋe yelekmu bâlemu yuwu sâop. “Nengât girem den kuawot ya ekmune dondâek bâleap.” Yawu sâop.

<sup>5</sup>Yawu sâp kuyitgimu yanâmâ Herotje kumune muâkgât nângâop. Yawu gârâmâ lohimbi injaŋe “Yoane yamâ Anitâhât poropete,” sâp nângâwanjinetâ yahalop. Yakât otmâ Herotje biwiŋaŋe yuwu nângâop. “Lok yu kumune muâkgât nanŋan. Yâhâ kumune mumbuap yanâmâ lohimbi sesengâlâkne nâhât nângâjinetâ dondâ gemu sâp bâlenihinomai. Yakât otmâ ki kumbom.” Yawu nângâm tembe lâulipne hângânyongomu Yoane sâhâm mem ari pâi emetjan katjetâ sâp kâlep yan tatmâ gaop.

<sup>6</sup>Otmu sâp âlâen Herotje teteop yakât herone otmâ sâp bukulipne nombotje taka menduhuakmâ sot um newi. Sot nem herone otjetâ yanâmâ baratyetjaŋe yahatmâ kep ândeop. <sup>7</sup>Kep ândemu Herotje ekmâ biwiŋe herone otmâ yuwu sâp ekuop. “Anitâhât senjan kinmâ sâmune nângâ. Gâŋe wuân me wuângât nângâm sârâ âlepeŋe gihiwom.” Yawu sâop. Yawu sâmu sururuk sâp ari mâmâŋe yuwu sâp ekuop. “Awoŋnaŋe iri sikum ikjambâ gâtje ya kâsikum nihiwomgât sâp nanŋap. Yakât otmâ wuân membomgât nanŋat?”

<sup>8</sup>Sâmu sâop. “Yoane yamâ kujetâ muâkgât nanŋan. Yakât otmâ enŋatje hârejetâ kunje mem ga tiripnohorâ ekbom.” Yawu sâp baratje hângângumu âwurem ari âwâŋe yuwu sâp ekuop. “Gâŋe tembe lâulipge ekyongorâ Yoane enŋatje hârem kunje kondoân katmâ mem ga nihijet.” Yawu sâp ekuop. <sup>9</sup>Yawu sâmu Herotje den ya nângâm biwiŋaŋe ki ârândâj olop. Yamâ benje emelâk Anitâhât senjan sâp kârikne tuhuop. Yakât otmâ bukulipjaŋe nângâwanjinetâ gemapgât den ya lauŋan miop. <sup>10-11</sup>Yawu otmâ tembe lâu âlâ hângângumu pâi emetjan yâhâ Yoane enŋatje hâreop. Enŋatje hârem kunje mem kondoân katmâ mem ge baratyetje waŋop. Waŋmu lâum mâmâŋahâlen ari tiripgumu ekmâ biwiŋe herone olop. <sup>12</sup>Yakât den pat ya Yoane hoj bawalipjaŋe nângâm lâum ari hanguwî. Lâum ari hangumâmâ den pat ya Yesu ari ekuwi.

**Lok 5,000 ya sot yingijetâ newi.**

*(Mareko 6:31-44; Luka 9:10-17; Yoane 6:1-13)*

<sup>13</sup>Yesuje den pat ya nângâm ikne kapi pilâm nen orowâk waŋga mem dengân ya hâtikgum lok biaengen ariwin. Arimunne lohimbi nombotŋaŋe kapi ya pilâm nen watnenekmâ dengân ginne watmâ ariwi. <sup>14</sup>Watmâ arijetâ waŋgaembâ kionmunne yanâk peneningiwi. Otmu lohimbi dondâŋe bukulipyenŋe mesek topne topne otbi ya meyekmâ takanjetâ Yesuje yekmâ weŋe nângâm heŋgemyongop.

<sup>15</sup>Yawu otmâmâ emetsâpne otmu yan yuwu sâmu ekuwin. “Emetsenŋe emelâk purik yap. Gârâmâ yu tain yu hâlânâmâ kapi tipi tapi âlâ ki tap. Yakât po yingimapgât gâ âlepne hâŋgânyongorâ yahatmâ kapiyenehen ari sot um nenomai.”

<sup>16</sup>Sâmunne sâop. “O yawu ki tap. Yeŋe sot kâsikum yingijetâ nen orowâk tatmâ neŋetgât nanŋan. <sup>17</sup>Sâmu sâwin. “Bâe, nenâmâ sot pato ki tatnŋiap. Baŋga kândâkdâmâ mome otmu iŋan yâhâp âlâ kârikne yawuâk tap.” Yawu sâwin.

<sup>18</sup>Sâmunne sâop. “Sot ya mem ga nihijet.” Yawu sâmu mem yâhâ waŋbin. <sup>19</sup>Waŋmunne lohimbi ekyongomu ge tatbi. Ge tatjetâ sot ya mem himbimân pak sâmu ekmâ Anitâ mepaem ekuop. Anitâ ekum mem ningimu ârândâŋâk kâsikum yingim ariwin. <sup>20</sup>Yingimunne neŋetâ dopyenjan olop. Dopyenjan otmu, nombotne talop ya hâwurum mânunmunne saka saka kâiân yâhâp pik sâop. <sup>21</sup>Otmu lok sot newi ya sâlikyongomunne 5,000 yakât dop olop. Yâhâ imbi naomlipyenŋe yamâ ki sâlikyongowin.

**Yesu to kakŋambâ tâlim takaop.**

*(Mareko 6:45-52; Yoane 6:15-21)*

<sup>22</sup>Sot nem pesuk pilânetâ Yesuje hâŋgânngom yuwu sâop. “Yeŋe waŋga mem kulet sâmu ba arijet. Nâŋeâmâ lohimbi yu hâŋgânyongomune arijetâ yengât betyenjan watyekbom.” Yawu sâop. <sup>23</sup>Yawu sâmu hâŋgânngom arimunne lohimbi ya gurâ yawuâk hâŋgânyongomu yahatmâ itonŋe galaŋ otmâ ariwi. Arijetâ ikŋiâk tatmâ Anitâ ulitguwe sâmu punŋan yâhâop. Punŋan yâhâ âwâŋe orop den otmutâ emet ŋiŋ sâop. <sup>24</sup>Emet ŋiŋ sâmu nenâmâ waŋga mem ari emelâk dengân tânâmgum tatbin. Tânâmgum tatmunne ariwinângembâ siru pato pilâm waŋga mem kopa kopa tuhuop.

<sup>25</sup>Yâhâ emet eŋgatne nâŋgâmu yan Yesuje to kakŋambâ takaop. <sup>26</sup>Takamu ekmâ tepnenne hindakmu hu halak tuhumi yuwu sâmu alahuwin. “O, yuâmâ weke mon takap.” Yawu sâmu kiŋitnenŋahât otmâ kâi bânneŋe sân sân sâop.

<sup>27</sup>Yawu otmunne yuwu sâmu eknongop. “Yen wongât otmâ kiŋityenŋahât otmâ kâi bâtyenŋe sân sân yap? Nâ ninak takan yukâ.” Yawu sâop.

<sup>28</sup>Yawu sâmu tepnenje welâmjan gemu Petoroŋe yuwu sâmu ekuop. “Gâ wuân lok mansat yakât topge nâŋgâwe. Sârâ nâku kioŋmâ to kakŋambâ gâhâlen gawe.” Yawu sâmu âikuop.

<sup>29</sup>Âikumu sâop. “Âlepŋe, kioŋmâ ga.” Sâmu kioŋmâ baop. <sup>30</sup>Bam to yaŋe dondâ bâleop ya ekmâ pârâk pilâm engat yâhâp otmâ yaŋak to kâlehen ge gulip otbe sâmu olop. <sup>31</sup>Yawu otmâ yuwu sâop. “Getek bânman me.”

Sâmu bânjan mem yuwu sâmu ekuop. “Gâ wongât engat yâhâp oat?” Yawu sâop. <sup>32</sup>Yawu sâmu mem yahatmu yanâk siru ya sânduk sâmu nâŋ nâŋ sâop. <sup>33</sup>Yawu otmu ekmâ biwinenjaŋe yuwu nâŋgâwin. “Bulânjanâk lok yuâmâ Anitâhât nenje mansap.” Yawu sâwin. Yawu sâmu yapâ orowâk ariwin.

### Yesuhât sâŋgum wâim âlepŋe otbi.

*(Mareko 6:53-56)*

<sup>34</sup>Dengân ya hâtikgum hân âlâ, kutŋe Genesaret sâmu, yan ari kioŋmâ wanja hikumunje kinop. <sup>35</sup>Hikumunje kinmu kapi ya ambolipŋe Yesu ekmâ nâŋgâwi. Ekmâ nâŋgâm den katŋetâ kapi tipi tapi hân ya hawamgum tatmâ arap ya ambolipŋaŋe nâŋgâwi. Nâŋgâm kundat, me mesek, me umatŋe topŋe topŋe teteyiŋgiop ya meyekmâ yâkâlen ariwi. <sup>36</sup>Meyekmâ ari Yesuŋe mem hengemyongoâkgât yuwu sâmu ulitguwi. “Lok pato. Nengâlen gâtŋe kundat me umatŋe topŋe topŋe teteyiŋgimu tatmai yu meyekmâ tohoain. Yawu gârâmâ sombemân menduhum katyekmunje gotyenanâk arirâ gâhât sâŋgum ya konok wâim yan âlepŋe otŋetgât nanŋain.”

Sâŋetâ sâop. “Den yai ya âlepŋe otŋet.” Yawu sâmu nombotŋaŋe sâŋgumŋe wâim yaŋak âlepŋe otbi.

### Launenŋaŋak ki mepaem mannom.

*(Mareko 7:1-13)*

**15** <sup>1</sup>Parisaio otmu Mosehât girem den kâsikum ningiminiwi hârokŋe tâmbâlipnenje yengât den lâum kinmâ sot nene sâmu bâtyeŋe piriakmâ sot mem neminiwi. Inâk ki newi. Lok yaŋe Yerusalem kapi pilâm Yesuhâlen ari yuwu sâmu âikuwi. <sup>2</sup>“Hoŋ bawalipŋaŋe tâmbâlipnenje yengât den kum bâtyeŋe ki pirim sot niai. Yawu otmâ sot inâk neŋetâ yekmunje dondâ bâleap.” Yawu sâwi.

<sup>3</sup>Sâŋetâ purik pilâyŋgim yuwu sâop. “Yenâmâ nimbilamyenje yâhâp. Anitâŋe den sâmu kalop ya kum yene nâŋgân nâŋgânân tetemap ya mem mete tuhumai. Yawu otŋetâ yekmune dondâ bâleap. <sup>4</sup>Yakât topŋe yuwu sâwe. Anitâŋe Mose ekumu kulemguoŋ yan girem den âlâ yuwu tap. “Yen âwâ mâmâlipyeŋe yengât nâŋgâyŋgim denyenje lâum manŋet.” Otmu âlâmâ yuwu tap. “Yen âwâ mâmâlipyeŋe den bâleŋe ki

hâiyeknomai. Me ki sâmbâleyinginomai. Yâhâ yengâlen gâtne âlâ me âlâne den yu kunomai yanâmâ mumuhât yongonomai.” Den yawu tap. <sup>5</sup>Yeŋe den ya kum mansai yakât sâwe. Yeŋe yuwu sâmai. “Lohimbi âlâ me âlâne âwâne mâmâne yuwu mon sâmbâkyotgonomai. <sup>6</sup>“Awoŋ, meŋ, sombo otdomawot yanâmâ sot me senŋe âlâlâ âlepne tânyotgowom.” Yawu sâmbâkyotgonomai. Yawu gârâmâ sombo otdomawolân yuwu mon sâmbâkyotgonomai. “Senŋe âlâlâ yuâmâ Anitâhât pat kuwan yakât otmuâmâ mem miti emetŋan ari katmunŋe tatbuap yakât yaŋe ki mem tânyotgowom. Inâk tatset.” Yawu sâmbâkyotgoŋetâ umatŋe kakŋan mandomawot. Nanlipeŋaŋe tewetsenŋe mem miti emetŋan katmai yakât nâŋgâŋetâ yahatmap. Gârâmâ Anitâneâmâ yawu yakât nâŋgâmu dondâ gemap. Yeŋe yawu otmâ yan Anitâhât den nâŋgâŋetâ nahat otmap. <sup>7</sup>Yen lok perâkŋe. Anitâne yengât topyeŋe tap yakât nâŋgâmu poropete Yesaia ekumu kulempuop ya yuwu tap.

<sup>8</sup>“Lohimbi yuŋe lauyeŋaŋak nâ mepaenekmai. Yâhâ biwiyenâneâmâ ki hikunekmai. <sup>9</sup>Yâkŋe lok senyeŋan kinmâ yeŋe engatyeŋeâk otmâ den sâmbânhâlen gâitmai. Yâhâ lauyeŋaŋak perâk perâk sâmbâorotmemeŋe yakâlâk nâŋgâŋetâ yahatmu nânhâlen gâitmai. Yawu.”

Den kulempuop yakât bulâne yengâlen teteap.” Yawu sâop.

### **Orotmeme yuŋe mem bâlenenekbuap.**

*(Mareko 7:14-23)*

<sup>10</sup>Yesuŋe yawu sâmbâlohimbiŋe yâkât gotŋan baŋetâ yuwu sâmbâkyongop. “Yuwu sâmbâmune nâŋgâmu biwiyenâ katŋet. <sup>11</sup>Yu me ya lauyeŋambâ neŋetâ tepyeŋan gemap yaŋeâmâ ki mem bâleyekmap. Yâhâ yu me ya nâŋgâmu nâŋgânyenâmbâ tetemu sâŋetâ lauyeŋambâ ga takamap. Yaŋeâmâ dondâ mem bâleyekmap.” Yawu sâop.

<sup>12</sup>Yawu sâmbâmu yuwu sâmbâekuwin. “Den yat ya Parisaio lok yaŋe nâŋgâŋetâ biwiyenâ hâumu nâŋgâmu bâlehihia.” <sup>13</sup>Sâmbâmunŋe sâop. “Awoŋne himbim amboŋaŋe âi lok ki katyekmap yamâ hâmbâi watyekbuap. <sup>14</sup>Yawu awoŋnaŋe Parisaio âi ki sâmbâyŋgiop. Yawuhât yeŋe yâk yengât nâŋgâmu ki gorâyŋgiâk. Parisaio yengât topyeŋe teteâkgât den âlâen hâum sâwe. Lok senyeŋe bok sâsâŋaŋak dâiakmâ mâtâp tâpikgum ari hemân kioŋnomai. Kioŋmâ hiliwahonomai.” Yawu sâop.

<sup>15</sup>Yawu sâmbâmu Petoroŋe yuwu sâmbâekuop. “Kutdâ, den âlâen hâum yat yakât topŋe sârâ nâŋgâne.” Yawu sâop. <sup>16</sup>Sâmbâmu sâop. “Bâe, haonmâ ârândâŋ den topŋe topŋe sâmbâman yamâ girawu otmâmâ kiâk nâŋgâŋetâ keterakmap? <sup>17</sup>Yeŋe sot lauyeŋambâ neŋetâ tepyeŋan gemap. Otmu yaŋak tetmâ pilâŋetâ wahap tâŋât otmap. <sup>18</sup>Yâhâ wahap bulâne yamâ biwi nâŋgâmu nâŋgânyenâ tatmap ya sâŋetâ lauyeŋambâ ga takamap. <sup>19</sup>Orotmememeŋe yuwu yaŋe umut biwiyenâ otmu nâŋgâmu nâŋgânyenâ

mem bâlemap. Nângâm bâleangimai. Me den hakoa orangimai. Me den belângen sahangimai. Me kombo miangimai. Me buku âlâhât imbi ekmâ otmai. Me lohimbi sihan enjaknâlemai. Me manman ihilâk mahilâk otmai. Karasuja me sait bâleŋe topŋe topŋe yawu otmai. Me den imbiâk biwiyenambâ tetemu den golâ gahaemai. <sup>20</sup>Yu sâm aran yuŋeâmâ biwiyenŋe mem bâlemap. Yâhâ bâtyenŋe pirim me ki pirim sot nemai yaŋeâmâ tâŋât oap.” Yawu sâop.

**Kanan gâtŋe, imbi âlâŋe Yesuhâlen biwiŋe kalop.**

*(Mareko 7:24-30)*

<sup>21</sup>Yesuŋe menenekmu kapi ya pilâm kapi yâhâp, kutyetŋe Tiro otmu Siron yan ariwin. <sup>22</sup>Yan arimunŋe kapi âlâ, kutŋe Kanan sâm, yan gâtŋe pâku imbi âlâ yaŋe Yesuhâlen taka yuwu sâm ulitguop. “Gâ Dawitihât sen, yuwu sâmune nâŋgâ. Weke bâleŋeŋe baratne mem mâŋgâemu mansap. Yakât gâŋe watdâ ariâkgât naŋgan.” Yawu sâop. <sup>23</sup>Yawu gârâmâ aŋgoân Yesuŋe Yura nengâlen gem tânnongoâkgât âi ya Anitâŋe sâm waŋop. Yakât otmâmâ den ya nâŋgâm ekmâ ki ekmâ yawu olop. Yawu otmu imbi yaŋe witgum âi pâi tuhum watnenekmu yanâmâ Yesu yuwu sâm ekuwin. “Kutdâ, imbi yu âi pâiâk tuhunenekmâ gamu ekmâ hâkân oain. Yakât otmâ gâku tânnongom ekurâ yapâek ariâk.” Yawu sâwin.

<sup>24</sup>Yawu sâmunŋe Yesuŋe imbi ya yuwu sâm ekuop. “Isirae lohimbi gulip malap mansai yaŋe Anitâhâlen biwiyenŋe kepeim manŋetgât ikŋak hâŋgânnohomu gewan. Pâku lohimbi yengâlen nep tuhuwomgât ki hâŋgânnohomu gewan.” Yawu sâm ekuop.

<sup>25</sup>Yawu sâmu yâku ulitgum yuwu sâop. “Gâŋe nâ yiwereŋeâk tânnohohât naŋgan.”

<sup>26</sup>Sâmu sâop. “Nengât orotmeme yuwu tap. Nan baralipnenŋe sot nem tatŋetâ yan sot lauyenambâ hindâm soso gotŋan ki pilâmain.”

<sup>27</sup>Sâmu sâop. “Lok pato, den yu nâŋgâmune bulâŋe oap. Gârâmâ nâŋe yuwu sâwe. Nan baralipyenŋe sot neŋetâ wahapŋe lauyenambâ gemap yamâ sosoŋe nemai.”

<sup>28</sup>Sâmu sâop. “Imbi, biwihŋe yawu nâŋgâm den yat ya nâŋgâmune ârândâŋ oap. Gikak naŋgat ya yawuâk tetehihiâk.” Yawu sâm ekuop. Yawu sâm ekumu yanâk weke bâleŋe gaiakbaŋgim ba ariop. Yâhâ imbi yaŋe emetŋan âwurem ari baratŋe ekmâ biwiŋe heronŋe olop.

**Kundat topŋe topŋe teteyiŋgiop ya Yesuŋe mem heŋgemyongop.**

<sup>29</sup>Yesuŋe menenekmu Galilaia dengân ya ginŋan ge pâku lohimbi yengât hân horatŋambâ ariwin. Ari pumŋe âlâen yâhâ tatbin. <sup>30</sup>Yâhâ tatmunŋe kapi ambolipŋe bukulipyenŋe umatŋe teteyiŋgiop ya dâiyekmâ nengâlen takawi yamâ yuwu. Nombotŋe senyeŋe bok sâsâŋe. Otmu ândâpyenŋe bok sâsâŋe. Otmu kâiyenŋe goŋ goŋe. Me bâtyenŋe



pareŋe. Me kopa. Me kundat topŋe topŋe teteyiŋgiop ya. <sup>31</sup>Dâiyekmâ takanjetâ Yesuŋe kerehâk heŋgemyongomu ekŋetâ âlâ kândâkdâ olop. Yawu otmâ Isirae nengât Anitâ mepaewi.

**Lok 4,000 ya sot yiŋgiŋetâ newi.**

*(Mareko 8:1-10)*

<sup>32</sup>Anitâ mepaerjetâ yanâmâ Yesuŋe sâmu yâkâlen bamunŋe yuwu sâm eknongop. “Lohimbi yu orowâk tatmâ gamunŋe hilâm kalimbu pesuk yap. Yawu gârâmâ sot miakmâ takawi ya nem pesuk pilai. Yakât otmâ tepne nâŋgâyiŋgian. Sot barahâk âwurem mâtâwân po yiŋgimu sen biri yiŋgimapgât inâk ki arinomial nangan.” Yawu sâop.

<sup>33</sup>Sâmu sâwin. “Yuâmâ lok ki manmaiâŋgen mansain. Yawuhât nen sot wosapâ mem yiŋgimunŋe neŋetâ dopyeŋan otbuap?” Yawu sâwin.

<sup>34</sup>Sâmunŋe sâop. “Yeŋgâlen wuân sot tap?”

Sâmu sâwin. “Baŋga kândâkdâmâ nombolân yâhâp, otmu iŋan getek âlâ.” Yawu sâwin.

<sup>35</sup>Yawu sâmunŋe Yesuŋe lohimbi ekyongomu ge tatbi.” <sup>36</sup>Ekyongomu ge tatŋetâ Anitâ mepaem baŋga otmu iŋan ya mem ningiop.

Ningiŋimu kâsikum yiŋgimunŋe mem newi. <sup>37</sup>Neŋetâ dopyeŋan otmu hâŋgânyongomu ariwi. Sot neŋetâ torehenŋe talop ya menduhum mânunŋmunŋe saka saka nombolân yâhâp pik sâop. <sup>38</sup>Yâhâ lok papato sâlikyongomunŋe 4,000 ya wangiop. Yâhâ imbi naom yamâ ki sâlikyongowin.

<sup>39</sup>Yesuŋe hâŋgânyongomu ariwi. Ariŋetâ nenâmâ waŋga âlâ mem kapi âlâ, kutŋe Maharan sâm, yaken ariwin.

**Yesuŋe kulem âlâ tuhuâkgât Parisaio otmu Sarukaioŋe ekuwi.**

*(Mareko 8:11-13; Luka 12:54-56)*

**16** <sup>1</sup>Otmu sâp âlâen Parisaio otmu Sarukaio nombotŋaŋe Yesuhâlen ari yuwu sâm âikuwi. “Anitâŋe hâŋgângohomu ge mansat sâmai. Ya perâk me bulâŋanâk. Yakât otmâ gâŋe sârâ himbimâmbâ kulem âlâ tetemu ekmâ topge nâŋgâne.” Yawu sâwi.

<sup>2</sup>Sâŋetâ sâop. “Bâe, yen kulemgât yai. Yawu gârâmâ kulem âlâlâ otmune topŋe ekmâ hâum pâpguai. Yakât otmâmâ âlâ otmune yawuâk hâum pâpgunomial. Yakât âlâen hâum sâwe. Emetsâpŋe otmu yan himbim topŋe palalaŋ sâm kuririŋgumap. Yawu otmuâmâ yuwu sâmai. “O, yuâmâ emet heŋgeŋguwe sâm oap. Me sikop otbe sâm oap.” Yawu sâmai.

<sup>3</sup>Yâhâ himbim topŋe ya helengumap. Yanâmâ yeŋe yuwu nâŋgâmai. “O, yuâmâ toŋgelâk otbe sâm oap.” Yawu sâmai. Yeŋeâmâ to yambu otmu sikop yakât topŋe ekmâ nâŋgâm heŋgeŋguai. Yâhâ nâŋe kulem âlâlâ memune eksai yakât topŋeâmâ girawuhât ki ekmâ nâŋgâm heŋgeŋguai?

<sup>4</sup>Yakât yâhâpŋe torokatmâ sâwe. Lohimbi yu yeŋgât topyeŋe teteâkgât

yuwuyaen hâum sâwe. Imbi nombotŋaŋe loklipyeŋe betyeŋehen kionŋmai yakât dopŋeâk yeŋeâmâ Anitâhât betŋehen kionŋetâ dondâ bâlemap. Yawuhât kulem âlâ memune ekne sâm yakât âinohoi. Yakât yuwu sâmunne nâŋgâŋet. Embânân poropete âlâ, kutŋe Yona sâm, yâkâlen kulem âlâ tetemu Niniwe kapi ambolipŋaŋe ekbi. Yakât dopŋeâk nâhâlen kulem âlâ tetemu eknomai.” Yawu sâop. Yawu sâmu waŋgaen yâhâm âlâengen ariwin.

### **Parisaio otmu Sarukaio yâk yeŋgât matuk keluŋe**

<sup>5</sup> Waŋga mem denŋân nombot hâtikgum ariwin yan nelâmâk otmâ sot barak ariwin. <sup>6</sup> Sot barak arimunŋe yakât otmâ Yesuŋe yuwu sâm eknongop. “Parisaio otmu Sarukaio yeŋgât matuk keluŋaŋe mem bâleyekmapgât galem oraŋginomai.” Yawu sâop.

<sup>7</sup> Yawu sâmu nenŋe yakât topŋe nâŋgâm pâpŋgum yuwu sâm alahuwin. “Sot ki mem takain. Yakât mon yap.”

<sup>8</sup> Yawu sâm alahumunŋe biwinenŋahât topŋe ekmâ yuwu sâm eknongop. Yen sotgâlâk biwiyenŋe katmâ den yan yukât topŋe ki nâŋgâŋetâ keteraksap. Yakât otmâ nâhâlen biwiyenŋe ki tiŋâk kepeiai. <sup>9</sup> Yakât nâŋgâmunne ki ârândân oap. Yenâmâ sotgâlâk nanŋgai. Yakât sâwe. Sot momeâk mem motokmâ lok 5,000 ya yingimunŋe neŋetâ dopyenŋan olop. Neŋetâ torehenŋe talop ya saka saka amon mem mânunŋetâ pik sâop? <sup>10</sup> Otmu sâp âlâen lok 4,000 ya gurâ baŋga nombolân yâhâp yaŋahâk yingimunŋe newi. Neŋetâ torehenŋe talop ya saka saka amon mem mânunŋetâ pik sâop? <sup>11</sup> Den ekyongoan yu nâŋgâŋetâ keterakyiŋgimbâp. Yâhâ yeŋe imbiâk nâhâitŋe “sotgât yap” sâm nâŋgânihia. Yakât yâhâpŋe sâmunne nâŋgâm heŋŋenŋuŋet. Parisaio otmu Sarukaio yeŋgât matuk keluŋe yaŋe mem bâleyekmapgât galem oraŋginomai.” Yawu sâop.

<sup>12</sup> Yawu sâm eknongomu nâŋgâmunŋe keterakmu yuwu sâwin. “O, yâhâmâ sotgât ki yap. Yâhâmâ Parisaio otmu Sarukaio yeŋgât den nâŋgâm lohotŋe otmaingât yap.” Yawu sâwin.

### **Petoroŋe Yesuhât topŋe sâm teteop.**

*(Mareko 8:27-30; Luka 9:18-21)*

<sup>13</sup> Yapâ yahatmâ, kapi âlâ kutŋe Kaisaria sâm, kutŋe âlâmâ Pilip sâm, yan ariwin. Yan arimunŋe Yesuŋe yuwu sâm âinongop. “Nâmâ Anitâŋe hâŋgânnohomu gewan. Yakât otmâmâ lohimbiŋe nâhât âlâ sâmai?”

<sup>14</sup> Sâmu sâwin. “Nombotŋaŋe gâhât yuwu sâmai. “Yoane Baptis emelâk kuŋetâ muop ya mumuŋambâ yahatmâ mansap,” yawu sâmai. Yâhâ nombotŋaŋeâmâ poropete âlâ, kutŋe Elea, emelâk himbimân yâhâop yaŋe purik sâm ge mansap,” yawu sâmai. Yâhâ nombotŋaŋeâmâ “Poropete âlâ, kutŋe Yeremia, me poropete âlâ mumuŋambâ yahatmâ mansap,” sâmai.” Yawu sâm ekuwin.

<sup>15</sup>Sâmunje sâop. “Yâhâ yejeâmâ nâhât âlâ sâmai?”

Yawu sâmu Petoro, kutje âlâmâ Simon sâm, yâkne yuwu sâop.

<sup>16</sup>“Anitâne hângângohomu ge mansat ya nângâmunje bulâne otnap. Yakât otmâ gâmâ yâkât nanje tâj tâj ya nanğain.”

<sup>17</sup>Sâmu sâop. “Simon, Yoane nanje, bukulipganje ekgohojetâ ki yat. Awojne himbimân tatmapne den yu biwihan katmu yat yakât Anitâne nângâhahimu âlepne oap. Yakât biwihe heroje otbuap. <sup>18</sup>Yâhâ gike kutgeâmâ Petoro, kut yukât topneâmâ “Kât” yawu tap. Gârâmâ nenje kât mem emet tuhumunje njiwiñ njiwiñ sâmap ya ki putuk sâm liwarakbuap. Yakât dopneâk lohimi nâhâlen ga torokatmai ya ki hiliwahonmai. <sup>19</sup>Yakât sâwe. Nâne mâmâne otgihimune lohimi yengât kunyeje manbuat. Yanâmâ yâkne otjetâ bâlemapgât gâne sâm kuyiñgiuwat nâku yawuâk kuyiñgiwom. Yamâ yâkne âlepne otjetgât sâm yingiwuat nâku yawuâk nângâwom.” Yawu sâop.

<sup>20</sup>Otmu yuwu sâm kuningiop. “Nâ bulânanâk Anitâne hângânnohomu gewan. Yakât otmâ lohimi ihilâk ki ekyongonmai.” Yawu sâop.

### **Petoroje Yesuhât mâtâp mañguwañgiwe sâm olop.**

*(Mareko 8:31–9:1; Luka 9:22-27)*

<sup>21</sup>Otmu sâp yan Yesu sâm bâlewañjim mem âlâlâ tuhunomai yakât tetekjan eknongop. “Topne katmâ Yerusalem kapiân yâhâmune yan Isirae nengât kunlipnenje, otmu Mosehât girem den kâsikum ningimai ya, otmu hotom umai yengât kunlipyene kerekne sâm bâlenihim mem âlâlâ tuhum nohojetâ mumbom. Mum yan hân kâlehen hilâm kalimbu tatbom. Yawu otmâ yañak mumuñambâ yahatbom.” Yawu sâm eknongop.

<sup>22</sup>Yawu sâm eknongomu Petoroje dâimu pereñ pilâm ba yetjâik kinmâ yuwu sâm ekuop. “Kutdâ, umatne topne topne otnihinomai sâm tat ya ki tetewuapgât nañgan. Bia kârikne.” Yawu sâop.

<sup>23</sup>Sâmu purik pilâm yuwu sâm ekuop. “Gâne mâtâp ki mañgunihi. Mâtâp mañgunihirâmâ Satanje tepne heroje otbuap. Gâne den yat yu Anitâne sâm nihiop ya ki lâuap. Yuâmâ logkât nângân nângân yat. Ya nângâmune ki ârândâñ oap.” Yawu sâop.

### **Manmannenje ki alitmâ manmâ yâhânom.**

<sup>24</sup>Yawu sâm ekum yañak purik pilâm yuwu sâm eknongop. “Lohimi âlâ me âlâne biwiyeje nâhâlen katmaiñe nâhâlen torokatne sâm yan yehâhât ki nângâñetâ yahatbuap. Me senje âlâlâ tatyñgiap ya biatningimâp sâm yakât ki nângâm ketet otmâ engat yâhâp otnomai. Nâhât den haonmâ ârândâñ nângâm tem lâunihim mannomai. <sup>25</sup>Yâhâ lok âlâ me âlâne manmanyene alilaknomai yamâ hiliwahonmai. Yâhâ lok âlâ me âlâne biwi nângân nângânyene nâhâlâk katmâ mannomai. Yawu otmâ manñetâ yongonetâ munomai yamâ Anitâne mumuñambâ

mem yahatyekbuap. <sup>26</sup>Yawu gârâmâ lok âlâ me âlânge senje âlâlâ, iri sikum me manman topnje topnje yan torokatmâ biwi nânġân nânġanyenje yan hikum munomai yaŋe mumuŋambâ yahatnomaihât dop ki tap. Yâhâ manman yawu yakât matnje âlepnje Anitânje yinġiwuapġât dop âlâ ki tap. Yakât yuwu sâmunne nânġânjet. <sup>27</sup>Hâmbâi sâp patoen Himbim Aworŋanje yâhâpnje hânġânnohomu anjelolipne meyekmune hânân genom. Gem yan manmanyenjahât matnje âlâku ikŋiâk ikŋiâk kâpekmâ yinġiwom. <sup>28</sup>Yen ki mum metenjetâek nâ lok bulânje mansanje galemnyeŋe otmâ yâhâwom.” Yawu sâop.

**Yesu, Mose, Elea den sâm alahuwi.**

*(Mareko 9:2-13; Luka 9:28-36)*

**17** <sup>1</sup>Yâhâ yakât kakŋan hilâm nombolân konok pesuk sâmu Yesuŋe Petoro, Yakowo otmu imiŋe Yoane ya yeŋeâk meyekmu nen katnenekmâ pumŋe âlâen yâhâwi. <sup>2</sup>Yan yâhâŋetâ Yesuhât kun kundenŋeŋe âlâ otmu ekbi. Otmu senŋeâmâ dewutâ senŋe gam irik irik sâmap yawuya teteop. Yâhâ sânġumŋeŋeâmâ kaok bolaŋ bolaŋ otmâ kâlâp kokotje laŋ laŋ sâmap yawuya olop.

<sup>3</sup>Sâp yanâmâ Mose yet Elea emelâk Anitânje meyelehop yaŋe yanâk pârâk sânsânâk tetemutâ orowâk den alahu gulahu otbi. <sup>4</sup>Den alahu gulahu otŋetâ Petoroŋe ekmâ Yesu yuwu sâm ekuop. “Kutdâ, kulem anġo teteap yukât yuwuya âlâ ki ekmain. Yu ekmunŋe âilonġo oap. Yawu gârâmâ gâŋe sârâ nânje selep kalimbu kumbomġât nanġan. Âlâmâ gâhât, âlâmâ Mosehât, âlâmâ Eleahât.” Yawu sâop.

<sup>5</sup>Yawu sâmu yanâk kulewoŋboŋ ge lâum kurihiyehop. Lâum kurihiyekmu yakât biwiŋambâ Anitânje yuwu sâop. “Bulânjanâk yuâmâ nine nanne ombe bisine. Nânje biwinaŋe yâhâk hikum tatman. Yakât otmâ den sâwuap ya yeŋe mem biwiyenjan katmâ tem lâuwangim mannomai.” Yawu sâop. <sup>6</sup>Yawu sâmu hoŋ bawalipŋeŋe nânġâm kinġityenjahât otmâ kun kundenyeŋe mem kurihiakmâ hânân ge pare pare iwi. <sup>7</sup>Yawu otŋetâ Yesuŋe gotyeŋan ba yuwu sâm ekyongop. “Ki kinġityenjahât otŋet. Yahatŋetâ arine.” <sup>8</sup>Yawu sâmu yahatmâ lok yâhâp ya yelekŋetâ bialop. Yawu otmâ Yesu ikŋiâk kinmu ekbi.

<sup>9</sup>Yaŋak pumŋambâ âwurem mâtâwânâk ge Yesuŋe yuwu sâm ekyongop. “Ewan pumŋan Mose yet Elea tetemutâ den oain yakât in yawu ki ekyongonomai. Hâmbâi nohoŋetâ mum yahatbom yakât kakŋanâmâ yu eksai yukât sâm tetem ekyongoŋetâ nânġanomai.” Yawu sâop.

<sup>10</sup>Yawu sâmu hoŋ bawalipŋeŋe Elea tetemu ekbi yakât nânġâm yuwu sâm âikuwi. “Mosehât girem den kâsikum ningimaiŋeâmâ yuwu sâmai. “Anġoân Eleaŋe yâhâpŋe tetemuâmâ Anitânje hânġangumu gewuap yâkât mâtâp mewanġiwuap.” Yawu sâmai. Yamâ girawuhât sâmai?”

<sup>11</sup> Sânetâ sâop. “Yamâ bulâjanâk yai. Elea yâhâpne tetem mâtâp yai ya heŋgeŋguwuap. <sup>12</sup> Yawu gârâmâ yai yakât nâŋe yuwu sâmunne nâŋgâŋet. Elea yamâ emelâk takaop. Takamu yeŋgât kunlipyeŋe ekmâ yâkât topne ki nâŋgâm kuŋetâ muop. Yâhâ Anitâŋe nâ hâŋgânnohomu gewan yawuâk nohoŋetâ mumbom.” Yawu sâop.

<sup>13</sup> Yawu sâmu nâŋgâŋetâ keterakmu yuwu sâwi. “O, yuâmâ Eleahâlen hâum kinmâ yap yamâ Yoaneŋe tetem toen mem katyehop yâkât yap.” Yawu sâwi.

**Yesuhât hoŋ bawalipŋe weke bâleŋe watne sâm hâum pâpguwi.**

*(Mareko 9:14-29; Luka 9:37-42)*

<sup>14</sup> Mâtâwân gem tatŋetâ yan lohimbi dondâŋe lok âlâhât nanŋe ya nengâlen dâim takaŋetâ tângune sâm hâum pâpŋum pilâwin. Yawu otmâ yakât den alahum kin tatmunŋe bukulipnenŋe pumŋehembâ ge peneningiwi. Peneningiŋetâ yan naom yakât âwâŋeŋe Yesu ekmâ gotŋan ga yuwu sâm ekuop. <sup>15</sup> “Lok pato, gâ ihilâk nannahât nâŋgâwâŋgi. Weke bâleŋeŋe nanne mem mâŋgâemuâmâ toen kioŋmap. Otmu senŋe gâwâŋ gâwâŋ sâm kâlâwân kioŋmu semap. <sup>16</sup> Yawuhât nâŋe dâim hoŋ bawalipŋeŋe sânetâ weke bâleŋeŋe yâkâlebâ gaiakmâ ariâkŋât sâmunne hâum pâpŋum pilai.” Yawu sâop.

<sup>17</sup> Sâmu Yesuŋe nenekmâ yuwu sâm eknongop. “Yen wongât nâhâitŋe ki tânngowuap yawu nanŋai? Yakât nâŋgâmunne ki ârândân oap. Nâ yen orop sâp kâlep manmâ yâhâwomgât dop ki tap. Yawuhât pilâyekmâ yâhâwom yan yeŋe girawu mannomai?” Yawu sâop. <sup>18</sup> Yawu sâm lok sihan yakât sâop. “Yen nâhâlen mem gaŋet.” Yawu sâop. Mem yâhâŋetâ weke bâleŋeŋe mâŋgâeop ya watmu gaiakmâ ba arimu yanâk âlepŋe olop.

<sup>19</sup> Âlepŋe olop yakât topne nâŋgâne sâm Yesu yuwu sâm âikuwin. “Yu topne girawuhât nenŋe weke bâleŋe ya watne sâm hâum pâpŋuain?”

<sup>20</sup> Sâmunŋe sâop. “Yen nâhâlen biwi nâŋgân nâŋgânyeŋe kepeim manmai mâne âlepŋe yuwu mon sâmbâi. “O, pumŋe enda huhuakmâ orotok sâm giâk.” Sânetâ âlepŋe huhuakmâ orotok sâm gembâp. Otmu âi nombotŋe tap ya âlepŋe torokatmâ membâi. <sup>21</sup> Yamâ weke bâleŋe watmunne ariap yaŋe kârikŋe bâleŋe. Yakât otmâ yeŋeâmâ den in sânetâ ki gaiakmâ ariap. Yâhâ weke bâleŋe yawuya ekmâmâ topne katmâ sot barak manmâ Anitâhâlen biwiyenŋe kepeim ulitŋuŋetâ denyenŋe nâŋgâm gaiakmâ ariuwuap.” Yawu sâop.

**Yesuŋe ikŋak mumbuap yakât sâop.**

*(Mareko 9:30-32; Luka 9:43-45)*

<sup>22</sup> Yawu sâmu nen kerehâk yapâ pilâm yahatmâ Galilaia hânângen ariwin. Ari Yesuŋe yuwu sâm eknongop. “Anitâŋe hâŋgânnohomu gewan

nâhât kasalipnaje nohojetâ mumbom. <sup>23</sup>Nohojetâ mum yan hilâm kalimbu hân kâlehen tatmâ mumuġambâ yahatbom yakât sâp tâlâhuap.” Yawu sâm eknongomu biwinnenġaje nâġġamunġe umatġe bâleġe olop.

**Miti emetġe yakât takesi kalowot.**

<sup>24</sup>Mâtâp ari Kapanaum kapi mewin. Kapanaum kapi mem Petorohât emet hawiġan ari kinmâ den alahuwin. Alahum kinmunġe lok nombotġe opon kâmbukġahât takesi meminiwi yaġe taka Petoro yuwu sâm âikuwi. “Yenġât patoyenġe opon kâmbukġahât takesi katmap me ki katmap?” Yawu sâm âikuwi. <sup>25</sup>Yawu sâġetâ Petoronġe sâop. “Oġ, yawu otmapġâ.”

Yawu sâmu emet kâlehen yâhâmunġe Yesunġe Petoro yuwu sâm âikuop. “Petoro, den yai yakât nâġġârâ girawu oap? Yuwu sâm âihohowe. Lok komot girawuyenġe tewetsenġe mem hâġġât lok kutdâ yinġim mansai? Hâġġât lok kutdâ ya yenġât bukulipyenġe me kasalipyenġe?” Yawu sâop.

<sup>26</sup>Sâmu sâop. “Bukulipyenġe kapi ambolipġenġe tewetsenġe ki katmai. Yâhâ kasalipyenġe mem ge katyekġetâ yâk yenġât amutyenġan mansai yâkġak tewetsenġe katmai.” Sâmu sâop. “Bonġanâk yat. <sup>27</sup>Yawu ġârâmâ nen Anitâhât komolân torokatmâ mansainġe opon kâmbukġan yâhâ takesi ki katnom yamâ âlepġe. Yakât denġe bia. ġârâmâ nâġġenġetâ bâlemapġât ġâġe netġât takesi yamâ yuwu tuhum katbuat. ġâġe inġan itâġe mem ari denġânân pilârâ ġiâk. Gemu yan anġoân inġan kionġbuap ya mem tepġe ġâim duhatbuat. Tepġe ġâim duhatmâ tewetsenġe yapâ mem tetewuat. Ya mem ari gike umut otmu nâhât umut katbuat.” Yawu sâop.

**Huruġ huruġ manmâ yâhânôm.**  
(*Mareko 9:33-37; Luka 9:46-48*)

**18** <sup>1</sup>Yawu sâm ekumu Yesu yuwu sâm âikuwin. “Sâp patoen Anitâġe tihitnenġe otmuâmâ orowâk manmâ yâhânôm yanâmâ nengâlen ġâtġe âlâ me âlâhât nâġġârâ kunnenġe manbuap?” Yawu sâm âikuwin.

<sup>2</sup>Yawu sâmunġe naom tipiġe âlâ gotnenġan kinop ya hâum tiripnongom yuwu sâm eknongop. <sup>3</sup>“Âinohoi yakât topġe yuwu sâmune nâġġenġet. Nimnaom titipâġe Anitâhât den nâġġâm in yawu biwiyenġe lâum yâkât komot otmai. Yakât dopġeâk otnomai yanâmâ Anitâġe âlepġe yen meyekbuap. Yâhâ yawu ki otnomai yamâ Anitâhât komolân torokatnomaihât dop âlâ ki tap. <sup>4</sup>Yâhâ nimnaom titipâġe yenjâhât nâġġenġetâ gemu huruġ huruġ manmai. Yakât dopġeâk yenġâlen ġâtġe âlâ me âlâġe yenjâhât nâġġenġetâ gemu huruġ huruġ mannomai. Lok yawuya yenġât nâġġâmune yahatbuap. <sup>5</sup>Yâhâ lok âlâ me âlâġe naom tipiġe yuwuya yakât nâġġenġetâ yahatmu buku otbaġġinomainġe nâ hoġ banihimai yakât dop oap.

**Otjetâ bâleâk sâam ki kendâyînginom.**

*(Mareko 9:42-48; Luka 17:1-2)*

<sup>6</sup>Yâhâ lok âlâ me âlâne nimnaom titipâ nâhât pat manmai ya yengât mâtâp manguyîngimai. Yamâ hâmbâi matje umatje menomai. <sup>7</sup>Den yan yakât torokatmâ âlâen hâum yuwu sâwe. Satanje yen kerek mem ge katyekbe sâam otmu yakât lohoteje otne sâam oai. Yakât tepne nanjan. Lohimbi âlâ me âlâne Satangât tem lâum yan, bukulipyene otjetâ bâleâkgât kendâyîngimai yakât matje Anitâne umatje yîngiwuap. Yawu.

<sup>8</sup>Yakât torokatmâ sâwe. Bulâne hârenomaihât ki sâwom. Topje nângânetgât den âlâen hâum sâwe. Lok âlâ me âlâ bâteyene me kâiyene otmâ hilipgunomai. Yawu otmâ hilipgum bâteyehât me kâiyehât tosa yakât otmâ umut biwiyene hem kâlâwân kionmapgât ya hârem pilânomai. Topje yuwuhât yan. Lok âlâ me âlâne dâiyekmu yu me ya otjetâ bâlemu hemgât pat otmahât ya pilâm biwiyene Anitâhâlen katnomai. Yawu otjetâ manman kârikje yîngiwuap. <sup>9</sup>Otmu yawuâk lok âlâ me âlâne senje nombot me nombot yaje orotmeme bâleje ekmâ biwiyene yan ariwuap. Biwiyene yan arimu yakât otmâ tâpikgum senyehât tosa yakât otmâ umut biwiyene hem kâlâpgât pat otmap sâam yakât âlâ gusuhutmâ pilânomai. Gusuhutmâ pilâm biwiyene Anitâhâlen katmâ yâkât tem lâum yâhânetâ manman kârikje yîngiwuap. Yawu.

**Lama âlâ gulip otbângimu ki pilâwuap yan hâum sâop.**

*(Luka 15:3-7)*

<sup>10</sup>Yâhâ nimnaom ya yengât âlâku sâamune nângânet. Anitâne aŋelolipje nombotje naom titipâ yu galemyongoŋet sâam âi yîngiop yajeâmâ yâkât senjan âilonŋo mansai. Yakât yeje naom titipâ yu yengât nângânetâ ki gewuap. <sup>11</sup>Yakât âlâ torokatmâ sâwe. Lohimbi yeje hem nâpumân ge hiliwahomaihât Anitâne yengât sâam hângânnohomu gewan. Yakât nâne mem kuwikyekmune manman âilonŋoân mannomai.

<sup>12-13</sup>Yakât den âlâen hâum yuwu sâamune nângânet. Lok âlâhât lama 100 yawu kinbângiai. Gârâmâ ya yengât hohetyenbâ konok âlâne misîngurakbuap. Yawu otmu amboŋane nombotje ya katyekmu kinjetâ konok misîngurakbuap ya pânâmâ yâhâm gewuap. Yawu otmâ nombotje katyekmu kinnomai ya yengât ki nângâm ketet otbuap. Yâhâ misîngurakbuap ya mem tetem yanâmâ tepje welâmŋan giâk sâam yakât otbuap. <sup>14</sup>Yakât dopjeâk awoŋne nan baralipje âlâ me âlâne hiliwahomaihât haonmâ ârândâŋ tihityene otmap.

**Orotmeme bâleje otninginomial yan yuwu otnom.**

<sup>15</sup>Otmu den âlâ yuwu sâamune nângânet. Bukuhe âlâne topje âlâlâ mângâehekmu mem dâirâ yok pilâm yetŋiâk alahuromawot. Alahumutâ

ârândâŋ otmu buku konok mandowawot. <sup>16</sup>Yâhâ bukuhaŋe gâhât den ki nâŋgâwuap otmuâmâ emelâk Moseŋe den yuwu kulemguop ya watbuat.

“Lok konokŋe ikŋiâk bukulipŋe âlâ me âlâhât topyeŋe teteâkgât sâŋ hâreyiŋgiwuapgât dop ki tap. Lok yâhâp me amon yaŋe denyeŋe sânomai ya lâuakmâ konok otbuap yamâ nâŋgâŋetâ bonŋe (otmap/otbuap).”

Den ya watmâ buku nombotŋe konok me yâhâp meyelekdâ gam yâkŋe heŋgeŋguromawot. <sup>17</sup>Yâhâ bukuhaŋe iliwetbuawâmâ Anitâhât komot yeŋgât senyeŋan heŋgeŋgunomai. Yâhâ yâk yeŋgât senyeŋan iliwetmâ denyeŋe ki nâŋgâwuawâmâ yuwu sâŋ ekunomai. “Gâmâ kunge kârikŋe otmâ iliwet tat yakât otmâ nen orop torokatdâ mannomgât dop bia.” Yawu sâŋ ekum watŋetâ ari manbuap.

#### **Den sâŋ hâreyiŋgine sâŋ angoân Anitâ âikum eknom.**

<sup>18</sup>Yuwu sâŋmune nâŋgâŋet. Bukulipyenŋe yu me ya âlepŋe otmai ya yeŋe ekŋetâ ârândâŋ otmap yawuâk Anitâŋe ekmu ârândâŋ otbuap. Yâhâ bukulipyenŋe otŋetâ bâlemapgât yeŋe kuyiŋginomai ya yawuâk Anitâŋe mâtâp maŋguyiŋgiwuap. Yawu.

<sup>19</sup>Otmu torokatmâ sâwe. Yeŋe menduhuakmâ lok âlâhât den sâŋ hârewaŋginomai yan biwyeŋe konok otmu Anitâ âikuŋetâ topŋe mem tetekŋan tuhumu nâŋgânomai. <sup>20</sup>Otmu nâŋe yeŋgât hohetyenŋan kinmâ howeyekbom. Howeyekmune yakât topŋe nâŋgâm heŋgeŋgum den sâŋ hârewaŋginomai. Otmu Anitâŋe gurâ yawuâk hârewaŋgiwuap. Yawu.” Yawu sâop.

#### **Nenŋe lohimbi otyiŋgim mannom yakât dopŋeâk Anitâŋe otningiwuap.**

<sup>21</sup>Sâmu Petoroŋe yuwu sâŋ âikuop. “Kutdâ, bukune âlâŋe orotmeme kiŋoŋ maŋgâenekmu tosa pilâwaŋgimune amon otmu yan pesuk sâwuap? Nombolân yâhâp otmu yan pesuk sâwuap me? Me ya wangim torokatmâ yâhâwuap?” Yawu sâŋ topŋe nâŋgâwehât âikum nâŋgâop.

<sup>22</sup>Sâmu sâop. “Yawu bia. Ihilâk, gâŋe tosaŋe pilâwaŋgim yâhâwuap. <sup>23</sup>Yakât yuwu sâŋmune nâŋgâ. Anitâŋe tihityeŋe otmâ den sâŋ hâreyiŋgiwuap. Yakât topŋe teteâkgât lok kutdâ orotmemeyenŋan hâum sâwe. Yâkŋe ikŋe âi loklipŋe yeŋgât tosa tatyŋgiop ya mem âwureŋet sâŋ ekyongop. Ekyongomu tatyŋgiop ya amboŋan amboŋan yâkâlen ba sâŋ tetewi. <sup>24</sup>Otmu angoân gaop yâkât tosa pato, yakât dowâmâ 13 milion kina yakât dop. <sup>25</sup>Yâhâ lok yaŋe tewetsenŋe ki tatbaŋgiopgât otmâ ya kâpekbâpgât dop bia. Yawu gârâmâ lok kutdâŋe yuwu sâŋ ekuop. “Gâ, imbihe naomge âi tuhumi tewetsenŋe mem dâinomai yamâ nâhâlâk sâp ârândâŋ katmâ yâhânomai.” Yawu sâop. <sup>26</sup>Yawu sâmu lok yaŋe yuwu nâŋgâop. “Nenŋe âi yu girawu torokatmâ hâhiwin kakŋan tuhumi manmâ yâhânom. Yawu gârâmâ kâpekbomgât dop âlâ ki tap,



bia kârikje.” Yawu nângâm lok kutdâ ya yuwu sâam ulitguop. “Yawu gârâmâ gâ nengât tepge nângâningi. Hâmbâi mâtâp teteningimu âlepje kâpeknom. Yakât ki hâwât hâwâlâk kendâningiwuat.” Yawu sâop. <sup>27</sup>Yawu sâam ulitgumu ekmâ tepje nângâm tosaŋe ya pilâwaŋgiop.

<sup>28</sup>Yawu gârâmâ âi lok yaŋe bukuŋe âlâ mem teteop. Otmu bukuŋahât tosa yamâ 10 kina yawuya tatbaŋgiop. Mem tetem tosaŋe kâpehâkgât ekuop. <sup>29</sup>Ekumu yuwu sâam ulitguop. “Gâ tepge nângânihim tipiŋe mambotdâ yan kâpekbom.” Yawu sâop. <sup>30</sup>Yawu sâop ya ki nângâm pâi emetŋan mem katmu talop. Yan tatmu yuwu sâam ekuop. “Gâ yuânâk tatdâ hep torehenlipgaŋe tewetsenŋe gihinetâ pâi emetŋe puluhum gewuat.” Yawu sâop.

<sup>31</sup>Yawu otmu âi lok yakât bukulipŋaŋe nângâm bâlewaŋgim patoyeŋe ekuwi. <sup>32</sup>Ekunetâ den ya nângâm olop amboŋe ya kunmu gamu yuwu sâam ekuop. “Gâ lok bâleŋe. Anŋoân tosahe ya kâpekbâtgât dop. Yamâ nâŋe tosahe pilâhihiwan. <sup>33</sup>Gâku yawuâk bukuhahât tosa ki pilâwaŋgiat yakât nângâmune umatŋe oap.” Yawu sâop. <sup>34</sup>Otmu biwiŋaŋe nângâmu umatŋe otmu mem pâi emetŋan katmâ hâhiwin pato ya torokatmâ waŋetgât tembe lâulipŋe ekyongop. “Lok yu wawi oap yakât hâhiwin waŋetâ ârândâŋ otbuap.” Yawu sâam ekyongop. <sup>35</sup>Yakât topŋe yuwu tap. Bukulipyenŋe mem âlâlâ tuhuyekŋetâ tosa ki pilâyinŋinomai. Yamâ Himbim Awoŋnenŋaŋe yen gurâ yawuâk tosa ki pilâyinŋiwuap.” Yawu sâop.

### Lokŋe imbiŋe ki pilaknomai.

(Mareko 10:1-12; Luka 16:18)

**19** <sup>1</sup>Yesuŋe den ya sâam pesuk pilâm menenekmu yapâ yahatmâ Galilaia hân ya pilâm yaŋak Yoran to hâtikgum Yuraia hânângen ariwin. <sup>2</sup>Arimunŋe lohimbî dondâŋe denŋe nângâne sâam betnenŋan watnenekmâ ariwi. Yan watnenekmâ ariŋetâ yâkŋe lohimbî dondâ hengemyongop.

<sup>3</sup>Otmu Parisaio lok nombotŋaŋe taka “Den girawuyaen hâum sâmunŋe yan matŋe sâam tâpikgumu den âiân katne,” nângâm yuwu sâam Yesu âikuwi. “Mâtâp girawu tap? Lok âlâ me âlâŋe yeŋe enŋatyenŋeâk otmâ imbilipyenŋe pilâyeknomaihât mâtâp tap me bia?”

<sup>4</sup>Sâŋetâ sâop. “Yen Anitâhât den nângâmai me bia? Den yamâ yuwu tap. “Anitâŋe topŋe katmâ hân himbim kândikyotgom yan lohimbî yâhâp katyelehop. <sup>5</sup>Katyelekmâ yan den yuwu sâam ekyotgop. “Lok âlâ me âlâŋe âwâŋe mâmâŋe pilâyelekmâ imbiŋâit mandomawot.” Den yawu tap.

<sup>6</sup>Yakât otmâ ki hionjakmâ ikŋiâk ikŋiâk otdomawot. Anitâŋe menduhuyelekmu konohâk olowot. Yakât otmâ lok âlâ me âlâŋe ki hionyeleknomai.” Yawu sâop.

<sup>7</sup>Sâmu sâwi. “Ya âlepŋe yat. Gârâmâ Moseŋe girem den âlâ yuwu kulemgup tap.

“Lok âlâ me âlâŋe imbiŋe pilâwe sâm âlepŋe pilakdomawot yakât topŋe kulemgum waŋmu miakmu watmu ariwuap.”

Yawu tap. Otmu Moseŋe ya otnomgât âlepŋe sâop. Gâŋe den yat yuŋeâmâ Mosehât den ya orop ki lâuaksawot. Yakât otmâ nâŋgâmunŋe ki ârândâŋ oap.” Yawu sâwi.

<sup>8</sup>Yawu sâŋetâ Yesuŋe Moseŋe den sâop yakât yuwu sâm ekyongop. Moseŋe girem den yawu kulemgup yamâ kuyiŋiwehât nâŋgâm ki kulemgup. Yeŋgât tâmbâlipyenŋe biwiyeŋe kârikŋe otmu yeŋahâlâk nâŋgâm manminiwi yakât kulemgup. Yâhâ kândikum yawu ki otbi. <sup>9</sup>Yakât otmâmâ nâŋe yuwu sâmune nâŋgâŋet. Lok âlâhât imbiŋe mâtâp ki tâpikgum manmu lokŋe imbiâk pilâm ba imbi ondop membuap. Yamâ lok yaŋe tosa umatŋe membuap.” Yawu sâop.

<sup>10</sup>Yesuŋe yawu sâmu nenŋe yuwu sâm ekuwin. “Nengât orotmeme yuwu tap. Lohimbi imbiâk hioŋakmâ mansai. Yawu oraŋgimaihât nâŋgâm lok yawuyenŋe imbi barak mannomai.” Yawu sâwin.

<sup>11-12</sup>Sâmunŋe sâop. “Lok kerekŋe imbi barak mannomaihât dop ki tap. Nombotŋe mâmâlipyenŋe yeŋgât tepyeŋambâ pâlâmŋe mannomaihât yawu tetemai. Nombotŋeâmâ imbi memai sâm mâtâp maŋuyiŋimai. Yâhâ nombotŋeâmâ Anitâhât nep yakâlâk nâŋgâm tiŋ tiŋâk mem mannom nâŋgâm imbi barak manmai. Yakât Anitâŋe nâŋgâmu ârândâŋ otmap. Otmu lok nombotŋe den yu biwiyeŋe ekmâ topŋe nâŋgâm yâhâŋetâ ârândâŋ otbuap.” Yawu sâop.

### **Yesuŋe nan baralipyenŋe lukuleyehop.**

*(Mareko 10:13-16; Luka 18:15-17)*

<sup>13</sup>Otmu sâp yanâmâ lohimbi nombotŋe nan baralipyenŋe meyekmâ Yesuhâlen ariwi. Ari Yesuŋe kunyeŋan mem Anitâ ulitgumu lukuleyehâkgât ekuwi. Yawu otŋetâ nenŋe yekmunŋe ki ârândâŋ otmu kuyiŋiwin. <sup>14</sup>Kuyiŋimunŋe Yesuŋe nenekmu ki ârândâŋ otmu yuwu sâm eknongop. “Kâmbukŋe, ki kuyiŋiŋet. Anitâŋe nimnaom titipâ yu yeŋgât tihityenŋe otmap. Yakât otmâ dâiyekmâ nâhâlen gaŋet. Yeŋe kuyiŋiŋetâ ekmune ki ârândâŋ oap. <sup>15</sup>Yawu sâm Anitâ ulitgum kunyeŋan memu yaŋak kapi ya pilâm âlâengen ariwin.

### **Lok iri sikumyeŋe pato tatyŋgiap yâk yeŋgât topyeŋe.**

*(Mareko 10:17-31; Luka 18:18-30)*

<sup>16</sup>Sâp âlâen lok âlâŋe Yesuhâlen taka yuwu sâm âikuop. “Kutdâ, nâŋe âlâ girawu otmune ârândâŋ otmu yanâmâ Anitâŋe manman kârikŋahât pat kunihiwuap?”

<sup>17</sup>Sâmu sâop. “Gâ wongât yakât âinohoat? Yakât amboŋe yamâ Anitâ konok. Gâ yu me ya âlepŋeâk otbehât naŋgat otmuâmâ girem den hârohâk nâŋgâm lâuwuat.

18 Sâmu sâop. “Girem den girawuya?” Sâmu sâop. “Mosehât girem den yukât yan.

“Gâ lok nombotŋe ki yongorâ munomai. Me buku âlâhât imbi ki ekmâ otbuat. Me kombo ki otbuat. Me hâkyeŋan ki sâwuât. Me den perâk ki sâm kâityongowuat.

19 Gâ âwâhe mâmâhe yetgât lauyetŋe lâum amutyetŋan manbuat. Otmu nenŋahât nanŋanŋimunŋe yahatmap yakât dopŋeâk buku nombotŋe yeŋgât nânŋâmunŋe yahatbuap.” Yawu tap. nânŋâmat yawuâk buku nombotŋe tânyongowehât nânŋâwuât. Yawu.”

20 Sâmu sâop. “Girem den yu sâm arat yamâ otmanâk hârok. Orotmeme girawuya ki otman ya otbom yanâmâ Anitâŋe manman kârikŋahât pat kunihiwuap?” Yawu sâop.

21 Sâmu sâop. “Senŋe âlâlâ pato tatgihiap yamâ mem buku nombotŋe umburuk mansai ya yinŋiwuât. Yawu otdâmâ Anitâŋe manman kârikŋahât pat kuhihiwuap. Yawu otmâ nâhâlen torokatdâ orowâk arinom.” Yawu sâop.

22 Yawu sâmu iri sikum me senŋe âlâlâ pato tatbaŋgiop yakât nânŋâmu biwiŋe umatŋe otmu, Yesuŋe sâop ya ekmu hâi hâiŋe otmu pilâm âlâengen ba ariop.

23 Ba arimu Yesuŋe yuwu sâm eknongop. “Yuwu sâmune nânŋâŋet. Lok iri sikum pato tatyinŋiap yaŋeâmâ Anitâhâlen torokatne sâm otŋetâ hâi hâiŋe otmap. 24 Yakât otmâ den âlâen hâum sâmune nânŋâŋet. Pusŋe seloŋ watmu pin pinŋan arimu yan watmâ bawe sâm hâum pâpŋumap. Yakât dopŋeâk lok iri sikumyeŋe pato tatyinŋiapŋe Anitâŋe tihityeŋe olâkgât mâtâp ya watmâ arine sâm otŋetâ hâi hâiŋe otbuap. Lok nombotŋe iri sikum pato tatyinŋiapŋe yeŋahâlâk nânŋâmai. Lok yawuyaye himbimân Anitâhât gotŋan ki yâhânomai.” Yawu sâop.

25 Yawu sâmu nânŋâmunŋe sâtŋe otmu yuwu sâwin. “Âo, yu yat yuâmâ lok girawu yaŋeâmâ himbimŋat pat otbuap?”

26 Yawu sâmunŋe Yesuŋe sennenŋe topŋan dâŋâk nenekmâ yuwu sâop. “Anitâhât manman kapiân arine sâm loggât nânŋân nânŋânân arinomaihât dop ki tap. Yamâ Anitâ konokŋe nânŋâningimap. Yakât otmâ yeŋe yu me ya otne sâm Anitâhât nânŋân nânŋânân watmâ otnomaihât dop tap. Yâkŋe konok manman kârikŋe ya yinŋimu mem manmâ yâhânomai.” Yawu sâop.

27 Yawu sâmu Petoŋe yuwu sâm âikuop. “Bâe, nenâmâ senŋe âlâlâ kerek betbaŋgim gâhâlen torokatmâ hâhiwin kakŋan manmain. Yakât nenŋe girawu menomgât nanŋat?” Yawu sâop.

28 Sâmu sâop. “Hâmbâi sâp pato tetewuawân Anitâŋe yâhâpŋe nâ hânŋânnohomu âwurem gewom. Yanâmâ âi sâm nihiop yakât bulâŋe tetenihiwuap. Yawu gârâmâ yeŋe nâhâlen torokatmâ manmai yamâ nâ orowâk tatnomai. Tatmâmâ Isirae lok komot kâiân yâhâp mansai

yengât topyeje ya sâm tetenom. Otmu yejeâmâ kunlipyeje otmâ galemयोगom mannomai. <sup>29</sup>Yakât otmâ yuwu sâmune nângânet. Lohimbi âlâ me âlâje âwâ mâmâlipyeje, me imi garilipyeye, me senje âlâlâ siminje tatyîngimap ya aksihâk pilâyekmâ lohimbi kerekje nâhât den nângânetgât nâhât komolân torokatmâ tânyongonomai yâhâmâ nâ orowâk konohân tatnom. Tatmunje yakât matje âlînggo yîngimune menomai. <sup>30</sup>Yâhâ lohimbi nombotjeje yehâhât nângânetâ yahatmap ya Anitâ orop ki tatnomai. Yâhâ nombotnaje yehâhât nângânetâ gemu huruj huruj manmai ya Anitâje meyekmu ikjan torokatnomai.” Yawu sâop.

**Anitâhât hoj bawangimunje yakât hâmeje ningiwuap.**

**20** <sup>1</sup>Yesuje den âlâ yuwu sâm eknongop. “Anitâhât hoj bawangijetâ yakât hâmeje yîngiwuap yakât topje nângânetâ keterahâkgât den âlâen hâum yuwu sâmune nângânet. Lok kuldâ âlâhât hân pato tatbangiopje omojanâk nep tuhujet sâm kapiân yâhâ nep lok meyehop. <sup>2</sup>Lok meyekmâ, “Âi tuhonomai yakât hâmeje kina konok konok yîngiwom,” sâmu nângânetâ âlepje otmu yahatmâ ari nep tuhuwi.

<sup>3</sup>Yawu otmâ omojanâk 9 kilok otmu yan lok nombotje âlâ meyekbe sâm kapiân yâhâop. Yâhâ hilâm im tatbi ya yehop. <sup>4</sup>Yekmâ yuwu sâm ekyongop. “Yen ari nâhât nep kâmetjetâmâ yakât hâmeje kina konok konok yîngiwom.” Yawu sâm ekyongomu ari nep tuhuwi. <sup>5</sup>Nep tuhum tatjetâ 12 kilok olop yan nep lok nombotje âlâ meyekmu nep tuhuwi. Yâhâ 3 kilok otmu nep nombotje âlâ ya gurâ meyekmu nep tuhuwi.

<sup>6</sup>Nep tuhum tatjetâ emelâk emetsâpje olop. Emetsâpje otmu nep lok nombotje âlâ meyekbe sâm kapiân yâhâop. Yâhâ yekmâ yuwu sâm âiyongop. “Wongât otmâ konam im tai?”

<sup>7</sup>Sâmu sâwi. “Lok âlâje âi tuhujet sâm ki sâm ningiap. Yakât otmâ hilâm im tain.”

Sânetâ sâop. “Yen yahatmâ ari nâhât âi tuhujet,” sâop. Yawu sâmu ari nep tuhuwangiwi.

<sup>8</sup>Nep tipije tuhujetâ emetsenje potok sâmu nep ambonaje yahatmâ nep loklipje yengât galem ya yuwu sâm ekuop. “Lok âi miai ya ekyongorâ ga hâmeje mejet.” Yawu sâm ekuop.

Aiop, galem yaje nep loklipje ya ekyongomu ganjetâ bâije meyehop yâk yengâlebâ topje katmâ tewetsenje yîngiop. Yîngim arim arim aŋgoân meyehop ya bâije yîngiop. <sup>9</sup>Yawu otmâ lok emetsâpje taka âi mewi ya kina konok konok yîngiop. <sup>10</sup>Yawu otmu aŋgoân takawi yaje yekjetâ bâlemu yuwu nângâwi. “Nenje sâm omojanâk taka âi topje katsain. Yakât otmâ tewetsenje pato membâmgât dop.” Yawu nângâwi. Yawu nângâwi yamâ aŋgoân takawi me betjan takawi ya hârohâk dop konohâk yîngiop. <sup>11</sup>Dop konohâk yîngimu yakât tepyejan

tâlimu nep ambojahât dondâ nângâm bâlewanġim yuwu sâm ekuwi. 12“Lok nombotņe emetsâpņan meyekdâ takai. Yâhâ nenâmâ omoņânâk menenekdâ nep tuhumunņe sikopņe irik irik sâm dondâ nongoap. Yakât otmâ bâleain. Yawuhât girawu otmâ gâņe mem ge katnenekmâ emetsâpņe takai ya orop dop konohâk ningiat? Yakât nângâmunņe dondâ bâleap.” Yawu sâwi.

13Yawu sâņetâ nep ambojaņe lok hohetyeņan kinmâ sâop ya yuwu sâm ekuop. “Buku, nâņe ki otmâ tâpikġuan. Meyeksan yan kina konok konok yingiwom sâmunne nângâņetâ ârândâņ oap. 14Yakât otmâ yingian yu miakmâ ariņet. Nâņe yen yingian otmu bânņe takai ya yingian yuâmâ nine eņgatneâk watmâ yingian. 15Nâņe tewetsenņe yu kâsikum yingian yamâ nâhât wahap. Yeņe ki galemnohoai. Yakât otmâ yeņe nângâm bâlenihiai yakât nângâmune ki ârândâņ oap.” Yawu sâop.

16Yakât otmâ yuwu sâmunne nângâņet. Sâp yiwereņe nâhâlen biwiyenjaņe kepeim hoņ banihiai. Otmu sâp âlâen komot topņe topņe yaņe nâhâlen biwiyenjaņe kepeim hoņ banihinomai. Yen me yâk hârohâk hâmeņe dop konohâk menomai. Gewe yâhâwe bia. Yen kerekņe manman kârikņan arinomai. Yawu.” Yawu sâop.

**Yesuņe mumbuap yakât sâm hoņ bawalipņe ekyongop.**

*(Mareko 10:32-34; Luka 18:31-33)*

17Yesuņe Yerusalem kapiân yâhâwe sâm nen hoņ bawalipņe menenekmu orowâk yâhâwin. Mâtâwân yâhâm tatmâ Yesuņe yuwu sâm eknongop. 18“Yuwu sâmunne nângâņet. Yiwereņe Yerusalem kapiân yâhânom. Yan yâhâmunņe lok âlâņe nângâm bâlenihim hotom umai otmu Mosehât girem den kâsikum ningimai ya yeņgât bâtyeņan katnekbup. Bâtyeņan katnekmu den âiân katnekmâ mumbomġat den sâm hârenihinomai. 19Den sâm hârenihim Roma lok yeņgâlen katneķetâ yâkņe yuwu otnihinomai. Sennan gem, tâpnohom, mem âlâlâ tuhunekņetâ hâhiwin pato nângâwom. Otmu benņe howanân nohoņetâ mumbom. Mumune hannohoņetâ hilâm kalimbu pesuk sâmu yakât kakņan mumuņambâ yahatbom.” Yawu sâop.

**Bukulipnenņe yâk yeņgât hoņ bayinginom.**

*(Mareko 10:35-45)*

20Sâp yanâmâ Yewerihât imbiņaņe nanyâhâtyetņe dâiyelekmâ ba Yesu yuwu sâm ekuop. “Kutdâ, nanyâhâtne yu nângâyitġihât naņgan.” Yawu sâop.

21Sâmu sâop. “Gâ biwihane girawu nângâm dâiyelekmâ takat?”

Sâmu sâop. “Sâp patoen gâņe lohimbi kerek galemnenņe manbuat yanâmâ nâhât nanyâhâtne yu orowâk tatmâ tângohomutâ galem mannomai.” Yawu sâop.

<sup>22</sup>Yawu sâmu Yakowo yet Yoane yuwu sâmu âiyotgop. “Yakât topŋe ki nâŋgâm denâk sâmu yawot. Umatŋe âlâlâ tetenihi mu hâhiwin nâŋgâwom yawuâk nâŋgâromawot me?”

Sâmu sâowot. “Ya âlepŋe yat. Umatŋe nâŋgâwualân net gurâ yawuâk nâŋgâromgât naŋgait.” Yawu sâowot.

<sup>23</sup>Sâmutâ sâop. “Bonŋanâk yawot. Umatŋe âlâlâ tetenihi mu hâhiwin nâŋgâwom ya yet gurâ yawuâk nâŋgâromawot. Yakât sâwe. Lok âlâ me âlâŋe tânnohoŋetâ kunlipyeŋe mannom yakât Anitâ ikŋahâk nâŋgâmu tap.” Yawu sâop.

<sup>24</sup>Yawu sâmu ekyotgomu yakât den pat nâŋgâmunŋe bâlemu Yakowo yet Yoane yetgât nâŋgâm bâleyitgiwin. <sup>25</sup>Nâŋgâm bâleyitgimunŋe Yesuŋe nâŋgâmu bâlemu den âlâen hâum yuwu sâmu eknongop. “Lok papatolipyeŋe nâŋgâmai dopŋan lohimbî galemŋoŋetâ yâk yeŋgât amutyenŋan manmâ hâhiwin kakŋan manmai. <sup>26-28</sup>Yeŋeâmâ papatolipyeŋe otyiŋgimai yawu ki otnomai. Nâhât den lâum mansaiŋe nâhât hoŋ bam gam nâ tânnohoŋetgât ki gewan. Nâŋeâmâ lohimbî hoŋ bayiŋgim sârereyekmâ kinmune nohoŋetâ mumbom. Mum yan tosayeŋe pilâyiŋgiwom. Yawu otbomgât awoŋnaŋe âi sâmu nihim hâŋgânnohomu ge mansan. Yawu gârâmâ yeŋgâlen gâtŋe âlâ me âlâŋe bukulipyeŋe nâŋgâyiŋgiŋetâ yahalâkgât meŋetâ huruŋ huruŋ otmu yâk yeŋgât amutyenŋan mannomai. Otmu yeŋgâlen gâtŋe âlâ me âlâŋe Anitâŋe nenekmu ârandân olâkgât nâŋgâm yawuâk bukulipyeŋe yeŋgât hoŋ bayiŋginomai. Yawu.” Yawu sâop.

### Lok senyetŋe bok sâsâŋe ya heŋgemyotgop.

(Mareko 10:46-52; Luka 18:35-43)

<sup>29</sup>Yesuŋe menenekmu Yeriko kapi pilâm yâhâwin. Yâhâmunŋe lohimbî dondâŋe betnenŋan watnenekmâ ariwi. <sup>30</sup>Arimunŋe lok yâhâp senyetŋe bok sâsâŋe mâtâp ginŋan talowot. Tatmutâ lohimbî yaŋe “Yesu takap” sâŋetâ nâŋgâm yahatmâ halahum yuwu sâowot. “Lok pato, Dawitihât sen, gâ netgât wehe nâŋgânitgi.” Yawu sâowot.

<sup>31</sup>Yawu sâmutâ lohimbî gotyetŋan kinbiŋe kuyitgim yuwu sâwi. “Bâe, girawu otmâ den kârikŋe sâmu halahum tawot? Den nâŋgânâk tatset.” Yawu sâwi. Yawu sâŋetâ iliwetmâ witgumâk sâowot.

<sup>32</sup>Sâmutâ yuwu sâmu âiyotgop. “Girawu otyitgiwehât naŋgawot?”

<sup>33</sup>Sâmu sâowot. “Lok pato, sârâ sennetŋe hâreakmu ekdehât naŋgait.” Yawu sâowot.

<sup>34</sup>Yawu sâmutâ senyetŋan mem walipgumu hâreakmu ekmâ, Yesu betŋan sâmutâ orowâk ariwin.

### Yesuŋe Yerusalem kapiân yâhâop.

(Mareko 11:1-11; Luka 19:28-40; Yoane 12:12-19)

**21** <sup>1</sup>Yapâ ari Yerusalem kapi pato yakât gotŋan kapi âlâ, kutŋe Betepahe sâmu, ya Oliwa pumŋan tap yan yâhâwin. <sup>2</sup>Yan yâhâ

Yesuŋe hoŋ bawayâhâtŋe yâhâp yuwu sâŋ hânġânŋotgop. “Kapi tipinŋ ewapâ tap yan doŋgi nanŋe otmu mâmânŋe hikum katyelekŋetâ kinsawot ya holaŋmâ meyelekmâ geromawot. <sup>3</sup>Holaŋyelekmutâ lok âlâ me âlânŋe yelekmâ âiyotgoŋetâmâ yuwu sâŋ ekyongoromawot. “Yiwereŋe âi teteap. Yakât otmâ kutdânŋetŋe yu meyelekdehât hânġânnotgomu takait. Meyelekmâ arimutŋeâmâ âi ya tuhumm pesuk pilâmuâmâ mem âwurem takarom.” Yawu sâŋ ekyongoromawot.” Yawu sâop.

<sup>4-7</sup>Yawu sâŋ hânġânŋotgomu yâhâowot. Yâhâ doŋgi ya holaŋmâ meyelekmâ takamutâ hâk katipŋe kâlep katbin ya holaŋmâ lotohom kakŋan katbin. Katmunŋe kakŋan yâhâ talop. Yâhâ tatmu Yerusalem kapiân yâhâwin. Otmu Yesu kapiân yâhâop yakât emet inânŋan poropete âlânŋe den kulemguop ya yuwu tap.

“Yen Yerusalem kapi ambolipŋe nânġânŋet. Papatolipyeŋe orotmeme yuwu otmâ mansai. Yaŋeâmâ bam gane sâŋ yan hâk meme otmâ beâsi kakŋanâk bam gamai. Otmâmâ yeŋġât lok kutdâ yuŋeâmâ yeŋe otmai yawu ki oap. Yâhâmâ ikŋahât nânġâmû gemap. Yakât otmâ doŋgi kakŋanâk lohottŋan ariop.”

Den yawu tap yakât bonŋe Yesuŋe doŋgi kakŋan tatmâ Yerusalem kapiân yâhâop yan teteop.

<sup>8</sup>Kapiân yâhâmu yan lohimbi kiŋgitŋe orowâk hâruhuakbiŋe Yesuhât nânġânŋetâ yahatmu yeŋe sâŋgum kâkâlep ya holaŋmâ mâtâp tete liŋgatmâ ariwi. Yâhâ nombotŋeâmâ âliwahap esenŋe hârem yaŋe liŋgatmâ ariwi. Liŋgatŋetâ doŋgi yaŋe yakât kakŋambâ ariop. <sup>9</sup>Yâhâ nombotŋe hâruhuakbi yaŋe yuwu sâŋ mepaewi. “Gâmâ tâmbânenŋe Dawitihât sen. Gike ombeheâk ki takat. Anitânŋe âi sâŋ ghiop ya lâum kinmâ nengâlen mat takat. Yakât otmâ heronŋe otgihim mepaeheksain.” Yawu sâŋ mepaewi.

<sup>10</sup>Yesuŋe Yerusalem kapiân yâhâmu kapi ya ambolipŋe ekmâ pârâk pilâm yuwu sâwi. “Main. Lok yuâmâ wonân gâtŋe? Me âlâhât nanŋe?”

<sup>11</sup>Yawu sâŋetâ lohimbi betŋan sâwiŋe yuwu sâŋ ekyongowi. “Yuâmâ Anitâhât poropete âlâ, kutŋe Yesu, kapi tipinŋ, kutŋe Nasaret sâŋ, Galilaia hânân tap yapâ gâtŋe.” Yawu sâwi.

**Yesuŋe opon kâmbukŋan yâhâ lohimbi watyehop.**  
(*Mareko 11:15-19; Luka 19:45-48; Yoane 2:13-22*)

<sup>12-13</sup>Yawu sâŋetâ Yerusalem kapi patoen yâhâwin. Yâhâmunŋe Yesuŋe doŋgi kakŋambâ kioŋmu yaŋak yapâ opon kâmbukŋan yâhâwin. Yâhâ opon kâmbukŋe kâlehen lohimbiŋe senŋe âlâlâ anġi guŋgi otmâ hâmeŋe hâukum kinbi ya yekbin. Yekmâ Yesuŋe nânġâm bâleyiŋgim yuwu sâŋ ekyongop. “Yu oai yukât emet inânŋan Anitânŋe poropete âlâ ekumu kulemguop ya yuwu tap.

“Lohimbi hânŋan kulemŋan manmâ araiŋe nâhât opon yukât kâlehen yâhâ mepaeneknomai.”

Den sâop yakât yuwu sâmunne nângânet. Yeŋe yukât kâlehen tatmâ lohimbî kâityongom hâmerŋe mem yahatmâ anŋi guŋgi otmâ gai. Yawu otmâ gai yu ekmune anŋim bero emetŋe yawuya oap. Opon kâmbukŋe yu kâlehen ki orotŋe otŋetâ ekmune bâleap.” Yawu sâm kakŋan tat tat, tewo, kembâ mem emetŋe tuhumi ya kâlehen katŋetâ talop, senŋe âlâlâyerŋe mem purik pilâyîngim watyekmu yahatmâ tiok taok otmâ arim kinbi.

<sup>14</sup>Gem tiok taok otmâ arim kinŋetâ lok nombotŋe senyerŋe bok sâsâne otmu lok pareŋe ya yâkâlen arinŋetâ heŋgemyongop. <sup>15</sup>Heŋgemyongomu naom titipâŋe Yesu ekŋetâ sâtŋe otmu yuwu sâm mepaewi. “Dawitihât sen, kâwiâk watyekdâ kionŋsai yakât heronŋe oain.” Yawu sânetâ yan hotom uminiwi ya yeŋgât lok kunŋe otmu Mosehât girem den kâsikumi ningiminiwi yanŋe nângâm bâlewangim yuwu sâwi.

<sup>16</sup>“Naom titipâ kutyerŋe bianŋe mepaehesai ya ekmunŋe ki ârândân oap. Yakât kuyinŋirâ hutuk sânet,” yawu sâm Yesu ekuwi.

Sânetâ sâop. “Mepaenekŋetâ nângâmune ârândân oap. Yu oai yukât emet inânŋan Anitâŋe poropete âlâ ekumu kulemguop ya yuwu tap.

“Anitâŋe nimnaom titipâ yeŋgât biwiyenŋan kionŋmu heronŋe otbanganŋi.”

Den yawu kulemguwi tap yakât bulâŋe yu tetemu eksai.” <sup>17</sup>Yawu sâm ekyongom yapâ pilâyekmâ Betani kapiân ari omoŋ sâmu iwin.

### **Lakop sâwangimu hâlâlân sâm kinop.**

*(Mareko 11:12-14,20-24)*

<sup>18</sup>Yan imunŋe emet haŋ sâmu yahatmâ Yerusalem kapiân âwurem yâhâwin. Mâtâp arim tatmunŋe Yesu po wangioŋ. <sup>19</sup>Po wangimu senŋe pilâm lakop âlâ mâtâp ginŋan kinop ya ehop. Ya ekmâ kehetŋe mem nembom sâm gotŋan ari ekmâ kehetŋe âlâ ki kinop. Esenŋanŋak âi omoŋ omoŋ otmâ kinmu ekmâ yuwu sâop. “Âo, yu kehetŋe ki kinsap. Esenŋeâk tap. Yakât otmâ lakop yukât kehetŋe âlâ ki menomai.” Yawu sâop. Sâmu yanŋak esenŋe gimbanŋuop.

<sup>20</sup>Yawu otmu nenŋe ekmunŋe sâtŋe otmu yuwu sâm âikuwin. “Bâe, yuâmâ topŋe girawuhât esenŋe in yawu gimbanŋuap.”

<sup>21</sup>Sâmunŋe sâop. “Sâmunne nângânet. Biwiyenŋe Anitâhâlen katmâ manmâ yâhânomai yamâ lakop yu sâm wanŋsan yawuâk otnomaihât dop tap. Yakât den âlâen hâum sâmunne nângânet. Yeŋe yuwu mon otnomai. Pumŋe âlâ ekmâ “Huhuakmâ orotok sâm giâk” yawu sâm biwi yâhâp ki otmâek ulitgunŋetâ âlepŋe huhuakmâ orotok sâm gewuap. Yawu. <sup>22</sup>Yeŋe yu me ya otne sâmmâmâ anŋoân biwi nângân nângânyenŋe Anitâhâlen kepeim ulitgunŋetâ nângâyîngimu yanâmâ yakât bulâŋe âlepŋe tetemu eknomai.” Yawu sâop.

### **Yesune âlâhât sâtŋât otmâ âi miop ya ki sâm tetem ekyongop.**

*(Mareko 11:27-33; Luka 20:1-8)*

<sup>23</sup>Yawu sâm eknongomu Yerusalem kapiân yâhâwin. Yâhâ opon kâmbukŋan tatmunŋe lohimbî nombotŋe yan tatbi ya den pat âlepŋe ya



ekyongop. Hotom uminiwi otmu Yura nengât papatolipnenjanje yuwu sâm âikuwi. “Gâne oran âlâhât sâtgât Anitâhât opon kâmbukjan yâhâ lohimbi watyehon?” Yawu sâm âikuwi.

<sup>24</sup>Sânetâ sâop. “Âinohoai gârâmâ nâku yawuâk âiyongomune yeje den matje kâpeknihijetâ yanâmâ nâje âlâhât sâtgât âi yu mem gaman yakât topje ekyongowom. <sup>25</sup>Yakât yuwu sâmune nângânet. Yoaneje toen mem katyehop yamâ âlâhât sâtgât otmâ âi ya miop? Anitâhât me ondop yengât sâtgât âi ya tuhuop yakât sânetâ nângâwe.” Yawu sâm âiyongop.

Yawu sâmu matje kâpekbanjine sâm pâp gum alahu gulahu otmâ yuwu sâwi. “Nenje yuwu mon sânom. “Yoane yamâ Anitâje âi sâm wanmu tuhuop.” Yawu sânom yamâ matje yuwu mon sâwuap. “O, yenâmâ girawu otmâ Yoanehâlen biwiyenje ki katbi?” Yawu sâmu den matje girawu sâm kâpekbanjinom? Anulaknom yakâ. <sup>26</sup>Yâhâ âlâ yuwu mon sânom. “Yâhâmâ lok yengât sâtgât otmâ nep ya tuhuop.” Yawu sânom yamâ lohimbi dondâje yuwu sânomai. “O Yoane yamâ propete pato, wongât den yawu yai?” Yawu sâm yan nengât nângânetâ bâlewup. Nângânetâ bâlemu nongomaihât ki ekunom?” Yakât otmâ hâum pâp gum pilâwi. <sup>27</sup>Yakât otmâ yuwu sâm ekuwi. “Yoaneje âlâhât sâtgât âi ya meminiop ya nen ki nanjain.” Sânetâ sâop. “Nâku yawuâk. Âlâhât sâtgât âi yu tuhum gaman yakât ki ekyongowom.” Yawu sâop.

### Lohimbi girawu yanje Anitâhât den lâuwu.

<sup>28</sup>Yesuje den âlâen hâum yuwu sâm ekyongop. “Lok âlâhât nanyâhâtje yâhâp. Otmu âwâyetjanje ata je yuwu sâm ekuop. “Nan, gâ âinenjenen ari nep kâmet.” Yawu sâop. <sup>29</sup>Sâmu sâop, “O, awonj, nâmâ hâkâj oan.” Yawu sâop. Yâhâ tipi je tatmâ yanak ihilâk yahatmâ ari âi ya miop. <sup>30</sup>Yawu otmu âwâyetjanje iminjâhâlen ari yawuâk sâm ekuop. Yawu sâmu iminjâje yuwu sâop. “Awoj, âlepje ariwom,” sâop. Yamâ benje pilâm ki ariop. <sup>31-32</sup>Yawu olowot gârâmâ nanyâhâtje âlâje âwâyetjahât den ya tem lâuwot?”

Yawu sâm âiyongomu yuwu sâwi. “O, yamâ ata je âwâyetjahât tem lâuop,” yuwu sâwi.

Sânetâ sâop. “Yawu gârâmâ yuwu sâmune nângânet. Yoaneje manman âlepje yakât mâtâp ekyongom gaop. Yamâ yeje denje nângânetâ nahat otmu bet pilâwi. Otmu yeje lok nombotje yeknetâ bâlemu sâm ge katyeksai. Yakât otmâ yuwu sâmune nângânet. Lok âlâ me âlâje takesihât tewetsenje meminiwi yapâ kombo mem manminiwi, me imbi nombotje lok ihilâk orop manminiwi yanje orotmemeyeje bâleje ya sâm tetem bet pilânetâ yan Yoaneje toen mem katyehop. Yejeâmâ biwi yâhâp otmâ manmai. Biwiyenje pâlâmje otmâ yâkât den nângânetâ ki bulâje otmap. Yakât otmâ tewetsenje kombo meminiwi, otmu imbi lok ihilâk orop manminiwi yawuyanje hewewen otmâ kulet sâyingim

Anitâhât komolân torokatmâ mansai. Yeñeâmâ Yoanehât den nângâñetâ nahat otmu biwiyenye alitmâ Anitâhât komot bulânje yan ki torokatsai.

**Wain kalam amboñahâlen hâum sâop.**

*(Mareko 12:1-12; Luka 20:9-19)*

<sup>33</sup>Otmu yengât topyene teteâkgât den âlâen hâum sâmune nângâñet. Lok pato âlânje wain kâmetñet sâm nep lok meyehop. Meyekmu ari dâmân sâhâm hawamgum wain kâmetbi. Otmu wain toñe ya mem mendârenjetâ gewuapgât wanja hâwiwi. Otmu emetyene tuhuwi. Ya tuhumi tiñ pilâñetâ galem katyekmâ âlâengen ari sâp kâlep manop. <sup>34</sup>Sâp kâlep manmu wain kehetñe puru pato kinop ya amboñañe hâruhuniñet sâm hoñ bawalipñe yakembâek hângânyongomu takawi. <sup>35</sup>Hângânyongomu takañetâ nep galemñe katyehop yañe nombotñe yongom watyekbi, yâhâ nombotñeâmâ kâñe yongonjetâ muwi. <sup>36</sup>Benje sâp âlâen hângânyongomu takañetâ nombotñe yongonjetâ muwi. Yâhâ nombotñeâmâ watyekñetâ purik sâm amboñahâlen ariwi. <sup>37</sup>Ariñetâ amboñañe den pat ya nângâm yuwu nângâop. “Bâe, yu oai. Gârâmâ nine nanne ombe bisine hângângumune arimu ekmâ yanâmâ ewe katnomai.” Yawu nângâop. <sup>38</sup>Biwiñañe yawu nângâm ikñe nanñe hângângumu takamu ekmâ yuwu sâwi. “Bâe, yuâmâ patonenñe ikñe nanñañe takap. Âwânje mumu yan kalam yuâmâ yâkñe ambokumapgât kumunñe muâk. Kumunñe mumu yan kalam yuâmâ nengât otbuap.” <sup>39</sup>Yawu sâm kum kekae topñehen pilâñetâ iop. Yawu. Yakât âiyongomune matñe sâñetâ nângâwe.

<sup>40</sup>Yawu otñetâ âi amboñe ya girawu otbuap?” Yawu sâm âiyongop.

<sup>41</sup>Âiyongomu sâwi. “Yawu otñetâmâ âi amboñe yañe taka yongomu muñetâ nep lok ondop meyekmâ kaweyenjan katyekbuap. Katyekmu yan tem lâuwangim hoñ bawanginomai.” Yawu sâwi.

<sup>42</sup>Sâñetâ sâop. “Anitânje hângânnohomu gewan. Yakât poropete âlânje yuwu kulemgupop ya yene ki mon sâlikum nângâmai.

“Nep lokñe nak âlâ ekmâ bâleñe sâm mem ketetbi. Bâleñe sâm mem ketetbi ya Anitânje lâum kânângâmu kuhupin kârikñe otmâ kinsap. Yâhâ emet tuhuwiñe ekmâ yuwu nângânomai. “Bâe, yuâmâ patoñe nângâmu teteap. Ekmunñe sâtñe oap.” Yawu nângânomai.” Yawu kulemgupop tap.

<sup>43</sup>Den sâop yakât bulânje yiwereñe nâhâlen tetemu eksai. Yakât otmâ yuwu sâmune nângâñet. Yeñe nâhât nângâñetâ gemu hâkânj otmâ betnihim mansai. Yakât otmâ yen pilâyekmâ pâku lohimbimeyekmune nâhâlen biwi nângân nângânyenñe kepeim manñetâ kunyene pato otmâ yâhâwom. Otmu den âlâen hâum sâwe. <sup>44</sup>Lok âlâ me âlânje kuhupin yu ekmâ betbanginomai yamâ hâhiwin nângânomai. Yawu gârâmâ kuhupin yuñe putuk sâm kionmâ yongowuap yamâ dâk dâk hutuk yongomu munomai. Yawu.” Yawu sâop.

<sup>45</sup>Yawu sâmu yuwu sâm alahuwi. “Bâe, nenŋe haorŋmâ ârândân Yesu betbaŋgimain. Yakât otmâ Anitâŋe nen pilânenekbuapgât den yu yap.” Yawu sâm alahum nânŋâŋetâ bâleop. <sup>46</sup>Nânŋâŋetâ bâlemu Yesu mem pâi emetŋan katne sâm otbi yamâ yuwu nânŋâwi. “Lohimbi, sesenŋâlâk Yesuhâlen torokatmâ mansaiŋe yuwu naŋgai. “Yesu yu poropete âlâ mansap,” Yawu nânŋâm mepaemai.” Yakât otmâ pâi emetŋan katne sâm otbi ya gorâyiŋgimu pilâwi.

**Lok kutdâ âlâhât nanŋaŋe imbi miop yan hâum sâop.**

*(Luka 14:16-24)*

**22** <sup>1</sup>Yesuŋe den âlâen hâum hotom uminiwi otmu Yura nengât kunlipnenŋe ya yuwu sâm ekyongop. <sup>2</sup>“Anitâŋe tihitnenŋe otmâ yâhâwuap. Yakât topŋe yuwu tap. Lok kutdâ mansai yeŋgâlen hâum sâmune nânŋâŋet. Lok kutdâ âlâhât nanŋaŋe imbi membe sâm soŋgo bau otmu sot kâle topŋe topŋe um hâwurumu kinop. <sup>3</sup>Otmu nanŋaŋe imbi membe sâmu yan âwâŋaŋe hoŋ bawalipŋe nombotŋe yuwu sâm hânŋânyongomu ariwi. “Yen yâhâm gem bukulipnenŋe meyekŋetâ takanŋet.” Yawu sâop. Yawu sâm hânŋânyongomu ari ekyongoŋetâ ki takawi.

<sup>4</sup>Yawu otŋetâ âlâkuâk hoŋ bawalipŋe nombotŋe yuwu sâm hânŋânyongomu ariwi. “Anŋoân bukulipyenŋe hânŋânyongomune ari ekyongoŋetâ ki takai ya yeŋe âlâkuâk ari yuwu sâm ekyongoŋet. “Yen nânŋâŋet. Soŋgo bau otmu sot kâle yamâ emelâk mem dinŋan tuhumunŋe tap. Yakât takanŋetâ nanŋaŋe imbi membuap yakât heronŋe otmâ nenom.” Yawu sâm ekyongoŋet,” sâm hânŋânyongomu ariwi.

<sup>5</sup>Hânŋânyongomu hoŋ bawalipŋaŋe yâhâm gem âlâkuâk ekyongowi. Den ya ekyongoŋetâ nânŋâm nânŋâm âlâku nânŋâop dopŋan dopŋan ariwi. Nombotŋe kalamâŋen nep tuhuakne sâm ariwi. Yâhâ nombotŋaŋeâmâ bisinisi tuhuakne sâm ariwi. Nombotŋe ihilâk mahilâk arim kinbi. <sup>6</sup>Yâhâ nombotŋaŋeâmâ lok kutdâŋe hoŋ bawalipŋe hânŋânyongomu den mem ariwi ya yongoŋetâ muwi.

<sup>7</sup>Yawu otŋetâ lok kutdâ yaŋe den pat nânŋâm kuk otmâ tembe lâulipŋe hânŋânyongomu ariwi. Ari kapiyenânâk yongom itit kiom bâleŋe tuhuyiŋgiwi. <sup>8</sup>Otmu lok kutdâ yaŋe hoŋ bawalipŋe yuwu sâm ekyongop. “Bukulipnenŋaŋe hâkânŋ otmâ ki takai. Yakât otmâ sot kâle emelâk um katŋetâ tap ya bâlemapgât yuwu otnom. <sup>9</sup>Hânŋânyongomune mâtâp kunŋan ari kinmâ lohimbi yuken yaken arine sâm oai ya ekyongoŋetâ taka sot yu neŋet.” Yawu sâop. <sup>10</sup>Yawu sâm ekyongom hânŋânyongomu hoŋ bawalipŋaŋe den sâop yawuâk mâtâp kunŋan yâhâm gem lohimbi âlepŋe bâleŋe ya ekyongowi. Ekyongoŋetâ taka lok imbi miop ya âwâŋahât emelan yâhâ pik ŋâtâk ŋâtâk sâwi.

<sup>11</sup>Yâhâ lok kutdâ yaŋe lohimbi takawi ya yekbe sâm emet kâlehen yâhâop. Yâhâ tatbi yapâ gâtŋe lok âlâŋe sâŋgum tok sâsâŋe latmâ taka

talop ya ekmâ nânġâm bâlewaŋgim yuwu sâm ekuop. <sup>12</sup>“Bâe, ġâmâ girawuhât nannaje imbi membe sâm otmu sâŋgum tok sâsâŋe latmâ taka tat? Ya ki ârândân oap.” Yawu sâop. Yawu sâmu den matŋe sâwehât nânġâmu umatŋe otmu aġulakmâ inâk talop. <sup>13</sup>Yan tatmu lok kutdâ yaŋe hoŋ bawalipŋe yuwu sâm ekyongop. “Yeŋe lok yu kâiŋe bâtŋe nombot nombot sâhâm lâum yaehen pilânġetâ ġiâk. Pilânġetâ ge yaehen hâhiwin pato nânġâmbisâp. Yawu.” Yawu sâm ekyongop. <sup>14</sup>Yawu ġârâmâ den yuân hâum yakât topŋe yuwu sâmune nânġâŋet. Anitâŋeâmâ lohimi kerehâk dâiyekbe sâm oap. Yawu ġârâmâ lohimi getek âlâŋe yâkâlen biwiyeŋe kepeim manġetâ manman kârikŋahât pat kuyiŋgimu mannomai.” Yawu sâop.

**Anitâhât pat sâm yu ya katmunŋe tatmap ya waŋnom.**

*(Mareko 12:13-17; Luka 20:20-26)*

<sup>15</sup>Den ya sâm tiŋ pilâmu Parisaio yeŋeâk pereŋ pilâm ba kinmâ yuwu sâwi. “Den âlâen hâum yap yuŋeâmâ nengât topnenŋe miap. Yakât nânġâmunŋe bâleap. Yakât benŋe girawu otmâ sâmunŋe Roma tembe lâuŋe Yesu mem ari pâi emetŋan katŋet.” Yawu sâwi. <sup>16</sup>Yawu sâm hoŋ bawalipyenŋe otmu Herotġât âi lok nombotŋeŋe Yesu âikuŋetâ sâm tâpikgumu topŋe mem tetenehât hânġânyongowi. Hânġânyongoŋetâ Yesuhâlen taka yuwu sâwi. “Bawapi, ġâhât topge naŋgain. Ġâŋe den imbiâk ki sâmat. Den sâmat ya nânġâmunŋe bonŋeâk otmap. Otmu lohimiŋe nânġâhihiŋetâ yahalâkgât nânġâm âi ki tuhumat. Ġâŋe lok âlâhât nânġârâ yahatmu âlâhât nânġârâ gemu yawu ki otmat. Ġâŋe uwawapŋe bia otmâ manmâ ġarâ gekmain. Yakât wuân me wuân otnom yakât sârâ nânġâne. <sup>17</sup>Roma lok âlâ kunnenŋe mansap, kutŋe sisa sâm, yâhâmâ haonmâ ârândân takesi waŋmain. Yawu ġârâmâ ya waŋmâ yâhânôm me bia? Yakât sârâ nânġâne.” Yawu sâwi.

<sup>18</sup>Yawu sâŋetâ biwiyeŋe ekmâ yuwu sâm ekyongop. “Yeŋe nâhâitŋe sâm tâpikguwuap sâm âinohoi me? Yenâmâ nimbilamyenŋe boho boho. <sup>19</sup>Yakât otmâ kât nanŋe mem nihiŋetâ ekbe.” Yawu sâop.

Yawu sâmu mem waŋetâ mem tiripyongom yuwu sâop. <sup>20</sup>“Kât nanŋe yu ekŋet. Yuân âlâhât towat? Me âlâhât kutŋe kinsap.” Yawu sâop.

<sup>21</sup>Sâmu sâwi. “Roma lok patonenŋe, kutŋe Sisa sâm, yâkât umutŋe yakâ.”

Sâŋetâ sâop. “Sisahât pat sâm katŋetâ tap otmuâmâ yâk waŋnomai. Yâhâ Anitâhât pat sâm katŋetâ tatmap yâk waŋnomai.” <sup>22</sup>Yawu sâm ekyongomu nânġâŋetâ sâtŋe otmu pilâm yahatmâ ariwi.

**Anitâŋe mumuŋambâ mem yahatnenekbuap.**

*(Mareko 12:18-27; Luka 20:27-40)*

<sup>23</sup>Sarukaio lok yuwu nânġâmai. “Anitâŋe mumuŋambâ mem yahatnenekbuapġât dop âlâ ki tap. Yakât otmâ mumunŋe pesuk sâmap.”

Yawu nângâmai. Yâkŋe yakât topŋe nângânehât Yesuhâlen ari yuwu sâm ekuwi. <sup>24</sup>“Bawapi, aŋgoân Moseŋe den kulemgupop ya yuwu tap.

“Lok âlâŋe imbi âlâ memu naom ki mewangimu lok ya mumbuap.

Mumu imiŋaŋe yâkât kambut ya galemgum yâkât welâmân nimnaom mem ga katyekbuap.”

Moseŋe yawu kulemgupop tap. Yakât topŋe sâm eknongohât yuwu sâmunŋe nângâ. <sup>25-27</sup>Imi ata nombolân yâhâp manbi. Manmâ aŋgoân atayeŋe kunŋaŋe imbi âlâ memu imbiŋaŋe naom ki mewangimu inâk manmâ muop. Mumu imiŋaŋe atañahât kambut ya mem manmâ yâku in muop. Otmu imiyetŋaŋe kambutyetŋe ya mem manmâ yâku yawuâk naom barahâk muop. Otmu imi ata ya hârokŋe kambutyetŋe yawuâk mem manmâ inâk muwi. Aiop, kambutyetŋe yâku yawuâk muop. <sup>28</sup>Imi ata nombolân yâhâp ya kerekŋe imbi ya mewi. Gârâmâ sâp pato tetemu Anitâŋe mumuŋambâ mem yahatnenekbuap yanâmâ imbi yamâ âlâŋe membuap?” Yawu sâm âikuwi.

<sup>29</sup>Sâŋetâ sâop. “Anitâŋe poropetelipŋe otmu lok nombotŋe den ekyongomu kulemgupi yakât topŋe yeŋe ki nanŋai. Otmu Anitâ ikŋe wâtŋe pato tatbaŋgiap yakât topŋe gurâ ki nanŋai. Yawu gârâmâ yeŋe nângâm hilipgum den yawu yai. <sup>30</sup>Yakât otmâ yuwu sâmune nângâŋet. Anitâŋe lohimi mumuŋambâ mem yahatyekbuap yanâmâ himbimân Anitâhât aŋelolipŋaŋe ki miakmai ya yeŋgât dop otmâ ikŋiâk ikŋiâk mannomai. <sup>31</sup>Yâhâ Anitâŋe mumuŋambâ mem yahatyekbuap yakât topŋe yuwu sâmune nângâŋet. <sup>32</sup>Emelâk Anitâŋe yuwu sâm Mose ekuop.

“Nâŋe Awaraham, otmu nanŋe Isaka, otmu sesetŋe Yakop yâk yeŋgât kunyeŋe tatmâ gaman.” Yawu kulemgupop.

Anitâŋe Mose den ekumu kulemgupop yakât topŋeâmâ yuwu. Emelâk nengât tâmbâlipnenŋe manmâ gawi. Otmu yapâ torokatmâ manmâ gaŋetâ gaŋetâ benŋe nen yu mansain yu. Otmu gâmâlâk nengât sâm sen tetem mannomai. Nen kerek nengât kunnenŋe yamâ Anitâ. Topŋe yawu tap.” Yawu sâop.

<sup>33</sup>Yawu sâmu lohimi yan kinbiŋe den ya nângâŋetâ âlâ kândâkdâ olop.

### Mosehât girem den girawu yaŋe kun kunŋe oap?

(Mareko 12:28-31; Luka 10:25-28)

<sup>34</sup>Otmu Sarukaioŋe Yesuhât den matŋe sâne sâm hâum pâpgum pilâwi yakât den pat Parisaioŋe nângâŋetâ bâlemu Yesuhâlen ariwi. <sup>35</sup>Ari yâk yeŋgâlen gâtŋe âlâ Mosehât girem den kâsikum ningimioŋe yahalop. Yahatmâ Yesuŋe den sâm hilipgumu pâi emetŋan katŋetâ talâkgât yuwu sâm âikuop. <sup>36</sup>“Bawapi, yuwu âihohomune nângâ. Anitâŋe girem den Mose ekumu kulemgupop yapâ gâtŋe girawu ya yakât nângârâ yahatsap?”

<sup>37</sup>Sâmu sâop. “Anitâŋe den âlâ Mose ekumu kulemgupop ya yuwu tap.

“Isirae ambolipnje yen ekyongomune nângâñet. Nengât Kutdânenne yamâ Anitâ iknje konok tatmap. Nenne yâkâlen biwi nângân nângânnenñaje kepeim yâk konok mepaenom. Otmu yâkât lau konok nângâm lâum watmâ mannom.” Yawu tap.

<sup>38</sup>Den yan yuñe kunje oap. <sup>39</sup>Yâhâ den âlâmâ yuwu tap.

“Nennjahât nângâmunje yahatmap yawuâk buku nombotnje yengât nângâmunje yahatbuap.” Yawu tap.

<sup>40</sup>Anitâhât den yâhâp yan yuñeâmâ kunje pato oap. Yâhâ Mose otmu Anitâhât poropete bulâñe manbiñe den yâhâp yukât nângâm den topñe topñe kulemuwi.”

**Dawitihât senâmbâ gâtñe yakât sâm Yesuñe Parisaio âiyongop.**

*(Mareko 12:35-37; Luka 20:41-44)*

<sup>41</sup>Yawu sâm benje purik pilâm yuwu sâm âiyongop. <sup>42</sup>“Anitâñe hângângumu gewuap. Yakât topñe girawu nanñgai?”

Sâmu sâwi. “Gewuap yamâ Dawitihât sen.”

<sup>43</sup>Sâñetâ sâop. “Yawu gârâmâ Anitâhât Wâtgât Mâmâñahât Heakñe Dawiti mâmâñe otbangimu den kulemuop ya yuwu tap.

<sup>44</sup>“Anitâñe nâhât patone yuwu sâm ekuop. “Gâñe nâhât gotnan ga kinmâ nâhât hahit mem kasalipge yongom mem ge katyekbuat.” Yawu sâop.”

<sup>45</sup>Dawitiñe den yawu sâop yakât yuwu sâmune nângâñet. Anitâñe hângângumu gewuap yakât Dawitiñe yuwu sâop. “Yamâ patone,” sâop. Yawu gârâmâ yeñeâmâ “Yâkñe hâmbâi ge galemngowuap,” sâmâi. Den sâmâi yamâ Dawitiñe den sâop ya orop ki lâuaksawot.” Yawu sâop.

<sup>46</sup>Yawu sâm âiyongomu matñe kâpekbangine sâm hâum pâpgum pilâm gem itoñ galañ otmâ âlâkuâk ki âikuwi.

**Parisaioñe otminiwi yawu ki otmâ mannom.**

*(Mareko 12:38-39; Luka 11:43,46; Luka 20:45-46)*

**23** <sup>1</sup>Yesuñe lohimbi nombotñe otmu hoñ bawalipñe nen yuwu sâm eknongop. <sup>2-3</sup>“Mosehât girem den kâsikum ningimai otmu Parisaio yengât den ya biwinnenñaje kepeim lâum manmâ yâhânom. <sup>4</sup>Yamâ nenñe yâk yengât amutgen manmunñe yu ya otñetgât den undipñe topñe topñe sâm ningimai yamâ yeñe gurâ denyenñe ya ki lâum watmai. Yakât otmâmâ yâkñe otmai memai yawu ki otnom. Yâkñe den sâm ningimai yan umatñe kakñan manmain. Yawu manmunñe biwinnenñe mem huruñ pilânehât ki tânnongomai. <sup>5</sup>Nenñe nângâyingimunñe yahalâkgât nengât sennennan kinmâ orotmeme topñe topñe yuwu otmai. Mitihât pepa ya mem lotohom kunyenñan sâhâm manmai. Otmu mitihât hâk katipñe kâkâlep, senñe âlâlâ hâmeñe pato, mânunakñetâ holuñ holuñ sâmu miti emetñan yâhâm gemai.

<sup>6</sup>Miti emetjan yâhâ lohimbi senyenjan ewanâk tatnehât nângâmai.  
<sup>7</sup>Otmu lohimbi hawamyongom tatmaiŋe nenekŋetâ yahatmu  
 mepaenenekŋetgât nângâmai. Yawu otmâ manŋetâ ya ekmune bâleap.

<sup>8</sup>Otmu yakât torehenŋe yuwu sâmunne nângâŋet. Yenâmâ dop konohâk  
 oai. Yakât otmâ yeŋgâlen gâtŋe âlâ me âlâŋe bukulipnaŋe nekŋetâ  
 yahatmu mepaenekŋetgât nângânmai otmuâmâ yakât nângâmune  
 dondâ bâlewuap. Nâ konok Kutdâyeŋe mansan.

<sup>9-10</sup>Otmuâmâ nâ konok kunyeŋe mansan. Yakât otmâ lok âlâ me âlâ  
 ekmâ kunnenŋe mansap sânomaihât dop âlâ ki tap. Yawu gârâmâ nengât  
 kunnenŋe, me awoŋnenŋe Anitâ konok, himbimân tap. Yakât otmâmâ  
 lok âlâ me âlâ ekmâmâ awoŋnenŋe ki sânomai. <sup>11</sup>Yâhâ den yan yukât  
 topŋeâmâ yuwu tap. Yeŋgâlen gâtŋe lok âlâ me âlâŋe yeŋahât nângâŋetâ  
 gemu lohimbi hoŋ bayŋgiwuap ya yeŋgât Anitâŋe nângâmu yahatbuap.  
<sup>12</sup>Yâhâ yeŋgâlen gâtŋe âlâ me âlâŋe yeŋahât nângâŋetâ yahatbuap ya  
 yeŋgât Anitâŋe nângâmu gewuap.” Yawu sâop.

### Yesuŋe Parisaio sârekyongop.

(Mareko 12:40; Luka 11:39-42,44,52; Luka 20:47)

<sup>13</sup>Yawu sâmâmâ benŋe Mosehât girem den kâsikum ningiminiwi otmu  
 Parisaio yuwu sâm ekyongop. “Mosehât girem den kâsikum ningimai otmu  
 Parisaio yeŋeâmâ topyeŋe kurihiakmâ Anitâhât amutgen mannehât ki  
 nângâmai. Yeŋeâmâ lohimbi nombotŋaŋe bulâŋanâk Anitâŋe tihitnenŋe  
 olâkgât nângâm mansai yâk mem ge katyekmâ mâtâp maŋguyiŋgimai.  
 Yawu otmai yakât nângâmune bâleapgât yeŋgâlen umatŋe topŋe topŋe  
 teteyiŋgiwuap. <sup>14</sup>Otmu imbi kambut emetyeŋambâ watyekmâ senŋe âlâlâyeŋe  
 kombo meyiŋgimai. Yawu otmâ lohimbi senyenjan topyeŋe kurihiakmâ oain  
 sâm oain sâm otmâ Anitâ mepaem den kâlep huhumai. Yenâmâ lok perâkŋe.  
 Yakât otmâ hâmbâi Anitâŋe matŋe umatŋe kâpekyiŋgiwuap.

<sup>15</sup>Otmu yeŋeâmâ lohimbi âlâ me âlâ meyekŋetâ yeŋgâlen torokatmâ  
 denyenŋe lâum manmai. Yâhâ yeŋeâmâ hemgât pat otmâ mansai. Yawu  
 gârâmâ lohimbi yeŋgât den lâum mansai yaŋe gurâ yawuâk hemgât pat  
 mansai.

<sup>16</sup>Otmu yuwu sâmai. “Lohimbi nombotŋaŋeâmâ opon kâmbukŋahât  
 gahatŋan kinmâ den hikumai yamâ bonŋe bia yakât otmâ den ya ki  
 lâunomai. Yâhâ kondo goliŋak tuhuwi yakât gotŋan kinmâ den hikumai  
 yamâ bulâŋanâk. Yakât otmâ den ya lâunomaihât dop tap.” Yawu sâmai.  
<sup>17</sup>Yawu sâmai yamâ topŋe nângâm tâpikgum sâmai yakât yuwu sâmunne  
 nângâŋet. Girawuyakât nângâŋetâ yahatmap? Kondo me senŋe âlâlâ  
 yakât me opon kâmbukŋe kâlehen kondo me senŋe âlâlâ katŋetâ tatmap  
 yakât? Yeŋe gurâ yakât topŋe ki naŋgai.

<sup>18</sup>Otmu torokatmâ sâwe. Yeŋe yuwu sâmai. “Lohimbi nombotŋaŋe  
 opon kâmbukŋahât alata gotŋan yâhâ kinmâ den hikunomai ya gurâ

bonje bia, yakât otmâ ya ki lâunomai. Yakât denje bia. Yâhâ yâkne hotom une sâam alata gotŋan yâhâ kinmâ lama kum yan den hikunomai yaŋeâmâ bulâne otbuap yamâ lâunomaihât dop tap.” Yawu sâamai.

<sup>19</sup>Yawu sâam nângâm tâpikgumai. Yakât âiyongomune sânet. Girawu yakât nângânetâ yahatmap? Senje âlâlâ Anitâhât pat kumai ya me alata yakât? Yeŋe yakât topne nângâm hâum pâpguai yakât sâamune nângânet.

<sup>20</sup>Lohimbi nombotŋane hotom une sâam alata gotŋan yâhâ kinmâ lama kum yan den hikumai yaŋeâmâ alata yakâlâk den ki hikumai. Alata otmu lama yâhâp yâhâp yakât den hikumai. Topne yawu. <sup>21</sup>Yâhâ lohimbi opon kâmbukŋan yâhâ yan den hikumai yanâmâ opon kâmbukŋahât ki hikumai. Opon kâmbukŋahât amboŋe yamâ Anitâ. Yakât otmâ yâkât senŋan kinmâ den hikumai. <sup>22</sup>Otmu himbimân Anitâ Kutdânenne tap yakât otmâ himbimân ekmâ den hikumai yanâmâ himbim amboŋe Anitâ yâkât senŋan kinmâ den hikumai.

<sup>23</sup>Yakât otmâ yen Parisaio otmu Mosehât girem den kâsikum ningimai yeŋeâmâ topne ya nângâm tâpikgumai. Yenâmâ lok perâk. Yeŋeâmâ wahap tâŋât, hote, gitâk, kimi, ya mem ketetmâ bâlâk ŋerek oseteŋan konok ya mem Anitâhât pat kuwaŋgimai. Yâhâ Anitâhât den nombotŋe umatŋe pato ekyongomu kulemuwi yamâ loŋgâemai. Loŋgâem yan yuwu otmâ mansai. Lohimbi yeŋgât den sâam hâreyiŋgimai yan Anitâne nângâmû ârândâŋ olâkgât ki nângâm. Yawu otmâ den tâŋ tâŋâk ki sâam hâreyiŋgimai. Otmu buku nombotŋe yeŋgât weyeŋe ki nângâm tânyongomai. Otmu biwiyeŋe Anitâhâlenâk ki katŋetâ tatmap. Yakât otmâ hâmbâi Anitâne matŋe umatŋe yiŋgiwuap. <sup>24</sup>Yu ya otmai yakât den âlâen hâum sâwe. Lok nombotŋe senyeŋe bok sâsâŋane ki ekmâ mâtâp tâpikgumai. Yakât dopŋeâk yeŋe Anitâhât den bulâne ya betbaŋgim den tâŋât tâŋât ya lâum mansai. Yakât otmâ hâmbâi yakât matŋe umatŋe menomai.”

<sup>25</sup>Otmu torokatmâ yuwu sâop. “Bâe, Mosehât girem den kâsikum ningimai otmu Parisaio yenâmâ lok perâk, nimbilamyene yâhâp. Yakât otmâ den âlâen hâum yuwu sâwe. Imbi âlâne amaŋ mem hâkŋeâk pirimu biwiŋan sot wahapŋe yawuâk tatbuap. Yakât dopŋeâk yeŋe bukulipyeneŋe yekŋetâ yahalâkgât hâkyeŋeâk piriakmai. Yawu gârâmâ manman bâleŋe, me nângâm bâle, me orotmemeyene kiŋgoŋ ya biwiyeŋane nângâm. Yawu nângânetâ yaŋe mem bâleŋe tuhuyekmap. Yeŋgât topyeŋe yawu tap yamâ ki eŋakmâ naŋgaŋgimai. <sup>26</sup>Biwiyeŋan yawu tap gârâmâ aŋgoân yeŋe biwi nângân nângânyene ya sâam pitiaknomai. Yawu otnomai yanâmâ hâkgât wahap wuân me wuângât nângânetâ tâŋât otbuap. Yâhâ ki otnomai yamâ yiweŋe umatŋe teteyiŋgimap yu wangim umatŋe pato witgumâk teteyiŋgiwuap.

<sup>27-28</sup>Parisaio otmu Mosehât girem den kâsikum ningim mansai yeŋgât topyeŋe teteâkgât den âlâen hâum yuwu sâwe. Lok kurihyiekmain ya



yengât sum kakŋanâmâ awu tawu kâmetmunŋe baŋbaŋ sâm sekŋe âlepŋe otmâ imap. Yâhâ lâm kâlehenâmâ tâtuk sâm nane gorewaŋ yaŋe ololoŋ sâm kinmap. Yengât biwi nânŋân nânŋânyeŋe yamâ yakât dop. Yawu gârâmâ yeŋeâmâ hâkyeŋe piriakŋetâ salek olâkgâlâk nânŋâmai. Yamâ biwiyenânâmâ nane gorewaŋ yawu yaŋe tap. Yakât otmâ yuwu sâwe. Yengât biwi nânŋân nânŋânyenân Anitâhât den bulânŋe ki tatmap. Yakât otmâ hâmbâi Anitânŋe mem purik pilâyŋgimu matŋe umatŋe menomai.

**Parisaioŋe matŋe umatŋe menomai.**

*(Luka 11:47-51)*

<sup>29</sup>Otmu yeŋeâmâ yuwu sâmai. “Poropete lok, otmu lohimbi nombotŋeŋe âilonŋo loŋgo manmâ gam muwi ya yengât sumân awu tawu kâmetmunŋe baŋbaŋ sâm sekŋe âlepŋe otmâ imap.” <sup>30</sup>Yawu sâm yaŋak âlâmâ yuwu sâmai. “Bâe, anŋoânâk tâmbâlipnenŋe manbiân yan nenŋe manbin mâne poropete lok yu ki yongombâin.” Yawu sâmai. <sup>31</sup>Yakât yuwu sâmune nânŋâŋet. Emelâk tâmbâlipyeŋeŋe poropete yongoŋetâ muwi ya yengât yuwu sâmai. “Nenŋe tâmbâlipnenŋe yengât sen mansain.” Yawu sâmai. <sup>32-33</sup>Yakât otmâ tâmbâlipyeŋeŋe otminiwi yakât Anitânŋe matŋe umatŋe yŋgiwuap. Yawu gârâmâ tâmbâlipyeŋeŋe orotmeme bâleŋe otminiwi ya yeŋe yawuâk torokatmâ mansai yakât matŋe umatŋe dondâ yŋgiwuap. Yamâ yeŋe wangiyekmâ sânduhân mannomaihât dop âlâ ki tap. Yamâ bulânŋanâk teteyŋgiwuap.

<sup>34</sup>Otmu topyeŋe teteâkgât âlâ torokatmâ yuwu sâwe. Hoŋ bawalipne nombotŋe âi sâm yŋgimune yengâlen taka Anitâhât topŋe kâsikum yŋgim mannomai. Yamâ yeŋe nâhât den pat bialâkgât yongom mem ge katyeknomai. Nombotŋeâmâ howanân yongom kânânŋâyeknomai. Nombotŋeâmâ den âiân katyekmâ yongom mem âlâlâ tuhuyekŋetâ tiok taok otmâ arim kinnomai. <sup>35</sup>Yakât yuwu sâwe. Emelâk Anitânŋe ikŋe hoŋ bawalipŋe hânŋânyongomu denŋe lâum manmâ gawi ya gurâ yawuâk tâmbâlipyeŋeŋe nânŋâm bâleyŋgim yongom mem ge katyekbi. Yakât huhopŋe ya yeŋe menomaiâk. Yakât topŋe nânŋâŋetâ keterahâkgât yuwu sâwe. Embânŋân topŋe katmâ tâmbâlipyeŋeŋe lok âlâ, kutŋe Awe sâm, ya kuŋetâ muop. Otmu miti lok âlâ, kutŋe Sekaraia, yamâ opon kâmbukŋan hotom um bam gam kinmu yanâk kuŋetâ muop. <sup>36</sup>Yawu gârâmâ poropete lok kerek yongoŋetâ muwi yakât huhopŋe yen gurâ umatŋe menomaiâk.

**Yesuŋe Yerusalem kapi ambolipŋe mem ikŋan katyekbe sâm olop.**

*(Luka 13:34-35)*

<sup>37</sup>Bâe, Yerusalem kapi ambolipŋe yengât topyeŋe yuwu tap. Yengâlen âi meŋetgât Anitânŋe ikŋe hoŋ bawalipŋe hânŋânyongomu takaŋetâ

yongom mem ge katyekmai. Yakât otmâ den âlâen hâum yuwu sâwe. Pâi mâmânjaŋe kurâk sâam nanlipje dâiyekmâ kuratyongomu tatmai. Yakât dopjeâk menduhuyekmune nâhât hikinnan manjetgât sâaman. Yamâ yeŋe nâhât hâkân otmâ mansai. <sup>38</sup>Yawuhât Anitâŋe betyongomu kasalipyenjaŋe taka yongom watyekjetâ kapi yu kâwurumjaŋak kinbuap. <sup>39</sup>Yakât otmâ nâŋe pilâyekmâ ariwom. Benje sâp âlâen âwurem takamune nekmâ yuwu sâam eknohonomai. “Anitâ Kutdânenjaŋe tihitnenje otbe sâam mat hânġânġohomu taka. Yakât otmâ biwinenjaŋe heronje pato nanġain.” Yawu sâam eknohonomai.” Yesuŋe yawu sâop.

**Kasalipyenjaŋe taka opon kâmbukje huhum itonġ galaŋ menomai.**

*(Mareko 13:1-2; Luka 21:5-6)*

**24** <sup>1</sup>Yesuŋe menenekmu opon kâmbukje pilâm ge kambenenje kakjaŋbâ olelem ekmunje âlâ kândâkdâ olop. Yawu otmâ yuwu sâam âikuwin. “Pato, yu nânġâ. Opon kâmbukje pato nandoronje yu ekmunje âilonġo oap. Yakât ġâŋe ekdâ girawu oap? Ya sârâ nânġâne.”

<sup>2</sup>Sâmunje yuwu sâam eknongop. “Opon kâmbukje yu ekjetâ âilonġo lonġo oap yuâmâ hâmbâi kasalipyenjaŋe taka huhum gahaem senje âlâlâ kâlêhen tap yu mem itonġ galaŋ tuhonomai.” Yawu sâop.

**Umatje topje topje teteyiŋgiwuap yakât Yesuŋe sâop.**

*(Mareko 13:3-13; Luka 21:7-19)*

<sup>3</sup>Yawu sâam eknongomu nenje pumje âlâ, kutje Oliwa sâam, yan yâhâwin. Yan yâhâ yok pilâm Yesu yuwu sâam âikuwin. “ġâ opon kâmbukjaŋhât den eknongoat yakât bulâŋe sâp girawuân tetewuap? Yâhâ sâp pato tâlâhumu ġâŋe âwurem gewuat. Sâp yan wuân kulem tetemu ekmâ nânġâmunje keterakningiwuap?” Yawu sâwin.

<sup>4-5</sup>Sâmunje sâop. “Lok nombotjaŋe taka den perâkje yuwu sâam kâityongonomai. “Nâmâ Anitâŋe hânġânnohomu ge mansan.” Yawu sâam kâityongoŋetâ lohimbi dondâŋe denyenje nânġâm lohotje otmâ yâk yeŋġâlen torokatnomai. Yawu otmâ yeŋġât biwiyeŋan kionjetâ denyenje nânġâm yâk yeŋġâlen torokatmai hât galemyenje oraŋgim mannomai. <sup>6-8</sup>Otmu kuk kapam topje topje tetewuap yakât nânġâm ki gorâyŋgiwuap. Yawu otmâ yuwu nânġânomai. “Bâe, emet inânġan Yesuŋe eknongop yakât bulâŋe teteap. Yamâ yu tetewuapġât Anitâŋe embânġan sâam kalop.” Yawu nânġâm imbiâk nâhâitje “In yawu âwurem gewuap” yawu ki nânġânomai. Anġoân lohimbi hânġan kulemġan hânje mansai dondâhâlâkje kasa oraŋgim ahonomai. Otmu sâp yan po pato tetewuap. Otmu mososoŋ membuap. Yawu otmu umatje topje topje tetewuap yakât den âlâen hâum yuwu sâamune nânġânjet. Imbilipyenjaŋe naom mene sâam hâliliakmâ tatmâ memai. Hâliliakmâ tatmâ naom gemu yanâmâ hâkyenje sânduk sâmap. Yakât dopjeâk umatje topje topje

teteyiŋgiwuap yakât kakŋan âwurem gewom. Gemune yanâmâ pesuk sâwuap.

<sup>9</sup>Yâhâ mitihât kasaŋaŋe nâhât den pat âlepŋe nâŋgâŋetâ nahat otmâ hakyenjan sâm den âiân katyekmâ yongom mem âlâlâ tuhuyeknomai. Yanâmâ yen nombotŋe yongoŋetâ munomai. <sup>10</sup>Otmu hilipnongomai sâm yen nombotŋaŋe kiŋgityenjahât otmâ topyeŋe kurihiakmâ nâhât komolâmbâ hionjakmâ betyeŋehen kioŋmâ kasa oraŋginomai.

<sup>11</sup>Otmu sâp yanâmâ lok perâkŋe nombotŋaŋe yahatmâ yeŋahâlâk nâŋgâm yuwu sâm kâityongonomai. “Nenâmâ Anitâhât poropete bulâŋe mansain.” Yawu sâm kâityongoŋetâ lohimbi dondâŋe yâk yeŋgâlen torokatmâ hiliwahonomai. <sup>12</sup>Otmu lohimbi nombotŋaŋe bukulipyenŋe otŋetâ bâleâkgât bukulipyenŋe kendâyiŋgiŋetâ yâk yeŋgâlen torokatmâ sambe otnomai. Yawu otnomai yakât huhopŋe yamâ Anitâhât komolân gâtŋe nombotŋe hionjakmâ biwiyenŋe pâlâmŋe otmu buku ki oraŋgim mannomai. <sup>13</sup>Yawu gârâmâ umatŋe âlâlâ teteyiŋgiwuap yan lohimbi nombotŋaŋe Anitâhâlen biwiyenŋe kepeim sât gum mannomai. Yamâ Anitâŋe bulâŋanâk mem manman âlepŋan katyekbuap. <sup>14</sup>Yâhâ Anitâŋe lohimbi kerek yeŋgât tihityenŋe otbuap yakât den pat âlepŋe ya lohimbiŋe nâŋgâŋetâ bulâŋe otmu yâkâlen biwiyenŋe kepeinetgât yeŋe hânŋan kulemŋan ari ekyongonomai. Ekyongoŋetâ ârândâŋ otmu Anitâŋe hâŋgânnohomu âwurem gewom”. Yawu sâop.

**Yerusalem kapi itit kiom tuhuŋetâ kâwurumŋaŋak kinbuap.**

*(Mareko 13:14-23; Luka 21:20-24)*

<sup>15-16</sup>Yesuŋe kapam me âlâlâ umatŋe tetewuap yakât yuwu sâm eknongop. “Poropete âlâ, kutŋe Danie sâm, yâkŋe umatŋe topŋe topŋe tetewuap yakât emet inânŋan yuwu kulemguop tap.

“Kasalipyenŋe yeŋe lok kutdâ yeŋahât umutŋe lâum opon kâmbukŋan yâhâ kânâŋgâŋetâ kinbuap.” Yawu kulemguop.

Daniŋe den kulemguop ya nâŋgâm biwiyenjan katmâ mannomai. Otmu kasalipyenŋe taka yawu otŋetâ bâlewuap ya ekmâ yawuya otmâ yan hilipyongomaihât Yuraia hânân kapi tatmâ arap ya ambolipŋaŋe kapi yeŋe pilâm itoŋ galaŋ otmâ hewukŋehen ari misiŋguraknomai. <sup>17</sup>Otmu Yerusalem kapi ambolipŋaŋe gurâ yawuâk sururuk sâm ari misiŋguraknomai. Yawu otmâ emetyenjan yâhâ itâ pareŋe miakne sâm yakât ki nâŋgânomai. <sup>18</sup>Otmu lohimbi nep tuhuakmâ mannomaiŋe gurâ âwurem taka emetyenjan iri sikumyeŋe me senŋe âlâlâyeŋe ya miaknehât ki nâŋgânomai. Yawu otmâ in yawu sururuk sâm hewukŋehen ari misiŋguraknomai.

<sup>19-21</sup>Sâp yanâmâ imbi tepdâek umat karat mannomai. Otmu ŋaŋa hewâk hewâhâk mem hikakmâ manŋetâ wâtyeŋe ki tiŋ tiŋ sâwuap yaŋe hiliwahomaihât yeŋe Anitâ ulitgunomai. Otmu kasalipyenŋe to

yambu sâpŋan me tatmâ nâŋgâ nâŋgâ sâpŋan takamai sâm Anitâ yawuâk ulitgunomai. Kasalipyeŋaŋe takanomai yanâmâ umatŋe pato nandoroŋe kakyeŋan yâhâwuap. Kândikum Anitâ lohimbi katyelehop yapâek umatŋe yan yuwuya âlâ ki teteop. Yawu gârâmâ umatŋe kakyeŋan yâhâwuap yukât kakŋan yuwuya âlâ ki tetewuap. <sup>22</sup>Yakât otmâ Anitâŋe ikŋe lohimbilipŋe kerek hiliwahom metemaihât sâp ya mem tâlâwâk tuhuwuapgât sâm kalop.”

<sup>23</sup>Otmu sâp yan lok nombotŋaŋe nâhât yuwu sâm yen kâityongonomai. “Anitâŋe Yesu hâŋgâŋumu âwurem ge tihitnenŋe otbuap sâop yamâ emelâk hâŋgâŋumu endaken ge mansap.” Yawu sâŋetâ ki nâŋgâyŋginomai. <sup>24</sup>Sâp yanâmâ lok perâkŋe nombotŋaŋe kurihiakmâ oain sâm oain sâm yuwu sâm ekyongonomai. “Nâ galemyeŋe manbehât Anitâŋe âi sâm nihim hâŋgânnohomu ge mansan.” Yawu sâm nâhât lohimbi bulâŋe yaŋe yâk yeŋgâlen torokatŋetgât kulem topŋe topŋe menomai. Yawu otŋetâ yekmâ betyŋgim mannomai. <sup>25</sup>Yâhâ emet inânŋan den ekyongoan yu biwiyeŋan katmâ galem oraŋginomai.

<sup>26</sup>Yâhâ sâp yan lok nombotŋaŋe den mem yuwu sâm ekyongonomai. “Anitâŋe hâŋgâŋumu âwurem ge lok ki manmaiâŋgen mansap.” Yawu sâŋetâ yâk ekne sâm yaken ki arinomai. Me lok nombotŋaŋe den mem yuwu sânomai. “Anitâŋe hâŋgâŋumu âwurem ge wosaken me wosaken ge mansap,” sâm ekyongoŋetâ yâk yeŋgât den ya ki nâŋgânomai.

<sup>27</sup>Yakât torokatmâ sâwe. Nâ gewom yan yok pilâm ki gewom. Himbim belek sâmu laŋŋaŋe siliŋ siliŋ sâm nombotgembâ nombot otmâ haŋ sâmap yakât dopŋeâk Anitâŋe nâ lok bulâŋe hâŋgânnohomu âwurem gewom. Âwurem gemune lohimbi hânŋan kulemŋan mansai kerekŋe nâhât laŋŋe ekmâ topŋe nâŋgânomai. <sup>28</sup>Yâhâ umatŋe âlâlâ tetewuap yakât emet inânŋan ekyongom gaman. Yukât bulâŋe hâmbâi tetewuawân ekmâ topŋe nâŋgâm heŋgeŋgunomai.

**Yesuŋe âwurem gewe sâm otbuap yan kulem topŋe  
topŋe tetemu eknom.**

*(Mareko 13:24-27; Luka 21:25-28)*

<sup>29</sup>Umatŋe topŋe topŋe tetewuap yanâmâ hilâm gât emetsenŋe otmu omoŋgât emetsenŋe yamâ bok sâmu omoŋ sahakbuap. Omoŋ sahakmu pitu yaŋe himbimâmbâ pek sâm genomai. <sup>30</sup>Sâp yanâmâ Anitâŋe yâhâpŋe nâ hâŋgânnohomu âwurem gewom yan wâtne tetemu lohimbiŋe ekmâ kâi bât sân sân otmâ hu halak tuhunomai. Sâp yanâmâ Anitâŋe yâhâpŋe hâŋgânnohomu elem kulewoŋboŋ kakŋambâ gemune nekŋetâ sâtŋe otbuap. <sup>31</sup>Âwurem gewom yan aŋelone âlâŋe lâmunŋe kunmu aŋelolipne hâŋgâyŋongomune emetsenŋe gahaŋehen geheŋehen hân ewun embun arinomai. Ari nâhât lohimbi manman kârikŋahât pat Anitâŋe kuyŋgimu mannomai ya kerek menduhuyeknomai.

**Bândup baiako yakât dop.**  
(*Mareko 13:28-31; Luka 21:29-33*)

<sup>32</sup>Sâp yan âwurem gewom yakât nângânetâ keterahâkgât den âlâen hâum yuwu sâwe. Nenâmâ bândup baiako huhuakmu ekmâ yanâmâ “Emet kinbe sâm oap,” sâmain. <sup>33</sup>Yakât dopneâk hâmbâi den yan yukât bulâne tetemu ekmâ yuwu sânomai. “Âo, yu Yesuŋe emet inânjan den eknongop yakât bulâne tetemu eksain. Âwurem gewuapgât sâp tâlâhuap.” Yawu sânomai.

<sup>34</sup>Otmu den yan yuâmâ lohimbi âun yu mansai ki muŋetâek bulâne tetewuap. Yakât yuwu sâwe. Den yan yukât bulâne bulânâk tetewuap. <sup>35</sup>Yâhâ hân himbim pitu âlâlâ emelâk Anitâne kalop ya biatmâ metewuap. Yawu gârâmâ nâhât den yamâ ki biatbuap. Yamâ tat tat kârikne tatmâ yâhâmbisâp.

**Yesuŋe âwurem gewuap sâp ya ki nanŋain.**  
(*Mareko 13:32-37; Luka 17:26-30,34-36*)

<sup>36</sup>Sâp pato tetewuap yakât yuwu sâmune nângânet. Sâp gewom lohimbi kerekne yakât ki nanŋai. Otmu aŋelo himbimân tatmai yâkne gurâ yawuâk ki nanŋai. Otmu ninak gurâ ki nanŋan. Awoŋne himbim amboŋe ikŋahâk nanŋap. <sup>37-39</sup>Âwurem gewom yanâmâ pârâk sân sânâk gewom. Yâhâ âwurem gewom yakât sâpne tâlâhuwuap yanâmâ orotmeme girawuya otmâ mannomai yakât yuwu sâmune nângânet. Emelâk embânân Noaŋe manmu towat teteop dop yawuâk ya tetewuap. Emelâk Noaŋe manop yanâmâ lohimbi gulip malap manmâ yeŋe âi yeŋahâlâk nângâm manbi. Yawu manŋetâ Noaŋeâmâ waŋga kâlehen yâhâop. Yawu otmâ nen âlepne mansainâk sâm gulip malap manmâ gaŋetâ yan Anitâne nângâmu tonŋelâk pato gemu to niŋ niŋ sâm lohimbi kerek haranyongomu mum metewi. Yakât dopneâk lohimbi nombotŋe âlepne mansainâk sâm otŋetâ yan Anitâne yâhâpne nâ hângânnohomu âwurem gewom.

<sup>40</sup>Gewom yan lohimbi âi kalamyene tuhumi gulip malap mannomai yamâ Anitâne nombotŋe ya meyekbuap. Nombotŋe yamâ pilâyekbuap. <sup>41</sup>Yâhâ mâtâp mannomai gurâ nombotŋe meyekmâ nombotŋe pilâyekbuap. <sup>42</sup>Yawu gârâmâ nâ Kutdâyeŋe gewom yakât sâp yeŋe ki nanŋai. Yakât otmâ biwi golâ tatmâ sen galem otmâ mannomai. <sup>43</sup>Yakât den âlâen hâum yuwu sâwe. Kapi âlâ me âlâhât kasalipyeŋe sâp girawuân taka yongom itit kiom tuhuyiŋinimai yakât ki ekyongomai. Inâk pârâk sân sânâk takamaihât kapi ambolipŋe sen galem manmâ emet kapiyeŋe galemgunomai. <sup>44</sup>Yakât dopneâk Anitâne hângânnohomu âwurem gewom yakât sâp yeŋe ki nanŋai. Yakât otmâ biwi golâ manmâ mambotnihim yâhânomai. Yawu otnomai otmuâmâ âwurem gemune nekmâ heroŋe nângânomai.

**Hoŋ bawa âlepŋe bâleŋe yâk yetgât topyetŋe**  
(Luka 12:42-46)

<sup>45</sup>Yakât yâhâpŋe den âlâen hâum yuwu sâwe. Lok kutdâ âlâŋe kapiŋe pilâm kapi kâlepŋehen ari kandi manmâ âwurem tohowuap. Yaken ariwe sâm yan hoŋ bawaŋe âlâ galem sâm katmâ yuwu sâm ekuwuap. “Arimuneâmâ gâŋe nep lok nombotŋe galemyongowuat.” Yawu sâm ekum pilâyekmâ arimu galem yaŋe âi ya biwiŋaŋe mem galemyongomu âiloŋgo mannomai. <sup>46</sup>Yawu otmâ galemyongowuap otmuâmâ patoŋaŋe âwurem taka heronŋe otbaŋgiwuap. <sup>47</sup>Yawu otbaŋgim galem pato katmu ikŋe senŋe âlâlâŋe yakât galem otbuap. <sup>48</sup>Yâhâ purik pilâm sâmune nâŋgâŋet. Hoŋ bawa yaŋe biwiŋaŋe yuwu nâŋgâm âi ya hilipguwuap. “O, lok kutdâne arap yuâmâ in yawu ki takawuap. Yamâ sâp kâlep manbuap yakâ. Yakât otmâ wongât nâŋe âi yu membom?” <sup>49</sup>Yawu sâm biwiŋaŋe pâlâmŋe otmu ki galemyongom heŋgeŋguwuap. Yawu manmâ to kârikŋe nem biwi hâlim otmu umatŋe topŋe topŋe teteyiŋgiwuap. Yawu otmâ lok bâleŋe yeŋgâlen torokatmâ ki orotŋe otmâ manbuap. <sup>50-51</sup>Yawu otmâ biwiŋaŋe pâlâmŋe otmu patoŋaŋe pârâk sân sânâk taka kuk otmâ kum yaehen pilâmu ge hâhiwin nâŋgâm yâhâmbisâp.” Yawu sâm eknongop.

**Imbi sihan bât nombot nombot hârok yan Yesuŋe hâum sâop.**

**25** <sup>1</sup>Yesuŋe sâp patoen âwurem gewuawân Anitâŋe menenekmâ ikŋan katnenekbuap yakât den âlâen hâum yuwu sâop. “Lok sihan âlâŋe imbi membuap yâkât pat kuwaŋgiwi. Otmu ya taka membom sâm den katmu takaop. Yamâ imbi membuap yakât bukulipŋe bâtnombot nombot hârok menduhuakmâ ari mâtâwân kinmâ mambotbaŋgiwi. <sup>2-4</sup>Otmu yâk yeŋgâlen gâtŋe imbi mome yamâ biwiyeŋe golâek manmâ lambe otmu lambe toŋe yâhâp yâhâp miakmâ ariwi. Yâhâ imbi mome âlâmâ biwi pâlâmŋe manbi yakât otmâ lambeyeŋe ya toŋe saŋ sâop. Otmu lambe toŋe gurâ ki kâsikum miakmâ ariwi. <sup>5</sup>Yawu manŋetâ sâp kâlêwâk otmu amangât yekmu iwi.

<sup>6</sup>Im tatŋetâ omoŋ derepŋan lok yaŋe takaop. Takamu kapi yakât mâtâpŋgât galemŋe kinop yaŋe ekmâ ekyongop. “Wa, aman aman. Imbi pat kuwaŋgiwi lok ya takawo. Yakât otmâ yahatmâ ari penewaŋgiŋet.” <sup>7</sup>Yawu sâm mândiyekmu yahatmâ ariwi. Yawu otmâ lambeyeŋe toŋe orowâk mem manbiŋe tipiŋe âlâ sem talop ya meŋetâ laŋinŋe pato olop. <sup>8</sup>Yawu otŋetâmâ bukulipyenŋe yuwu sâwi. “O, nenâmâ lambe toŋe bia. Yakât otmâ nombotŋe gâim ningiŋet.” sâm ulityongowi. <sup>9</sup>Sâŋetâ sâwi. “Bia, to yu dopnenŋanâk miain. Yawu gârâmâ yeŋak aŋgim bero emetŋehen ari puluhum miakmâ takaŋet.” <sup>10</sup>Yawu sâŋetâ aŋgim bero emetŋehen ba ariwi. Ari yaken manŋetâ bukulipyenŋe ge lok ya penewaŋgiŋetâ orowâk emet kâlêhen yâhâ gahatŋe maŋgum sot newi.

<sup>11</sup>Nem tatŋetâ imbi nombotŋe ya belângen taka yuwu sâwi. “O, lok pato, gahatŋe meningirâ kâlehen gane.” <sup>12</sup>Sâŋetâ sâop. “Bia, ba arinŋet. Nâ ki nânġayingian. Yen wonân gâtŋe?” Yawu sâw watyehop.

<sup>13</sup>Yakât topŋe yuwu sâmunne nânġâŋet. Nâ sâp girawuân takawom ya yen ki nanġai. Yakât otmâ galemahom heŋgenġum nâhât sen dâi dâi otmâ mannomai.

**Lok hilâm ihi, konam yakât topŋe**  
(Luka 19:11-27)

<sup>14</sup>Otmu den âlâen hâum sâmunne nânġâŋet. Lok âlâŋe kapi kâlepŋehen ariwe sâw âi loklipŋe yongonmu gaŋetâ yuwu sâw ekyongop. “Senŋe âlâlâ tatnihiap yu galemġum mannomai.” Yawu sâop. <sup>15</sup>Yawu sâw âi loklipŋe tewetsenŋe mem dopyeŋan âlâku ikŋiâk ikŋiâk yinġiop yamâ yuwu. Âlâmâ 5,000 kina yakât dop waŋmu miop. Âlâmâ 2,000 kina yakât dop waŋmu miop. Bâiŋeâmâ 1,000 kina yakât dop waŋmu miop. Yawu yinġim yaŋak pilâyekmâ ariop. <sup>16</sup>Yâhâ 5,000 kina yakât dop miopŋeâmâ âi topŋe topŋe tuhum yan 5,000 kina âlâkuâk tâtâem miop. Ya mem menduhumu 10,000 kina yakât dop olop. <sup>17</sup>Otmu 2,000 kina yakât dop miopŋe âi topŋe topŋe tuhumu 2,000 kina dop âlâ tetemu 4,000 kina yakât dop olop. <sup>18</sup>Yâhâ 1,000 kina yakât dop miopŋe âi ki tuhuop. Yâkŋeâmâ tewetsenŋe ya mem itâ hambuŋan mânunġmâ tuŋgu topŋan katmu in tatmâ gaop.

<sup>19</sup>Otmu patoyeŋaŋe sâp kâlep manmâ âwurem takaop. Taka âi loklipŋe tewetsenŋe yinġiop ya yongonmu gaŋetâ âlâku ikŋiâk ikŋiâk yuwu sâw âiyongop. “Tewetsenŋe yinġiwan yaŋe mem âi tuhuŋetâ amon teteap?” Yawu sâw âi yongop. <sup>20</sup>Yâhâ lok 5,000 kina miopŋeâmâ 5,000 kina yâhâpŋe teteop ya mem ga yuwu sâw ekuop. “Lok pato, gâŋe 5,000 kina nihion yaŋe mem âi tuhumune âlâku 5,000 kina teteop.” Yawu sâw bâtŋan kalop. <sup>21</sup>Bâtŋan katmu patoŋaŋe yuwu sâw ekuop. “Âi mendâ âilonġo oap. Yakât otmâ tepne heronŋe nânġâm âi âlâ torokatmâ gihimune galemġuwuat.” Yawu sâop.

<sup>22</sup>Yawu sâwu arimu lok 2,000 kina miopŋe ga ekuop. “Lok pato, gâŋe 2,000 kina nihion yaŋe mem âi tuhumune âlâku 2,000 kina teteop.”

<sup>23</sup>Yawu sâw waŋmu sâop. “Âi mendâ âilonġo oap. Yakât otmâ tepne heronŋe nânġâm âi âlâ torokatmâ gihimune galemġuwuat.” Yawu sâop.

<sup>24</sup>Yawu sâwu arimu lok 1,000 miopŋe ga ekuop. “Lok pato, gâhât topge nânġâm heŋgenġuan. Gâ lok sâtŋe. Lok âlâ me âlâŋe gâhât nep kâmetŋetâ âlemap yamâ gikahâk nemat. Yawu otmat yakât sâŋetâ nânġâman. <sup>25</sup>Yakât otmâmâ gâhât kiŋgitnahât otmâ tewetsenŋe nihion ya biatgihimap sâw itâ hambuŋan mânunġmâ katmune tatmâ gamap.” Yu mem yawu sâw waŋop.

<sup>26-27</sup>Sâwu sâop. “Gâ lok konam. Nâhât topne emelâk nanġat. Lok âlâ me âlâŋe nâhât nep kâmetŋetâ âlemap yamâ ninahâk neman. Yakât otmâ

gâŋe tewetsenŋe gihiwan yu mem kât emetŋan katdâ tatmu tewetsenŋe âlâkuâk teteop mâne gâŋe mem bâtnan katdâ ârândânŋ otbâp. <sup>28</sup>Yawu ki olon yakât yuwu nanŋan. Bukuhaŋe 5,000 kina mem kinsapŋe nâhât tem lâum âi torokatmâ tuhum gap. Yakât otmâ gâhât bâtgambâ 1,000 kina yu mem bukuhe waŋbom. <sup>29</sup>Yakât yuwu sâmunne nânŋgâŋet. Anitâŋe lok âlâ me âlâ âi sâm yinŋimu biwiyenŋe kepeim tuhumai yâhâmâ tâtâem mâmâŋe otyinŋimu âilonŋoâk tuhumai. Yawu gârâmâ lok âlâ me âlâ âi sâm yinŋimu ki tuhumai yâhâmâ betyongomap. <sup>30</sup>Yakât otmâ lok konam imap yu watŋetâ yaehen ge hemgât pat manmâ hâhiwin nânŋâm hu halak tuhumbisâp.” Yawu sâop.

**Yesuŋe âwurem ge mem kâsip misip tuhunenekbuap.**

<sup>31</sup>Yesuŋe den âlâ torokatmâ yuwu sâop. “Âwurem ge mem kâsipyongomune komot yâhâp otŋetâ matŋe yinŋiwom yakât sâwe. Anitâŋe yâhâpŋe hânŋânnohomu purik sâm gewom yanâmâ anelolipne kerek meyekmune yenŋât den sâm hâreyinŋinomgât genom. <sup>32</sup>Yakât otmâ den âlâen hâum yuwu sâwe. Lama otmu noniŋ konohân kinŋetâ galemŋe hohetyeŋan ba kinmâ mem ketetyekbuap. Ketetyekmu yan lama komot ikŋiâk otmu noniŋ komot ikŋiâk kinnomai. <sup>33</sup>Nâŋe dop yawuâk lohimbi kerek mem ketetyekbom. Nombotŋe nine pat mannomai yamâ bonâŋen katyekbom, otmu nombotŋe hemgât pat mannomai yamâ kanehen katyekbom. <sup>34-36</sup>Otmu nine lohimbi Anitâŋe hân himbim ki kalowân yan manman kârikŋahât pat kuyinŋiop yâhâmâ yuwu sâm ekyongowom. “Nâ sotgât muwan yanâmâ um nihiŋetâ newan. Me tohât hân hânâk nehop yanâmâ osom nihiŋetâ newan. Me yenŋâlen pup takawan yanâmâ buku otnihiwi. Me kundat tetenihiop yanâmâ tihitne otbi. Me senŋe âlâlâhât umburuk otban yanâmâ tânnohowi. Me papatolipnaŋe pâi emetŋan mem katnekŋetâ tatban yan nâhât tepyeŋe nânŋâm buku otnihiwi. Yawu otnihiminiwi yakât awonŋe tihit ambonaŋe manman kârikŋan katyekmu manmâ yâhânomai.” Yawu sâm ekyongowom.

<sup>37</sup>Ekyongomune sânomai. “Lok pato, gâŋe den eknongoat yu nânŋâmunŋe ki keterakningiap. Sâp girawuân sotgât, me tohât, me âlâlâhât sârâ buku otgihiwin? <sup>38</sup>Me sâp girawuân nengâlen takarâ pupŋe gekmâ yan buku otgihiwin? <sup>39</sup>Me pâi emetŋan talon yan, me kundat umatŋe topŋe topŋe tetehihowân nen yawu tângohowin? Nenâmâ yawu ki otgihiwin nanŋain.” Yawu sânomai.

<sup>40</sup>Sâŋetâ sâwom. “Yeŋe nâhât komolân gâtŋe âlâ me âlâ geheŋe manbi ya tânyongowi. Yawu otbi yamâ yâk otyinŋiain sâm nâ otnihiwi.” Yawu sâwom.

<sup>41-43</sup>Yawu sâm ekyongom benŋe kanehen kinnomai ya yuwu sâm ekyongowom. “Nâŋe sotgât po nihimu manban yan ki um nihiŋetâ



newan. Me tohât hâŋ hânâk nehôp yan ki osom nihiŋetâ newan. Me yengâlen pup takawan yan dâinekmâ emetyeŋan yâhâ ki katnekbi. Me senŋe âlâlâhât umburuk otbanân ki tânohowi. Me kundat umatŋe tetenihiop, me pâi emetŋan mem katnekŋetâ tatban yan gurâ ki taka buku otnihiwi. Yawu otnihiminiwi yakât Anitâŋe emelâk kâlâpgât pat kuyiŋgimu tap. Yeŋe pilânekmâ Satan otmu hoŋ bawalipŋe yengâlen torokatmâ orowâk tatŋetâ kâlâpŋe seyekmu hâhiwin nânŋâm yâhâmbisâi.”

<sup>44</sup>Yawu sâŋ ekyongomune yâkŋe yuwu sâŋ buiaknomai. “Sâp girawuân gâŋe sotgât, me tohât, me senŋe âlâlâhât sârâ ki tângohowin? Me sâp girawuân nengâlen pup takarâ emelan ki dâihekmâ yâhâ katgekbin. Me kundat tetehihowân, me pâi emetŋan katgekŋetâ talonân yan ki tângohowin? Yakât sârâ nânŋâneâyâ.”

<sup>45</sup>Yawu sâŋ buiakŋetâmâ yuwu sâwom. “Yeŋe nâhât komolân gâtŋe âlâ me âlâ geheŋe manbi ya ki tânyongowi. Yawu otbi yamâ yâk otyiŋgiain sâŋ nâ otnihiwi.” Yawu sâwom. <sup>46</sup>Yawu sâŋ hâpunmâ pilâyekmune kâlâp pato sem kilik kilik sâŋ kinmawân kioŋnomai. Yâhâ lohimbî nombotŋe nâhât pat mansai yamâ meyekmune nine manmanân torokatmâ ya ambokum heroŋ maroŋ manmâ yâhâmbisâi.” Yawu sâop.

#### Yesu muâkgât den hikuwi.

(Mareko 14:1-2; Luka 22:1-2; Yoane 11:45-53)

**26** <sup>1</sup>Yesuŋe den yawu sâŋ tiŋ pilâm benŋe girawu tetewaŋgiwuap yakât nen hoŋ bawalipŋe eknongop. <sup>2</sup>“Halihu Tihit tihit hombaŋ tetemu yanâmâ Anitâŋe nanŋe bulâŋe nâ hânŋânnohomu gewan yakât toŋŋe teteâkgât howanân nohom kânânŋâneknomai.” Yawu sâop.

<sup>3-4</sup>Sâp yanâmâ hotom uminiwi yengât kunlipyeŋe otmu Yura nengât papatolipnenŋaŋe Kaipasihât emelan yâhâ menduhuakmâ Yesu kumunŋe mumbuap sâŋ yakât den hikuwi. <sup>5</sup>Yawu gârâmâ Yesu mem kuŋetâ mumu lohimbîŋe ekŋetâ kuk pato tetemapgât yok pilâm in yawu kumunŋe mumbuap yakât den hikuwi.

#### Imbi âlâŋe to kukŋe mem Yesuhât kunŋan motelemu giop.

(Mareko 14:3-9; Yoane 12:1-8)

<sup>6</sup>Sâp yanâmâ Yesuŋe menenekmu Betani kapiân yâhâwin. Yan yâhâ lok âlâ, kutŋe Simon sâŋ, hâk bâle tetewaŋgimu manminiop ya heŋgeŋguop yâkât emelan yâhâ orowâk tatmâ sot newin. <sup>7</sup>Sot nem tatmunŋe imbi âlâŋe to kukŋe suk sukŋe âlâ, hâmeŋe yahat yahatŋe, ya mem emelan tatbinân gaop. Yâhâ to ya mem Yesuhât kunŋan motelemu giop. <sup>8</sup>Motelemu gemu nen Yesuhât hoŋ bawalipŋaŋe ekmunŋe ki ârândânŋ otmu yuwu sâwin. “Wongât to kukŋe suk sukŋe yu imbiâk mem motelemu kunŋan giap. Ya ekmunŋe ki ârândânŋ oap. <sup>9</sup>Nenŋe to yu

âlepne mem arimunje lok nombotjane puluhujetâ yakât hâmeje mem lok umburuk mansai yawu ya tânyongombâingât dop.” Yawu sâwin.

<sup>10</sup>Yawu sâmunje Yesuje nângâmu ki ârândân otmu yuwu sâop. “Imbi yujeâmâ kulem oap yukât wongât nângâjetâ bâleap? Nâje nângâmune âilonjo oap. Yakât yuwu sâmune nângâjet. <sup>11</sup>Lok umburuk mansai yamâ sâp kâlep manjetâ tânyongonomaihât dop tap. Yâhâ nâmâ sâp kâlep ki otmuâk pilâyekbom. <sup>12</sup>Nâmâ mumune hannohonomai yakât mâtâp menihim imbi yuje to kukje suk sukje ya motelemu kunnan giap. <sup>13</sup>Yakât yuwu sâmune nângâjet. Nâhât den pat âlepne yu hânjan kulemjan ari ekyongonomai. Otmu imbi yuje kulem otnihiap yukât den pat ya gurâ yawuâk ekyongonetâ nângânomai.” Yawu sâop.

**Yurasije Yesu betnehen kionjuapgât sâop.**

*(Mareko 14:10-11; Luka 22:3-6)*

<sup>14</sup>Otmu sâp yan Yesuhât hoj bawalipje kâiân yâhâp manbin. Gârâmâ bukunenje âlâ, kutje Yurasi sâp, yâkje hotom uminiwi yengât kunlipeje yengâlen ariop. <sup>15</sup>Ari yuwu sâp âiyongop. “Yesu wosan tap yan dâiyekmâ arimune menomai yakât matje wuân nihinomai?”

Sâmu sâwi. “Yakât hâmejeâmâ nenje kât nanje 30 gihinom.” Yawu sâp kât nanje ya wanji. <sup>16</sup>Wanjetâ miakmâ yakât kakjan girawu otmâ lohotjan menomaihât nângâm manop.

**Yesuje hoj bawalipje orop sot newi.**

*(Mareko 14:12-21; Luka 22:7-14,21-23; Yoane 13:21-30)*

<sup>17</sup>Otmu Tihit tihit Hombaŋ ya kutje âlâmâ Natic Hombaŋ ya tâlâhumu nenje yuwu sâp Yesu âikuwin. “Natic Hombaŋ tâlâhuap yakât hândâhân lohimi dondâje menduhuakmâ sot um nenomai. Yakât otmâ emet wosan ari sot umunje orowâk nenom?”

<sup>18</sup>Sâmunje sâop. “Yerusalem kapiân yâhâ lok âlâ mem tetem yuwu sâp ekuomai. “Nengât bawapinenŋaje yuwu yap. “Emelâk nâhât sâp tâlâhuap. Yakât otmâ nâje hoj bawalipne meyekmune gâhât emelan yâhâ menduhuakmâ sot um nenom.” Yawu yap.” Yawu sâp ekuomai.” Yesuje den yawu sâp eknongop. <sup>19</sup>Otmu nenje Yesuje sâop yawuâk menduhuakmâ sot newin.

<sup>20</sup>Emet omoj otmu menduhuakmâ sot nem tatmunje yuwu sâp eknongop. <sup>21</sup>“Yuwu sâmune nângâjet. Yengâlen gâtje lok âlâje betnehen kionmâ kasalipne yengât bâtyejan mem katnekuap.” Yawu sâop.

<sup>22</sup>Yawu sâmu nângâm biwinenŋaje umatje otmu yakât topje nângâne sâp nenje ikniâk ikniâk yuwu sâp âikuwin. “Kutdâ, gâ nâhât me âlâhât yat?”

<sup>23-24</sup>Yawu sâp âikumunje yuwu sâp eknongop. “Anitâje sâmu kulemguwi yakât bonje nâhâlen tetemu nohojetâ mumbom yakât sâp

tâlâhuap. Yakât otmuâmâ yengâlen gâtŋe âlâŋe oto konohân nâ orop sot nendomait yâkŋe betnehen kioŋmâ kasalipne meyekmâ takawuap. Yawu otnihiwuap yakât matŋe hâmbâi umatŋe dondâ membuap. Yakât otmâ mâmânŋe ki mem ga katbâp yamâ mem ga kalop yawu naŋgan.” Yawu sâop.

<sup>25</sup>Yawu sâmu yanâk Yurasiŋe âikuop. “Lok pato, den yat yu nâhât mon yat?”

Sâmu sâop. “Nâ gâhât yan.”

#### Natik newi.

*(Mareko 14:22-26; Luka 22:15-20; 1 Korinti 11:23-25)*

<sup>26</sup>Otmu sot nem tatbin yan Yesuŋe baŋga mem Anitâ mepaem motokmâ ningim yuwu sâm eknongop. “Yu mem neŋet. Yuâmâ nâhât sunumne yawu oap.” Yawu sâop.

<sup>27</sup>Ningimu nemunŋe yanak wain to mem Anitâ yâhâpŋe mepaem gâim ningim yuwu sâm eknongop. “Yen to yu mem neŋet. <sup>28</sup>To yuâmâ nâhât hep yawu oap. Gârâmâ nohoŋetâ hepne gamu mumbom Anitâŋe nâhât nâŋgâm den sâm kalop yakât bulâŋe tâŋ tâŋâk tetewuap. Yawu otmu lohimi kerek yengât tosayeŋe Anitâŋe pilâyŋgiwuapgât mâtâp tetem heŋgeŋguwuap.

<sup>29</sup>Nâ sâp yiwereŋe wain to yu yen orowâk ki nem yâhâwom. Yawu gârâmâ yu nemunŋe ki pesuk yap. Hâmbâi Anitâŋe âlâkuâk hâŋgânnohomu âwurem gewom yanâmâ yen orowâk nem yâhânom.” <sup>30</sup>Yawu sâm tiŋ pilâmu yapâ yahatmâ Anitâ mepaem kiki mewaŋgim ya pilâm Oliwa pumŋan yâhâwin.

#### Petoroŋe betbaŋgiwuap yakât Yesuŋe sâop.

*(Mareko 14:27-31; Luka 22:31-34; Yoane 13:36-38)*

<sup>31</sup>Mâtâwân yâhâm tatmunŋe yuwu sâm eknongop. “Anitâŋe emet inânŋan poropete âlâ den ekumu kulemuop ya yuwu tap.

“Nâŋe sâmune lama yengât amboyeŋe ya kuŋetâ mumbuap. Otmu yâk watmâ manmai ya hârok gem tiok taok otmâ arim kinnomai.” Yawu kulemuop tap.

Den yakât bonŋe yu tetewe sâm oap. Yakât otmâ kasalipnaŋe taka menekŋetâ yen kerekŋe kiŋgityeŋahât otmâ gem tiok taok otmâ arinomai. <sup>32</sup>Menekmâ ari nohoŋetâ mumbom yamâ benŋe mumuŋambâ yahatbom. Mumuŋambâ yahatmâ Galilaia hânân ari mambotyŋgim tatmune yen aksihâk ariŋetâ menduhuaknom.” Yawu sâop.

<sup>33</sup>Yawu sâmu Petoroŋe yuwu sâm ekuop. “Gâhât kasa takanomai yan yâkŋeâmâ kiŋgityeŋahât otmâ arinomai. Yâhâ nâmâ bia, nâ ki pilâhekmâ ariwomgât naŋgan.” Yawu sâop.

<sup>34</sup>Sâmu sâop. “Naŋgat. Gâŋe omoŋ yukâlâk nâhât “Ki nâŋgâwâŋgian,” sâwuat. Yawu sârâ kalimbuŋe otbuap yanâmâ gokorok isewuap.” Yawu sâop.

<sup>35</sup>Sâmu sâop. Nâmâ gê orowâk tatdom. Yawu tetehihimu nâje gê ki pilâhekmâ ariwom. Me kiŋgitnahât gurâ ki otbom. Nâje gâhât topgahât ânohoŋetâ ki kurihiwom. Me gohone sâm otnomai yan gurâ nâ orowâk tatmutŋe notgonomai.” Yawu sâop. Yawu sâmu nenŋe gurâ yâkŋe sâop yawuâk sâwin.

**Yesuŋe Oliwa pumŋan yâhâ Anitâ ulitguop.**

*(Mareko 14:32-42; Luka 22:39-46)*

<sup>36</sup>Ari kapi âlâ, kutŋe Gesemane sâm, yan ariwin. Yan ari Yesuŋe yuwu sâm eknongop. “Yen yuân tatŋetâ nâje pereŋ pilâm ba awoŋ orop den tipinŋe alahure.” Yawu sâmu yan ge tatbin. <sup>37</sup>Yan ge tatmunŋe Petoro, otmu Yeweri nanyâhâtŋe meyekmu yeŋiâk bawi. Ba kinmâ umatŋe tetewaŋgiwe sâm olop yakât nâŋgâmu biwiŋaŋe umatŋe otmu yuwu sâm ekyongop. <sup>38</sup>“Yen yuân galem tatŋet. Hâkne biuk sâmu biwine umatŋe dondâ oap.”

<sup>39</sup>Yawu sâm ekyongom pereŋ pilâm ge pare im Anitâ ulitgum yuwu sâop. “O awoŋ, umatŋe tetenihiwe sâm oap yu nâŋgârâ ki teteâkgât nanŋan. Yawu gârâmâ nâhât ombe watmâ ki otbuat. Gike ombeheâk watmâ otbuat.” Yawu sâop.

<sup>40</sup>Yawu sâm yahatmâ âwurem ba yekmu aman pâlâmŋe iŋetâ mândiyekmâ Petoro yuwu sâm ekuop. “Yen wongât aman pâlâmŋe iai? Nâ yiwereŋe pilâyekboman. Yakât pâlâmŋe ki otŋet. <sup>41</sup>Biwiyeŋeâmâ heweweŋ oap. Yâhâ wâtyeŋeâmâ houŋ sâmu aman iai. Yen lohotŋe otmâ pilânekmaihât golâek tatmâ Anitâ ulitguŋet.” Yawu sâop.

<sup>42</sup>Yawu sâm yâhâpŋe purik sâm ba Anitâ ulitgum sâop. “Awoŋ, sâp yiwereŋe umatŋe yu tetenihiwomap. Yakât mâtâp âlâ menihiwuatgât dop ki otbuap otmuâmâ nanŋat yawuâk teteâk. Gike ombeheâk watmâ otbuat.” Yawu sâop. <sup>43</sup>Yawu sâm yahatmâ âwurem ba hoŋ bawalipŋe yeksan mâne aman pâlâmŋe iwi.

<sup>44</sup>Yawu otŋetâ kalimbuŋe âwurem ba den sâop yawuâk sâm ulitguop. <sup>45</sup>Âwâŋe orop den otmutâ pesuk sâmu âwurem ba hoŋ bawalipŋe mândiyekmâ sâop. “Bâe, yen nanŋai me? Wongât aman pâlâmŋe im tai? Emelâk Anitâŋe yu otbomgât hâŋgânnohomu gewan. Yakât topŋe teteâkgât kasalipnaŋe menekmâ ari hilipnohomai yakât sâp tâlâhuap. <sup>46</sup>Bâiŋ, yen yahatmâ enda yekŋet. Nâhât den halop alahum mansai. Gârâmâ yeŋgâlen gâtŋe betnehen kiŋsapŋe taka kinsap. Yakât yahatŋetâ ba yekne.” Yawu sâop.

**Yesu mewî.**

*(Mareko 14:43-50; Luka 22:47-53; Yoane 18:3-12)*

<sup>47</sup>Yawu sâm eknongomu yanâk hotom uminiwi ya yeŋgât kunlipyeŋe otmu Yura nengât papatolipnenŋaŋe lok sesenŋâlâk hâŋgânyongoŋetâ

bukunenŋe Yurasiŋe dâiyekmu Yesu mene sâŋ takawi. Takaŋetâ nen orop ahomaingâtbân nâŋgâm kapamgât wahap miakmâek takawi. <sup>48</sup>Lok takawi ya Yurasiŋe kulem girawu otmu menomai yakât yuwu sâŋ ekyongop. “Yesu ya parahumune ekmâ yanâk ga menomai.” Yawu sâŋ ekyongom dâiyekmu takawi.

<sup>49</sup>Gotnenŋan takamâmâ kasa ya kinŋetâ Yurasiŋe Yesu gotŋan tâŋ tâŋâk ga parahum yuwu sâop. “O, patone, mandâ manman.” Yawu sâŋ parahuop.

<sup>50</sup>Yawu otmu Yesuŋe yuwu sâŋ ekuop. “O bukune, girawu nâŋgâm takat ya âlepŋe ot.” Yawu sâmu kasalipŋaŋe in yawu ga mewi.

<sup>51</sup>Meŋetâ kinmu yanâk nengâlen gâtŋe âlâŋe yahatmâ tewetŋe mem hotom uminiwi ya yeŋgât kunyeŋahât hoŋ bawa ya ândâpŋe nombot topŋambâek kârâm hâreop. <sup>52</sup>Kârâm hâremu Yesuŋe ekmu bâlemu yuwu sâŋ ekuop. “Ya otdâ bâleap. Yu oat yukât matŋe hâmbâi tewet yuŋahâk purik sâhilihimagât ya pilâ.” <sup>53</sup>Gâ nâhât topne ki nanŋgatgât yawu oat. Nâŋe âlepŋe awoŋne ekumune aŋelolipŋe kiŋgitŋe orowâkŋe tânohoŋetgât hâŋgânyongomu ge kasalipne yu yongom watyekŋetâ arinomaihât dop tap. <sup>54</sup>Yawu gârâmâ awoŋ ekumune aŋelolipŋe hâŋgânyongomu yawu otbâiâke yamâ ikŋak âi sâŋ nihiop yakât mâtâp maŋguŋetâ bonŋe ki tetewuap. Yakât otmâ sâŋ nihiop ya ârândâŋ olâkgât nanŋan. Yawu sâop.

<sup>55</sup>Yawu sâŋ kasalipŋe yuwu sâŋ ekyongop. “Yen unam tewet otmu kapamgât sâtŋe metŋe âlâlâ mem takai. Yeŋe nâhât lok bâleŋe sâŋ menekne sâŋ takai me? Me lok bâleŋe âlâ kune sâŋ takai? Ya ekumune bâleap. Hilâm ârândâŋ nâmâ Anitâhât opon kâmbukŋan yâhâ den kâsikum yingim gaman. <sup>56</sup>Yan bân menekbâi yamâ emet inânŋan Anitâŋe poropetelipŋe den ekyongomu kulemguwi yakât bulâŋe âun teteap.” Yawu sâmu ekmunŋe hâknenŋe biuk sâmu yahatmâ tiok taok otmâ arim kinbin.

### **Yesu muâkgât sâŋ den hakŋan sâwi.**

*(Mareko 14:53-65; Luka 22:54-55,63-71; Yoane 18:13-14,19-24)*

<sup>57-58</sup>Nenâmâ kerehâk kiŋgitnenŋahât otmâ gem tiok taok otmâ arim kinmunŋe Petoroŋe ikŋiâk betyeŋehen tihâk watyekmâ ariop. Otmu hotom uminiwi ya yeŋgât kunyeŋe, kutŋe Kaipa sâŋ, yâkâlen Yesu mem ariwi. Mem ariwi sâp yanâmâ Mosehât girem den kâsikum ningiminiwi otmu Yura nengât kunlipnenŋaŋe menduhuakmâ kinbi. Menduhuakmâ kinŋetâ Petoro yâhâmâ emet ginŋan tembe lâuŋe emet yakât galem kinbi ya yeŋgât hohetyeŋan ari kinmâ den girawu hikunomai sâŋ yakât ândâp katmâ nâŋgâop.

<sup>59</sup>Ândâp katmâ nâŋgâmu âi pâi tuhuwi. Otmu girawu tuhumunŋe muâkgât den golâ topŋe topŋe gahaem hakŋan sâwi. <sup>60</sup>Yawu otmâ lok

dondâne den girawuân hâum sânetâ kunlipyenane nângânetâ ârândân otbuap yakât pâpguwi. <sup>61</sup>Yawu gârâmâ hohetyenjan gâtne lok yâhâp yane yahatmâ emelâk Yesune den sâop ya nângâm hilipgum den imbiâk hakjan sâowot. “Lok yuñeâmâ yuwu sâmu nângâwit. “Anitâhât opon kâmbukne emelâk tuhuwi yuâmâ nâ niniâk liakum yâhâpne hilâm kalimbu kâlehen tuhum manguwom. Lok âlâ me âlâne ki tânnohonomai.” Yawu sâop.” Yawu hakjan sâmutâ Yesune olotojâk kinop.

<sup>62</sup>Olotojâk kinop yakât Kaipane yahatmâ kinmâ Yesu yuwu sâm ekuop. “Gâ wongât otmâ den âlâlâ âihohomunne yakât matne ki kâpeksat? Yawu otdâ ekmunne ki ârândân oap.” Yawu sâop. <sup>63</sup>Yawu sâmu benne Yesune yâhâpne olotojâk kinop. Olotojâk kinmu witgum sâop. “Bâinj witgumâk âihohowe. Anitâ manman ambonahât senjan âihohowoman yukât matne sârâ nângâne. Gâ Anitâne ikne nanne bulâne ya hângângohomu ge yu mansat me bia? Sârâ nângâne.” Yawu sâop.

<sup>64</sup>Sâmu sâop. “Yu yat yakâ. Nâmâ Anitâne hângânnohomu gewan. Yawu gârâmâ hâmbâi Anitâne wâtne nihim âlâkuâk hângânnohomu elem kulewojboj kakjambâ âwurem ge yengât kunyene tatmâ yâhâmbisâm. Sâp yan Anitâhât wâtne ya nâhâlen tetemu eknomai.” Yawu sâop.

<sup>65-66</sup>Yawu sâmu Kaipane nângâmu bâlemu yahatmâ ikne sângum mem duhatmâ bukulipne yuwu sâm ekyongop. “Bâe, ikjahât nângâmu yahatmu Anitâhât kawenjan kinbe sâm oap. Yuâmâ den kâmbukne hâliline yap. Yakât girawu tuhunomgât nangai?” Yawu sâm âiyongop.

Sâmu sâwi. “Kunjetâ muâk,” yawu sâwi.

<sup>67</sup>Yawu sâm kundenjan tâpguwi. Tâpgum gâtne sângum âlâ mem senne sâhâm kâtâpgunetâ kinop. Senne sâhâm kâtâpgum ândâpne huhuwi. Ândâpne huhum nombotne yuwu sâm âikuwi. <sup>68</sup>“Bâinj, ândâpge âlâne huhuap? Anitâne hângânnohomu gewan sâmat. Ya bulâne sâmat otmuâmâ yiwerene âlâne ândâpge huhumu eksat yakât sârâ nângâne.” Yawu sâm kum senjan gem mem âlâlâ mângâewi.

### **Petoroje Yesu betbangiop.**

*(Mareko 14:66-72; Luka 22:56-62; Yoane 18:15-18,25-27)*

<sup>69</sup>Otmu Petoroje emet ya hawiñanâk kinmu hotom uminiwi ya yengât lok kunyehâhât hoj bawa imbi âlâne ekmâ yuwu sâm âikuop. “Gâmâ Yesu Galilaia amboje orop manjetâ yekman.” Yawu sâop.

<sup>70</sup>Yawu sâmu lok dondâhâlâk kinbinne nekmâ nângâmailhât Petoroje kuriahkmâ yuwu sâop. “Gâne den yat yakât ki nanjan.” <sup>71</sup>Yawu sâm pilâyekmâ endunâken ba kinmu imbi âlâne ekmâ lok yan kinbi ya yuwu sâm ekyongop. “Lok emet, lok yuâmâ Nasaret kapiân gâtne yâk orowâk manjetâ yekman.”

<sup>72</sup>Yawu sâm ekyongomu sârereakmâ yuwu sâop. “Anitâhât senjan kinmâ yuwu sâmune nângânet. Nâ lok yakât ki nângâwangiman.” Yawu sâop.

<sup>73</sup>Sâmu sâwi. “Yesuâmâ Galilaia hânân gâtŋe naŋgain. Yâhâ gâ gurâ yawuâk Galilaia yengât eŋgat ya sârâ naŋgain yukâ. Yakât otmâ gâmâ yâkât komolân gâtŋe gekŋain.” Yawu sâwi.

<sup>74</sup>Sâŋetâ sârereakmâ sâop. “Bâiŋ, âlepŋe Anitâhât senŋan den membom otbuawâmâ yâkŋe matŋe nihiwuap. Lok sâam tai yuâmâ bulâŋanâk ki nâŋgâwaŋŋian.” Yawu sâop. Yawu sâam oan mâne yanâk gokorok isiop. <sup>75</sup>Gokorok isian mâne Yesuŋe emet inânŋan den ekuop ya nâŋgâmu teteop. “Gâŋe nâhât “ki nâŋgâwaŋŋian” sârâ kalimbuŋe otmu yan gokorok isewuap.” Den ya nâŋgâmu tetemu biwiŋe ŋasinâk pato otmu pilâyekmâ ikŋiâk ba kinmâ hik ŋâik ŋâihâk isiop.

#### Yesu mem Pilatohâlen ariwi.

(Mareko 15:1; Luka 23:1-2; Yoane 18:28-32)

**27** <sup>1-2</sup>Otmu emet haŋ sâmu yanâk hotom uminiwi ya yengât kunlipyeŋe otmu Yura nengât kunlipnenŋaŋe Yesu muâkgât sâam den hikuwi. Yawu otmâ Yesu bâŋŋan kum sâhâm dâim Roma yengât kiap âlâ, kutŋe Pilato sâam, yâkât den sâsâ emetŋan ariwi.

#### Yurasi hiwawahop.

(Aposolo 1:18-19)

<sup>3</sup>Otmu bukunenŋe Yurasinŋe Yesu mumbuapgât den sâam hârewaŋgiwi yakât den pat nâŋgâmu bâleop. Nâŋgâmu bâlemu yâkŋe kât nanŋe 30 waŋbi ya mem sururuk sâam ari yuwu sâam ekyongop. <sup>4</sup>“Otmune dondâ bâleap. Yesu yamâ tosaŋe bia yamâ nâŋe otmâ tâpikguwan. Yawu otmâ tosa umatŋe mian.” Sâmu sâwi. “Tosa amboŋe. Gikak heŋgeŋguwat.”

<sup>5</sup>Yawu sâŋetâ nâŋgâmu bâlemu pilâyekmâ tewetsenŋe waŋbi ya mem ari opon kâmbukŋan yâhâ sorokenâk pilâmu giop. Pilâm gem sururuk sâam ari hiwawahop.

<sup>6</sup>Yâhâ hotom uminiwi yengât kunlipyeŋaŋe tewetsenŋe pilâop ya mem yuwu sâwi. “Tewetsenŋe yuâmâ Yurasinŋe Yesu betŋehen kioŋop yakât hâmeŋe. Yawu gârâmâ yuŋe opon kâmbukŋahât pat sâam katmunŋe ki ârândâŋ otbuap. Yawu gârâmâ yuwu mon otnom? <sup>7</sup>Yu mem lok âlâŋe amaŋ tuhumap yâkâlen hân puluhunom. Puluhum lok kâlepŋehembâ taka manmai ya yan hanyongombisâi.” Yawu sâwi. <sup>8</sup>Yawu otmâ hân ya puluhui yakât kutŋe yuwu, “Heŋŋak puluhui,” yawu kunbi. Sum yakât kutŋe yawuâk tap.

<sup>9-10</sup>Otbi yakât bonŋe teteop yamâ emet inânŋan Anitâŋe sâmu poropete âlâ, kutŋe Yeremia sâam, yâkŋe kulemgup ya yuwu. “Isirae nengât kunlipnenŋaŋe lok âlâ muâkgât sâam hârewaŋgim yakât kât nanŋe 30 kasaŋe waŋbi. Tewetsenŋe waŋbi ya mem ari lok âlâ amaŋ tuhuminioŋ yâkâlen hân puluhunomai sâam Anitâŋe den eknohop.” Yawu sâam kulemgup tap.

**Yesuŋe olop miop yakât Pilatoŋe âikuop.**  
(Mareko 15:2-5; Luka 23:3-5; Yoane 18:33-38)

<sup>11</sup>Yâhâ hotom uminiwi otmu Yura nengât kunlipnenŋaŋe Yesu mem Pilatoŋe sâŋ hâreâkgât yâkâlen ari den âiân katbi. Katŋetâ tatmu Pilatoŋe yuwu sâŋ âikuop. “Yura yengât lok kutdâ sâmai ya gâ me?” Yawu sâop.

Sâmu sâop. “Oŋ, den bulâŋe yat.” Yawu sâop.

<sup>12</sup>Otmu Yesu mem ariwi nombotŋaŋe yâkât hakŋan sâwi. Hakŋan sâŋetâ den matŋe ki sâop. <sup>13</sup>Ki sâŋ olotoŋâk kinmu Pilatoŋe topŋe nâŋgâwe sâŋ Yesu yuwu sâŋ âikuop. “Girawu otmâ den sâŋ tai yakât matŋe ki kâpekyiŋgiat?”

<sup>14</sup>Yawu sâŋ âikumu den biaek kinop. Yawu kinop yakât ekmu sâtŋe olop.

**Yesuŋe kuŋetâ muâkgât Pilatoŋe den sâŋ hârewaŋgiop.**  
(Mareko 15:6-15; Luka 23:13-25; Yoane 18:39–19:16)

<sup>15-19</sup>Otmu Pilatoŋe yuwu nâŋgâop. “Lohimbi dondâŋe Yesuhât nâŋgâŋetâ yahatmap. Yakât otmâ hotom umai ya yengât kunlipyeneŋe nâŋgâŋetâ bâlemu yaŋak muâkgât sâŋ hârewaŋgim nâhâlen mem takai.” Yawu nâŋgâm engat yâhâp otmâ kinmu yanâk imbiŋaŋe yuwu sâŋ den katmu takaop. “Nâ amanân awun eksan yakât topŋe yuwu. Yesu yamâ tosaŋe bia. Gârâmâ gâŋe ihilâk ki otbaŋgiuwat.” Den yawu sâŋ katmu takaop.

Yâhâ Tihit tihit hombaŋ ârândâŋâk Pilatoŋe yuwu otminiop. Lok tosa otŋetâ pâi emetŋan katyekŋetâ tatminiwi yapâ gâtŋe âlâ me âlâhât lohimbine nâŋgâŋetâ dopŋan otmu lok âlâ holaŋbuat sâminiwi ya holaŋyekmu geminiwi. Yakât otmâ Yesu me lok bâleŋe, kutŋe Yesu Barawa sâŋ, âlâ me âlâ holaŋmu gewuapgât nâŋgâm Pilatoŋe lohimbine ya yuwu sâŋ âiyongop. “Âlâ holaŋmune gewuap? Barawa me Yesu holaŋmune yengâlen giâkgât naŋgai?”

<sup>20</sup>Yawu sâŋ âiyongomu hotom uminiwi ya yengât kunlipyeneŋe otmu Yura nengât kunlipnenŋaŋe lohimbine biwiyenŋan kionmâ yuwu sâwi. “Barawa holaŋdâ gemu Yesu kuŋetâ muâk,” sâŋetâ sâŋ engatyenŋan gewi.

<sup>21</sup>Yâhâ Pilatoŋe yahatmâ kinmâ yuwu sâŋ âiyongop. “Yenâmâ âlâ holaŋmune giâkgât naŋgai.”

Sâmu sâwi. “Barawa holaŋdâ giâkgât naŋgain.” Sâŋetâ sâop. <sup>22</sup>“Yesu yuâmâ Anitâŋe hâŋgângumu giop sâmai yâkât girawu otbaŋgiwomgât naŋgai?”

Sâmu ŋerekŋe berendeŋâk sâwi. “Yâk howanân kum kânâŋgâŋetâ muâk.”

<sup>23</sup>Sâŋetâ âiyongop. “Bâe, yuâmâ ki orotŋe. Wuân otmu bâleopgât yawu yai?”



Yawu sâmu âlâkuâk yahatmâ sâwi. “Howanân kum kânângâjetâ muâkgât nanngain.” Yawu sâwi.

<sup>24</sup>Yawu sâm kunyeje kârikje otjetâ kuk pato tetemap sâm Pilatoje yahatmâ kinmâ topyeje teteâkgât to osom katmâ senyejanâk bâteje piriakmâ ekyongop. “Yu otne sâm oai yamâ yengât tosa. Yuje nâhât wahap ki oap. Yawu gârâmâ senyejanâk kinmâ to yu piriakmune neksai.” <sup>25</sup>Sâmu sâwi. “Sâmunje kujetâ mumbuap yukât tosa yamâ nen otmu nengât sen tetem sambe otnomai ârândâj menenekbuap.” Yawu sâm hârewi.

<sup>26</sup>Yawu sâm hârejetâ Pilatoje sâmu Barawa ya holajetâ giop. Yawu otmâmâ tembe lâulipje ekyongomu Yesu mem kândâtje lawitjetâ hepjak kiŋ pisiliŋ sâop. Yawu otjetâ Pilatoje hângânyongomu howanân kujetâ muâkgât mem ariwi.

### **Tembe lâulipje Yesu mem âlâlâ tuhuwi.**

*(Mareko 15:16-20; Yoane 19:2-3)*

<sup>27</sup>Tembe lâulipje Yesu mem ya pilâm emet âlâen katjetâ talop. Yawu otmâ tembe lâu bukulipyje nombotje meyekjetâ gawi. <sup>28</sup>Gam Yesuhât hâk katipje tuhum pilâwangim hâk katipje kâkâlep, kuriŋ takop takop yamâ lok kutdâje mânunjakmâ manminiwi yawuya ya mem mânunbangiwi. <sup>29</sup>Yawu otmâ tâk âlâ sâtje metje, hatman yawuyaje mem goŋgoŋgum lok papato yengât ŋerendenj ya dop kum kunjan kepeim âlihitbangiwi. Âlihitbangim kapam âlâ bâteje bonângen waŋjetâ memu gotjan ba senjan gem giriŋbangim yuwu sâm ekuwi. “Bâe, Yura yengât lok kutdâ pato. Yakât otmâ torokatmâ mangât nanngain.” Yawu sâm senjan gewi. <sup>30</sup>Senjan gem kundennjan tâpguwi. Otmu kapam waŋbi yaŋak bâtejan hindâm kunjan lawitbi. <sup>31</sup>Yawu otmâmâ hâk katipje kuriŋ ya mem tuhum pilâm ikje hâk katipje mânunbangim yaŋak mem howanân kum kânângâne sâm dâim ariwi.

### **Yesu howanân kuwi.**

*(Mareko 15:21-32; Luka 23:26-43; Yoane 19:17-27)*

<sup>32</sup>Ariwi yamâ ikŋahâk howanje lâuakmu ariwi yakât otmâ wâtje houj sâmu lok âlâ, kutje Simon sâm, yamâ Kirene gâtje ya mem tetem sâwangiŋjetâ Yesuhât howan ya tângum mem lâumu orowâk ariwi. <sup>33</sup>Ari hân âlâengen, kutje Golihata sâm, yan ariwi. Kut yakât topjeâmâ “Lok Kunje Hahitje,” yawu. <sup>34</sup>Yan ari Yesuje hâhiwin dondâ nângâmapgât wain to otmu to ŋasin bâleje ya orowâk menduhum gâim waŋjetâ nemu ŋasinbangimu ukum pilâop.

<sup>35</sup>Otmu hâk katipje tuhum pilâmâmâ ikje howanân kum kânângâjetâ kinmu hâk katipje ya mem “Âlâje miakbuap?” sâm mem ketetmâ katbi. Mem ketetmâ katjetâ tatmu pepa duhatmâ tipi tapi tuhum kutyenje

ikŋiâk ikŋiâk kulemgum amanân mânunjetâ giop. Mânunjetâ gemu mem gulip malap tuhum yapâ pepa âlâ mejetâ kut teteop yaŋe miahop.

<sup>36</sup>Yawu otmâ yakât kakŋan in ge tatmâ ekbi. <sup>37</sup>Yawu otmâ howan yakât kunŋan yuwu kulemgum katbi. “Lok yu kutŋe Yesu. Yâhâmâ Yura yengât lok kutdâ.” Yawu sâm kulemguwi. <sup>38</sup>Otmu sâp yanâk lok komborâ yâhâp yotgom lâum kânâŋgâyelekŋetâ nombot nombot kinowot.

<sup>39</sup>Otmu lohimbi nombotŋe mâtâp ya watmâ howan hâlâŋmâ arim takawiŋe Yesu ekmâ lauyeŋe butelim yuwu sâwi. <sup>40</sup>“Gâŋe emelâk yuwu sârâ nâŋgâwin. “Opon kâmbukŋe yamâ nâŋe liakum hilâm kalimbu biwiŋan tuhum maŋguwom,” yawu sârâ nâŋgâwin. Yawu gârâmâ howanâmbâ pek sâm kâpehaktmâ ge. Gerâ yanâmâ nenŋe “O, Anitâhât nanŋe bulâŋe” sânom.” Yawu sâwi.

<sup>41</sup>Yawu sâŋetâ benŋe hotom uminiwi ya yengât kunlipyeŋe otmu Mosehât girem den kâsikum ningiminiwiŋe senŋan gem lohimbi kinbi ya yuwu sâm ekyongowi. <sup>42</sup>“Lok yuâmâ Yura nengât lok kutdâ sâmai. Yuŋe lok nombotŋe tânyongomu ekmain. Yâhâ girawu otmuâmâ ikŋeâmâ ki tânahom howanâmbâ kâpehaktmâ giap? Kâpehaktmâ gemu eknom otmuâmâ biwinenŋe yâkâlen katmâ tem lâuwanginom. Yâhâ ki kâpehaktmâ gewuawâmâ yuwu sânom. “Âo, lok yuâmâ imbiâk otmap.” Yawu sânom. <sup>43</sup>Yawu otmâmâ ikŋak yuwu sâop. “Nâmâ Anitâhât nanŋe bulâŋe. Biwine yâkâlenâk kinsap.” Ikŋahât yawu sâop. Gârâmâ baiŋ Anitâŋe tângumu howanâmbâ kâpehaktmâ gemu ekne.” Yawu sâwi.

<sup>44</sup>Yawu sâm senŋan gem kinŋetâ yanâk lok bâleŋe yotgom kânâŋgâyelekŋetâ nombot nombot kinowot yâku yawuâk senŋan giowot.

### Yesu muop.

*(Mareko 15:33-41; Luka 23:44-49; Yoane 19:28-30)*

<sup>45</sup>Otmu hilâm kârikŋan, 12 kilok olop yan Anitâŋe nâŋgâmu emetsenŋe bok sâmu omoŋ sahaŋop. <sup>46</sup>Omoŋ sahakmâ yapâ ari emetsâpŋe 3 kilok otmu emet laŋinŋe âlâkuâk pilâop. Yawu otmu Yesuŋe kândâtŋe kuwihaktmâ Yura nengât denân yuwu sâm halahuop. “Eli, Eli lama sapaktani.” Yawu sâop. Sâop yamâ topŋe yuwu. “O, Awonŋ, wongât nâŋgâm kâkâsuk otmâ betnihiat?” Yawu sâop.

<sup>47</sup>Otmu lok nombotŋe nâŋgâm tâpikgum yuwu sâwi. “Eliahât mon sâm ahom kuakmâ tap.” <sup>48</sup>Yawu sâŋetâ hohetyeŋan gâtŋe âlâŋe sururuk sâm ari sâŋgum âlâ mem nak bâtbâtŋe potonŋan pân pân kepeim wain to bâleŋe yan katmâ mem yâhâ Yesuŋe niâkgât launŋan kalop. <sup>49</sup>Yawu otmu bukulpŋe yuwu sâm ekuwi. “Pilâ. Eliŋe himbimâmbâ ge tânguâkgât nâŋgâm kutŋe kunsap mon? Pilârâ in ekne.” Yawu sâwi. <sup>50</sup>Yawu sâm kinŋetâ Yesuŋe kârikŋeâk halahum yaŋak baiŋe kambiamŋe tok sâmu muop.

<sup>51</sup>Otmu emelâk lohimbi inŋeŋe opon kâmbukŋe yakât biwiŋe ekmai sâm sâŋgum kâlep pato hikuŋetâ ya kâtpguminiop. Sâŋgum yaŋe

pângambâek tok sâmb hâreakmâ nombot nombot otmu tetekjan olop. Yawu otmu mososoŋ pato miop. <sup>52</sup>Mososoŋ pato memu yan hân orotok sâmb lohimbi nombotŋaŋe emelâk Anitâhât tem lâum manminiwi ya yengât sum aŋ sâmb kinmu pindilakmâ yahatbi. <sup>53</sup>Sumâmbâ pindilakmâ yahatmâ manbi yaŋe ari Yesuŋe mumuŋambâ yahalop yanâmâ Yerusalem kapiân yâhâŋetâ yan kapi ambolipŋe orowâk eŋakbi.

<sup>54</sup>Yesu muop sâp yanâmâ tembe lâu hâlâŋmâ kinbiŋe mososoŋ pato miowân kulem âlâlâ tetemu ekŋetâ âlâ kândâkdâ otmu yuwu sâwi. “Lok yuâmâ bulâŋanâk Anitâhât nanŋe.” Yawu sâwi.

<sup>55</sup>Otmu imbi nombotŋe yan kinbi yâhâmâ Galilaia ambolipŋe. Yâkŋeâmâ Yesuhât hoŋ baminiwi yamâ kutyeŋe yuwu. <sup>56</sup>Âlâmâ Maria Matala kapiân gâtŋe, âlâmâ Mariahât nambenŋe Yakowo yet Yose mâmâyetŋe, yâhâ âlâmâ Yoane yet Yakowo yâk yetgât mâmâyetŋe.

### **Yesu lâum ari hanguwu.**

*(Mareko 15:42-47; Luka 23:50-55; Yoane 19:38-42)*

<sup>57</sup>Emet ŋiŋ sâmb yan lok âlâ, kutŋe Yosep sâmb, yâhâmâ Arimata kapi amboŋe. Yâkât iri sikumŋe pato tatbaŋgiop. Otmu yâkŋe Yesuhâlen biwiŋaŋe kepeim manop. <sup>58</sup>Lok yaŋe Yesu lâum ari hanguwe sâmb Pilatohâlen ari tetewaŋgiop. Tetewaŋgimu lauŋan mem tembe lâulipŋe hâŋgânyongomu ari howanâmbâ Yesu mem waŋbi. <sup>59-60</sup>Mem waŋetâ bukulipŋe orop Yesu lâum ari kât mâtâpŋe âlâ dikin yawuya emelâk Yosepŋe yan hannohonomai sâmb nanlipŋaŋe kât mâtâpŋe kusânmâ mem tingâloŋetâ kinop ya lâum ariwi. Otmu sâŋgum kaok âiŋe yaŋe katipgum kâlehen lâum ba katŋetâ talop. Katŋetâ tatmu kât âlâ lâum hâpunŋetâ ba mâtâpŋe ya maŋguop. <sup>61</sup>Otmu imbi yâhâp, Maria Matala kapi amboŋe otmu nambenŋe Yakowo yet Yose mâmâyetŋaŋe yan ge tatmâ we bâle nâŋgâm talowot.

### **Tembe lâu katyekŋetâ galem kinbi.**

<sup>62</sup>Otmu emet haŋ sâmb, tatmâ nâŋgâminiwin sâp yakât omoŋânâk hotom uminiwi yengât kunlipyeŋe otmu Parisaio yaŋe Pilatohâlen ariwi. <sup>63</sup>Ari yuwu sâmb ekuwi. “Patonenŋe, den tipiŋe sâmunŋe nâŋgâ. Yesu lok perâk yaŋe emelâk den âlâ yuwu sâop ya naŋgat. “Nâ nohoŋetâ mum hilâm kalimbu hân kâlehen im yapâ mumuŋambâ yahatbom.” Yawu sâop. <sup>64</sup>Ya ki yahatbuap yawu naŋgain. Yawu gârâmâ hoŋ bawalipŋaŋe lâum ari âlâengen misingutŋetâ tatmu den imbiâk yuwu sâmb lohimbi kâityongonomai. “Yâhâmâ emelâk mumuŋambâ yahatsap.” Yawu sâmb kâityongom aŋgoân yakât nâŋgâŋetâ yahalop ya witgum torokatŋetâ umatŋe topŋe topŋe teteningiwuap. Yâhâ yawu otmaiâhât gâŋe tembe lâu nombotŋe katyekdâ ari sum yakât galemŋe kinŋetâ hilâm kalimbu pesuk sâekgât naŋgain.” Yawu sâmb ekuwi.

<sup>65</sup>Sânetâ sâop. “Bâin nâhât tembe lâu meyeknetâ ari sum galemgum kinnomai.” Yawu sâop.

<sup>66</sup>Yawu sâmu tembe lâulipne meyekmâ sumângen ariwi. Ari kât hâpunmu mâtâpne manjuop ya ekmâ dengop kutakum mem ginjan katnetâ merakiop. Yawu otmâ Yesuhât bukulipnaje tuhun gik beretek pilâm kâlehen yâhâmahât Sisahât towat dengowân katbi. Dengowân katmâ tembe lâu galem katyeknetâ kinnetâ âwurewi.

**Yesuŋe mumuŋambâ yahalop.**

*(Mareko 16:1-10; Luka 24:1-10; Yoane 20:1-18)*

**28** <sup>1</sup>Emet haŋ sâmu yanâk Maria, Matala kapiân gâtne otmu nambene orowâk sumângen ariowot. <sup>2</sup>Arimutâ yanâk mososon pato memu aŋelo âlâ hâk katipne kaok bolan bolan yaŋe himbimâmbâ pârâk sânsânâk giop. Ge kât pato âlâ Yosep bukulipnaje lâum hâpunnetâ ba sum mâtâpne manjuop ya yâkne lâum hâpunmâ pilâm kakŋan yâhâ talop. <sup>3</sup>Otmu aŋelo yakât kundenŋaje laŋinŋe dondâek pilâop. <sup>4</sup>Kât pat kakŋan ge tatmu ekmâ tembe lâu yaŋe umutyene arimu kâi bâtyene sân sân sâm derepyongop. <sup>5</sup>Yawu otmâ aŋelone imbi yâhâp yuwu sâm ekyotgop. “Yet kiŋgityetŋahât ki otset. Yetne Yesu howanân kuwi ya ekde sâm takawot ya nanŋan. <sup>6</sup>Yâhâmâ yuân ki tap. Emelâk mumuŋambâ yahatbom sâop yawuâk otmâ yahatmâ arap. <sup>7</sup>Yakât otmâ kâlehen yâhâ Yesuhât welâm ekmâ nâŋgâm in yawu âwurem ari hoŋ bawalipne yuwu sâm ekyongoromawot. “Kutdânenŋaje emelâk mumuŋambâ yahatmâ Galilaia hânângen ari tap. Yawu gârâmâ yen yawuâk ariŋetâ penanŋinomai.” Yawu sâm ekyongoromawot.”

<sup>8</sup>Yawu sâmu nâŋgâm koahowot yamâ biwiyetne herone pato nâŋgâowot. Yawu otmâ ya pilâm sururuk sâm hoŋ bawalipne yengâlen ariowot. <sup>9</sup>Arimutâ Yesuŋe mâtâwân teteyitgim yuwu sâop. “Wa, imbi yâhâp.” Yawu sâmu koahowot yamâ ekmâ nâŋgâm mepa sanŋan otbaŋgiowot. <sup>10</sup>Yawu otbaŋgimutâ yuwu sâop. “Yet ki nâŋgâm koakset. Yerâmâ sururuk sâm hoŋ bawalipne ari ekyongomutâmâ Galilaia hânân ari mambotnihinomai.” Yawu sâop.

**Tembe lâu yaŋe den golâ gahaem sâm haok tuhuwi.**

<sup>11</sup>Yawu sâm ekyotgomu mâtâwân arim tatmutâ tembe lâu sum galemne kinbiŋe sururuk sâm ari kapi patoen yâhâ hotom uminiwi yengât kunlipyene kulem teteop yakât ekyongowi. <sup>12</sup>Yakât ekyongonetâ opon kâmbukŋahât galemlipyene orowâk menduhuakbi. Menduhuakmâ den hikum tembe lâu yaŋe Yesuhât sum galem kinbi ya tewetsenŋe hâmeŋe pato yinŋim “den golâ yuwu sânomai,” sâm engatyenŋan gewi. <sup>13</sup>“Nen omoŋ derep kâmbukŋan aman pâlâmne imunŋe Yesu hoŋ bawalipnaje tihâk taka lâum âlâengen ari hanguai.” Yawu sânomai.

14 Yawu gârâmâ Pilatoŋe den yu nâŋgâm hilipyongomapgât nenŋe sârereyekmâ topŋe yu kurihinom. Yakât ki nâŋgâm ketet otnomai.” Yawu sâwi.

15 Yawu sâŋ hâmeŋe yinŋiŋetâ miakmâ sâwi yawu otbi. Yâhâ den golâ yamâ sâŋ haok tuhum alahum ariwi. Yakât otmâ sâp yiwerenŋe yu Yura kapi ambolipŋaŋe den yukât yawuâk alahum manmai.

**Yesuŋe den bâiŋe sâŋ ekyongop.**

*(Mareko 16:14-18; Luka 24:36-49; Yoane 20:19-23)*

16 Otmu yakât kakŋan nen hoŋ bawalipŋe kâiân konok Galilaia hânân ariwin. Ari Yesuŋe pumŋe âlâ yan menduhuaknom sâop yan yâhâ menduhuakbin. 17 Menduhuakmâ kinmunŋe Yesu teteningimu ekmâ biwi hero pato nâŋgâm mepaewin. Yawu gârâmâ lohimbî nombotŋaŋe ekmâ enŋat yâhâp otbi. 18 Yâhâ Yesuŋe gotnennan ga kinmâ yuwu sâŋ eknongop. “Anitâ Awoŋnaŋe mâmâŋe otnihimu yâkât wâtŋan kinmâ himbimân gâtŋe me hânân gâtŋe, ehekŋe ki ehekŋe kerek yengât kunyeŋe tatmâ yâhâmbisâm. 19 Yawu gârâmâ den kâsikum yinŋim gan yu mem hânŋan kulemŋan ari lohimbî kâsikum yinŋiŋetâ nâhâlen biwiyenŋaŋe kepeim mannomai. Yawu gârâmâ Awoŋne otmu nâ otmu Wâtgât mâmâŋahât Heak nenâmâ konohâk oain. Yawu tatmain yakât yeŋe nengât kulân lohimbî toen mem katyekŋetâ nenŋe tihityeŋe otmâ yâhânom. 20 Otmu nâŋe yen orowâk manmâ den kâsikum yinŋim gan ya kerehâk kâsikum yinŋiŋetâ biwiyenŋaŋe tiŋâk lâum mannomai. Otmu sâp ârândânŋ mâmâŋe otyinŋimune nâ orop biwiyenŋaŋe kepeiakmâ konohâk otmâ mannomai. Otmu sâp pesuk sâwuap yanâmâ âwurem gemune penanŋiaknom.” Yawu sâŋ den bâiŋe eknongop. Bâiŋ, den pesuk yap.